



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

Northampton
Sturges & Co
King's Chapel

Massachusetts

1904

82

7-48

388

25/1/57

2077

07 JUN 2005

124

Հայկական ԽՍՀ
Լեւոն Բաբայան

82
7-48 պջ

16 OCT 2003

ՉԱՐԼԶ ԴԻԿԵՆԶԻ

ԾՆՆԴԵԱՆ ԱՐՁԱԿ ԵՐԳԵՐԻՑ

Թարգմանեց ընտրեց Մխիթար Տէր-Անդրէասեանց

ԲՈՎԱՆԳԱԿՈՒԹԻՒՆ

- Գլուխ Ա. Մատենի Ուրուականը.
- Գլուխ Բ. Երեք Ոգիններից Առաջինը.
- Գլուխ Գ. Երեք Ոգիններից Երկրորդը.
- Գլուխ Դ. Երեք Ոգիններից Վերջինը.
- Գլուխ Ե. Վերջաբան:

ԱՌԱՋԱԲԱՆ

Այս Ոգինները գրքոյկում աշխատել եմ յարուցանել մի Գաղափարի Ոգի, որ ոչ ընթերցողներն քէֆը կը փշացնի, ոչ նրանց ածնական տրամադրութիւնը կը խանգարի, ոչ էլ կը վրդովի նրանց ինչ դէմ կամ որեւէ մէկի դէմ: Երանի հաճելի լինի նրա այցը ամենքին և ոչոք չհալածի նրան:

1001
635

82	ԴԻԿԵՆԱԿ	1001	
7-48	ԾՆՆԴՅԱՆ ԱՐՁԱԿ	635	
	ԵՐԳԵՐԻՑ		
Մ.Բ.	2/17/45		Արարչ
41	1/17/49		Մխիթար
944	5/11/47		
1001	15275	9/10/81	

82			
7-4			
Մ.Բ.			
41			
944	5/11/47		
1001	15275	9/10/81	
1001	11/11	82/3/11	
1188153	22/1		
գրք	19398	12/10/14	



Գլուխ Ա.

ՄԱՌԼԷՅԻ ՈՒՐՈՒԱԿԱՆԸ

Ակսենք նրանից, որ Մառլէյը մեռած էր: Այդ անկասկած է: Նրա թաղման արձանագրութիւնը ստորագրել էին քահանան, թաղապետը, կապալառուն *) և գլխաւոր սգուորը: Ինքը Սկոուշն էր ստորագրել: Նրա անունը գին էր տալիս բորսայում ամենմի թղթի, որի վրայ նա գրած էր լինում իր ձեռքը: Եւ այդպէս ուրեմն ծեր Մառլէյը մեռած էր:

Գիտէր արդեօք Սկոուշը, որ նա մեռած է: Անկասկած գիտէր: Ի՞նչպէս կարող էր չգիտենալ: Չգիտէր քանի-քանի տարուայ ընկերներ էին Սկոուշն ու նա: Սկոուշն էր նրա միակ կտակակատարը, նրա միակ կառավարիչը, միակ յաջորդը, միակ կենդանի մնացած ժառանգը, միակ բարեկամը և միակ սրգուորը: Սակայն հէնց Սկոուշն էլ այնքան սարսափահար չէր եղել տխուր դէպքից, որ չկարողանար հէնց թաղման օրը սքանչելի գործեր անել. և իսկապէս նա այդ օրը յաւերժացրեց մի անպայման շահաւէտ գործով:

Մառլէյի թաղման յիշատակութիւնը յետ է տանում ինձ կրկին պատմութեանս սկիզբը: Կասկած չկայ որ Մառլէյը մեռած էր: Այդ պէտք է լաւ ըմբռնել, այլապէս զարմանալու բան չէք գտնի յետագայ պատմութեանս մէջ: Եթէ մենք համոզուած չլինենք, որ Համլետի հայրը մեռած է եղել զեռ ներկայացման սկզբից առաջ, ապա մի գիշեր տեսնելով նրան արեւելեան քամու գիմաց թափառելիս իր սեփական պարխապներէ վրայ՝ աւելի չէինք զարմանալ, քան եթէ նրա փոխարէն մի ուրիշ միջին հասակի պարոն լինէր անզգուշաբար պտտում քամի տեղում, մի բոպէ հէնց ասենք՝ սուրբ Պօղոսի գերեզմանատանը—«իր օրգու թոյլ միտքը ապշեցնելու նպատակով»:

Ծեր Մառլէյի անունը երբէք չէր Սկոուշը: Ամբողջ տարիներ պահեստի դրան ճակատին մնաց նոյն «Սկոուշ ու Մառլէյ»-ը: Առևտրական տունը յայտնի էր իբրև «Սկոուշ ու Մառլէյ»: Գործին անտեղեակները Սկոուշին երբեմն Սկոուշ էին անուանում, երբեմն—Մառլէյ, և նա երկու դէպքումն էլ պատասխանում էր: Միննոյն բանն էր նրա համար:

*) Լոնդոնում առհասարակ թաղումը կապալով է տրուած:

Օ՛, նոյնիսկ քարից իւղ կը հանէր նա իր ամուր ձեռնեքով: Յափշտակող, գոփող ու ազահ էր քաֆթաւը: Պինգ ու անինայ՝ ինչպէս կայծաքար, որից սակայն ոչ մի պողպատ ազնիւ կրակ չի հանել երբէք: Ծածկուող, ինքնազուսպ ու մենակեաց—ինչպէս ոսորէ: Ներքին սառնութիւնը սառցնում էր նրա հիւժուած դիմագծերը, չորացնում նրա սուր քիթը, կնճռատում երեսը, շղթայում քայլուածքը, կարմրացնում աչքերը, կապտացնում նուրբ շրթունքն ու անախորժ սուր շեշտ տալիս նրա զիւ ձայնին: Յուրտ եղեամ էր նստել նրա գլխին, լօնքերին ու անթրաշ ծնօտին: Իր անձին յատուկ սառնամանիքը տարածում էր ամենուրեք և ամեն ժամանակ. տօներին սառընում էր գրասենյակը և այդ սառոյցը չէր հալեցնում ոչ մի աստիճան—նոյնիսկ ծննդեան տօնին:

Արտաքին տօթն ու ցուրտը ոչ մի ազդեցութիւն չէր տանում Սկոուշի վրայ: Ոչ տօթից խաշուողն էր նա, ոչ էլ ցրտից սառչողը: Քամին նրա պէս կոպիտ չի փշում երբէք, ձիւնը նրա նման անյողողող չի դիմում իր նպատակին, ոչ էլ անձրևն է նրա նման անխնայ մտրակում խնդրողին: Ամենավատ եղանակն անգամ չէր կարող մրցել նրա հետ:

Ամենասատիկ անձրևը, ձիւնն ու կարկուտը կարող են պարծենալ սակայն այն առաւելութեամբ, որ շատ անգամ նըրանք ինչայող են լինում, իսկ Սկոուշը—երբէք: Երբէք մէկը չկանգնեցրեց նրան փողոցում ուրախ-ուրախ ասելու. «Ի՞նչպէս ես, սիրելի Սկոուշ, կրք ես գալու իմ տեսութեանը»: Ոչ մի մուրացկան ձեռք չէր մեկնում նրան, ոչ մի երեխայ չէր հարցնում նրանից, թէ ո՞ր ժամն է, Սկոուշի ամբողջ կեանքում ոչ մի մարդ կամ կին չհարցրեց նրանից այս կամ այն տեղի ճանապարհը: Նոյնիսկ կոյր մուրացկաններին առաջնորդող շնորհը *) կարծես ճանաչում լինէին նրան. նրա մօտենալը նկատելիս՝ աշխատում էին իրանց տէրերին առաջնորդել մի դռան քամակ, կամ մի բակ և ապա պոչներն էին շարժում, կարծես ուզում լինէին ասել. «Վատ միջոցը, կոյր տէրս, կուրութիւնից էլ վատթար է»: Բայց Սկոուշին ինչ փոյթ: Հէնց այդ էր նրա սրտի ուզածն էլ: Ամբողջ կեանքը իր էջը քշել՝ ոչ մի ուշադրութիւն չդարձնելով շրջապատող խուռն բազմութեան վրայ, հեռու մնալ ամեն մի մարդկային զգազմունքից, —անա թէ քննէր Սկոուշի սիրածը:

Տարուայ լաւագոյն օրերից մի ամենալաւ օր—Ծննդեան

*) Լոնդոնում կոյր մուրացկանները սովորեցած շներ են ունենում:

Թաթախման օրը—ծեր Սկոուշը զբաղուած՝ նստած էր իր գըրասենեակում: Յուրտ, սառնամանիք ու վատ եղանակ էր, այն էլ մռայլ: Գուրսը, բակում մարդիկ փոնչալով գնում-գալիս էին՝ ձեռները տրորելով ու ոտները ստրայատակի քարերին տալով տաքացնելու նպատակով. այդ բոլորը հասնում էր նրա ականջին: «Միտի»-ի *) ժամացոյցը նոր էր երեքը խփել, բայց արդէն բոլորովին մութն էր (հէնց ցերեկն էլ ասենք այնքան էլ լոյս չէր), և հարեան գրասենեակների պատուհաններից ճըրագի լոյսը կարմիր բծերի էր նմանում թանձր, մոխրագոյն օդի միջով: Ամենմի ճեղքից ու բանալիի ծակից մտախուզը ներս էր հոսում, իսկ դրսում այն աստիճան թանձր էր, որ չնայելով բակի նեղութեանը, դիմացի տները չգիւ էին նըշմարոււմ: Տեսնելով մռայլ ամպի խտանալն ու ամենինչ ծածկելը, կարելի էր ենթադրել, թէ բնութիւնը մեծ եփ ու թուխօ վրայ է:

Գրասենեակի դուռը բաց էր պահում Սկոուշը, որպէսզի կարողանայ աչքը գրագրի վրայ պահել, որը՝ դիմացի տակառանման փոքրիկ ու մռայլ խուցում նամակներ էր արտագըրում: Սկոուշի վառարանում շատ քիչ կրակ կար. գրագրի վառարանի կրակը նրանից էլ պակաս լինելով՝ մի հատ ածուխ լինէր կարծես: Բայց նա չէր համարձակուում ածուխ աւելացընել, որովհետև Սկոուշը իր սեփական սենեակումն էր պահում ածխի արկղը. և ամեն անգամ հէնց որ գրագիրը թիակը ձեռքին ներս էր մտնում, իսկոյն տէրը յիշեցնում էր, որ երևի ստիպուած կը լինի բաժանուել նրանից: Այդ պատճառով գըրագիրը վիզը փաթաթեց իր սպիտակ շալոյն ու սկսեց ճըրագի բոցովը տաքանալ. բայց որովհետև խեղճը զուրկ էր ուժեղ երևակայութիւնից, այդ էլ չաշողուեց:

—«Ուրախ Ծնունդ, բեռի, Աստուած օրհնի քեզ», գոչեց մի ուրախ ձայն: Այդ Սկոուշի քրոջ որդու ձայնն էր. նա այնպիսի արագութեամբ փաթաթուեց ետու վզովը, որ հէնց դըրանից միայն իմացաւ նրա գալը:

«Փանձ, ասաց Սկոուշը, դատարկ բան»: Այնքան տաքացել էր ցուրտ ու մռայլ փողոցներով վազելիս Սկոուշի քրոջ որդին, որ կարծես կրակ լինէր. նրա երեսը կարմիր ու գեղեցիկ էր, աչքերը փայլուն, իսկ քթի ծակերից գոլորշի էր փչում: «Ծնունդն է դատարկ բան, քեռի», ասաց Սկոուշի քրոջ որդին:—«Ես հաւատացած եմ, որ հանաք ես անում:

*) Լոնգանի կենտրոնական մասն է:

—«Երբէք,—ասաց Սկոուշը.—ուրախ Ծնունդ... Ինչ իրաւունքով ես ուրախութիւն անում դու այդ աղքատ տեղովդ»:

—«Եթէ այդպէս է», ուրախ-ուրախ պատասխանեց երիտասարդը. «Ինչ իրաւունք ունես դու տխուր լինելու. ինչ հիմք ունես դու քիթդ կախելու հարուստ տեղովդ»:

Սկոուշը «փանձ»ից լաւ պատասխան չգտնելով՝ դարձեալ նոյն բացազանչութիւնն արձակեց և աւելացրեց. «Իստարկ բան»:

—«Հակառակ մի լինիր, քեռի», ասաց քրոջ որդին:

—«Բա էլ ինչ կարող եմ անել», պատասխանեց քեռին, «երբ որ քեզ պէս յիմարների աշխարհումն եմ ապրում: Տես հլա, ուրախ Ծնունդ: Դուրս կորիր քո ուրախ Ծնունդովդ: Էլ աւրիշ ինչ մի բան է քեզ համար Ծնունդը, եթէ ոչ հաշիւենքով փող վճարելու ժամանակ, երբ որ գրպանումդ մի գոռոջ էլ չկայ, մի ժամանակ՝ երբ տեսնում ես, որ մի տարի էլ անցաւ, քայց խելքդ մը մազաշափ էլ չաւելացաւ, մի ժամանակ՝ երբ հաշուեգրքերիդ գումարները տալով՝ նկատոււմ ես, որ ամեն բանում տարին տասներկու ամիս շարունակ վրաս ես ունեցել: Եթէ կարողանայի ուզածս անել», ասաց Սկոուշը զայրացած, «ամեն մի յիմարի, որ «ուրախ Ծնունդը» քեռնին պարապ շըջում է, կ'եփէի իր սեփական պուդրինգի հետ միասին և սոսնաձառի սուր ծայրը սիրտը խրելով՝ շանսատակ կ'անէի»: Այո, այդպէս կ'անէի»:

—«Բեռի», գոչեց քրոջ որդին:

—«Տղան»,—պատասխանեց քեռին լրջօրէն. «դու քն ուզածիդ պէս տօնիր Ծնունդը և թող որ ես էլ իմ ուզածիս պէս տօնեմ»:

—«Տօնեմ», կրկնեց Սկոուշի քրոջ որդին: «Ախր դու չես տօնում»:

—«Դէ, ուրեմն ձեռք քաշիր ինձնից», ասաց Սկոուշը: «Թող քեզ անի իր լաւութիւնը այդ Ծնունդը. հօ միշտ էլ քեզ շատ է լաւութիւն արել»:

—«Շատ բան կայ, որոնցից ես կարող էի օգուտ քաղել, աւակայն համարձակուում եմ ասել, որ երբէք չեմ օգտուել», պատասխանեց քրոջ որդին. «Ծնունդն էլ նրանցից մէկը: Բայց Ծնունդեան մասին ես միշտ միևնոյն կարծիքին եմ եղել, թէ դա անկասկած մի լաւ, բարի տօն է, որ կայ. դեռ մի կողմը թողած այն յարգանքը, որ վայել է տօնիս սուրբ անուան և ծագմանը (եթէ միայն կարելի է նրա վերաբերեալ որևէ բանը մի կողմը դնել)—մի բարի, երկայնամիտ, ողորմած, ախորժեկի օր. օրացոյցի միակ օրը ամբողջ տարուայ իմ գիտեցած օրերիցս, երբ մարդ թէ կին կարծես միահամուռ համաձայնու-

Թեամբ ազատ բաց են անում իրանց փակ սրտերը և մտածում են իրանցից պակասաւոր մարդկանց մասին, իբրև իրանց իսկական ընկերների, որոնց հետ միասին պիտի գնան գերեզման. ոչ թէ գրանք մի այլ ցեղի պատկանող էակներ են, որ մի ուրիշ ճանապարհով պիտի գնան: Հետևապէս՝ թէպէտ Ծընունդը երբէք իմ գրպանս ոչ մի կտոր ոսկի կամ արծաթ չի զցել, ես հաւատում եմ, քեռի, որ նա ինձ լաւութիւն արել է և անելու էլ է դեռ. և ես ասում եմ, Աստուած օրհնի այդ օրը»: «Տակառի» միջի գրագիրը բնագրաբար ծափահարեց, բայց իսկույն նկատելով իր արածի անտեղի լինելը՝ սկսեց կրակը խառնել և բոլորովին հանգցրեց վերջին կայծը:

— «Եթէ մէկ էլ եմ լսել ձայն», ասաց Սկոուշը, «Ծընունդդ տօնելուց առաջ տեղիցդ կը զրկուես: Իսկ դու, պարոնս, կատարեալ ճարտարախօս հոետոր ես եղել, և անկարող եմ դառնալով իր քրոջ որդուն. «Չարմանում եմ, թէ ինչու չես գնում պառլամենտը»:— «Մի նեղանար, քեռի, եկ, ճաշիր մեզ հետ վազը»: Սկոուշն ասաց, երանի թէ նրան տեսնէր... *) այդ, այդպէս էլ ասաց: Նա վերջացրեց նախազասութիւնը և ասաց, թէ գերադասում է նրան այդ ճայրայեղ դրութեան մէջ տեսնել:— «Ախր ինչու», կոչեց Սկոուշի քրոջ որդին:— «Ինչու, ինչու պսակուեցիր», ասաց Սկոուշը:— «Որովհետև սիրահարուել էի:— «Որովհետև սիրահարուել էիր», մրթմրթաց Սկոուշը, իբրև թէ սիրահարուելը աշխարհիս երեսին միակ չբանն էր, որ «ուրախ Ծննդից» էլ ծիծաղելի էր:— «Ցտեսութիւն»:— «Ոչ, քեռի, բայց դու պսակուելուց» առաջ էլ երբէք չէիր գալիս իմ տեսութեանը: Ինչու ես այդ պատճառը մէջ բերում»:— «Ցտեսութիւն», ասաց Սկոուշը:— «Ես ոչ մի կարիք չունեմ և ոչինչ չեմ խնդրում քեզից» ինչու չես ուզում, որ մենք բարեկամ լինենք»:— «Ցտեսութիւն», ասաց Սկոուշը:— «Ի սրտէ ցաւում եմ, որ դու այդքան հաստատ ես վճռիդ: Մենք երբէք որևէ վէճ չենք ունեցել, որ իմ մեղքիցս լինէր: Սա մի փորձ էր, որ ես արի ի պատիւ Ծննդեան և իմ տօնական արամազրուութեանս պահպանում եմ մինչև վերջը: Իէ, ուրեմն, ուրախ Ծննդ, քեռիս:— «Ցտեսութիւն», ասաց Սկոուշը:— «Եւ բախտաւոր նոր տարի»:— «Ցտեսութիւն», ասաց Սկոուշը:

2 1

Զնայելով սրան՝ նրա քրոջ որդին առանց մի խօսք ցուրտ ասելու դուրս եկաւ սենեակից: Ելքի դրան մտնա կանգ առաւ

*) Երևի մեռած կամ մի այլ այսպիսի բան, որ հեղինակը անվաճել է համարում կրկնել: Ծ. Թ.

աւուր պատշաճի բարեմաղթութիւններն անելու գրագրին, որ ինչքան էլ սառած լինէր, այնուամենայնիւ Սկոուշիցը շերմ էր, որովհետև սրտանց պատասխանեց շնորհաւորութիւններին:

— «Այս լալիտն էլ նրա կտորն է», մրթմրթաց Սկոուշը, որի ականջին էր հասել նրանց փոխադարձ շնորհաւորութիւնները»: շաբաթը 15 շիլինգ *) ստացող գրագրի մէկը, կնոջ ու զաւակների տէր, նա էլ է «Ուրախ Ծննդեան» մասին խօսում: Սրանք գոնեացնելու են ինձ:

Սկոուշի քրոջ որդուն դուրս թողնելիս՝ այդ տըխմարը ներս էր թողել երկու ուրիշ մարդ: Համակրելի արտաքինով երկու վայելչակազմ պարոն էին՝ ձեռներին թուղթ ու տետրակներ: Գրասենեակը մտնելով ու բարեկով Սկոուշին՝ «Սկոուշ ու Մառլէյ կարծեմ», ասաց պարոններից մէկը, դիմելով իր թերթին: «Պ. Սկոուշն է, թէ պ. Մառլէյը, որի հետ այժմ պատիւ ունեմ խօսելու»:— «Արդէն եթէր տարի է, որ պ. Մառլէյը մեռել է», ասաց Սկոուշը: «Եթէր տարի առաջ հէնց այս իսկ զիշերս մեռաւ նա»:— «Նրա կենդանի մնացած ընկերը պակաս առատածեռն չի անկասկած», ասաց պարոնը՝ ներկայացնելով իր հաւատարմաթղթերը: Հէնց այդպէս էլ էր, որովհետև երկու ազգակից հոգիներ էին դրանք: «Առատածեռն» չարարաստիկ խօսքից Սկոուշը կնճռոտեց իր ձակատը, գլուխը թափ տուեց և վերադարձրեց հաւատարմաթղթերը.— «Տարուայ այս տօն օրերին, պ. Սկոուշ», ասաց պարոնը՝ մի գրիչ առնելով ձեռքը, «աւելի քան երբևիցէ ցանկալի է, որ մենք մի թեթև օդնութիւն հասցնենք ազքատ ու զուրկ մարդկանց, որոնք այժմ մեծ կարօտութեան մէջ են: Հազարաւոր մարդիկ միջոց չունեն իրանց ամենահասարակ անհրաժեշտ կարիքները գոհացնելու. հարկը հազարաւորները զուրկ են ամենատարրական յարմարութիւններից, տէր իմ»:

— «Բանտեր չկան», հարցրեց Սկոուշը:— «Շատ», ասաց պարոնը՝ կրկին գրիչը ցած դնելով:— «Իսկ Միութեան գործատուները», հարցրեց Սկոուշը. դեռ չէն փակուել հօ»:— «Կան դեռ: Սակայն», պատասխանեց պարոնը, «կարող եմ ասել, ես կը ցանկանայի, որ իսկի չլինէին դրանք»:— «Իսկ թիարանները, հօ չէն քանդուել, մուրացկանութեան վերաբերեալ օրէնքը հօ չէ կորցրել իր ոյժը», հարցրեց Սկոուշը:— «Ո՛չ, ոչ, տէր իմ»:— «Օ՛հ, ես սաստիկ վախեցայ ձեր առաջուայ խօսքերից, թէ մի գուցէ որևէ բան լինի պա-

*) Մօտ 7 րուրի:

տահած այդ օգտաւէտ հիմնարկութիւններին», ասաց Սկոուշը: «Շատ ուրախ եմ, որ ոչինչ չի պատահել:—Աչքի առաջ ունենալով, որ դրանք աղքատ դասակարգի բազմութեանը հազիւ թէ քրիստոնավայել մտաւոր և նիւթական սնունդ լինեն մատակարարելիս», պատասխանեց պարոնը, «մենք մի քանի հոգով աշխատում ենք հանգանակել մի գումար և չքաւորների համար մի քիչ ուտելիք, խմելիք ու վառելիք գնել: Այս օրուայ օրս ենք ընտրել, երբ կարիքը աւելի խիստ է զգացւում, իսկ ունեւորը աւելի ևս յղփամուտ է: Ի՞նչ նշանակեմ ուրեմն ձեր անունից»:—«Ոչինչ», ասաց Սկոուշը:—«Ուրեմն դուք կամենում էք անյայտ մնալ»:—«Ես կամենում եմ, որ ինձ հանգիստ թողնէք», ասաց Սկոուշը: «Եթէ իմ կամքս էք հարցնում, պարոն, ահա իմ պատասխանս. ես ինքս էլ քէֆ չեմ անում Ծննդեան տօնին և ուրեմն չեմ կարող ծոյլերի համար քէֆի վրայ տալ: Ես օգնում եմ վերեւը յիշածս հիմնարկութիւնների պահպանութեանը, որոնք էժան չեն նստում. և ով որ կարիք ունի, կարող է դիմել նրանց»:—«Շատերը չեն կարող դիմել նրանց, շատերն էլ նոյնիսկ մահը գերադաս են համարում»:—«Եթէ այդպէս է, թող հէնց կոտորուեն ու պակսեցնեն աւելորդ ազգաբնակչութեան թիւը: Վերջապէս, ներեցէք, այդ ինձ չէ էլ վերաբերում»:—«Ի՞նչպէս թէ չէ վերաբերում», նկատեց պարոնը:—«Այդ իմ գործը չէ», պատասխանեց Սկոուշը: «Բաւական է, որ մարդ իր սեփական գործը լաւ վարի, իսկ ուրիշների գործին խառնուելը աւելորդ է արդէն: Ես շարունակ զբաղուած եմ իմ գործովս. ցտեսութիւն, պարոններ:

Նկատելով՝ որ շարունակելը անօգուտ է պարզապէս, պարոնները հեռացան: Սկոուշը կրկին իր գործին կպաւ, բոլորովին գոհ իր տուած պատասխանով, նոյնիսկ տրամադիր հանաքներ անելու:

Մինչայս մինչայն՝ մտախուզոն ու մութը այնքան խլուացան, որ շատերը վառ լապտերները ձեռքերին այս ու այն կողմն էին վազվզում ու իրանց ծառայութիւնը առաջարկում կառապաններին, — ձիաների առաջ լոյս անել ու ճանապարհ ցոյց տալ: Եկեղեցու հին զանգակատունը (որի գոթական պատահանից մոայլ զանգակը միշտ խորամանկ հայեացք էր գրցում Սկոուշի վրայ) այլ ևս չէր երևում: Իսկ ժամերն ու քառորդները ամպի միջիցն էին ղողանջում՝ դողդոջուն արձագանգ սփռելով օդում, կարծես զանգակատան սառած գլխից ատամների բաղխոց լինէր հնչելիս: Յուրաքանչեւ սաստկացաւ: Գլխաւոր փողոցի վրայ, բակի անկիւնում մի քանի բանուոր գաղի խողովակներ էին կարկատում և կրակ էին անում կրա-

կարանում, որի շուրջը հաւաքուել էին ցնցոտիներում կորած մարդիկ ու երեխաներ և հիացմունքով ձեռներն էին տաքացընում ու աչքերը ճպճպացնում կրակի դիմաց: Ջրանցքի անուշադրութեան մասնուած ծորակից հոսող ջուրը մտամուրթ սառել էր ու մի անորոշ մարդատեաց տեսք ընդունել: Տօնածառներով ու պտուղներով լիքը խանութների լուսաւորուած պատուհանների առաջ անցորդների գունատ դէմքերը կարմրին էին տալիս: Հաւաքածառների ու կանաչեղէն ծախողների կրպակների տեսարանը հրաշալի ու փառահեղ էր: Համարեա անհաւատալի էր թւում, թէ այս բոլորը «առևտուր» անուանուած ձանձրալի պարապմունքի հետ որևէ աւընչութիւն ունենայ: Լորդ-մերը հօր Մէնշըն-Հաուսի*) ամբոցից հրաման տուեց իր յիսունաչափ խոհարարներին ու տակաւապետներին տօնել Ծնունդը, ինչպէս որ վայել է լորդ-մերի անտեսութեանը. նոյնիսկ փողբիկ դերձակը, որ վերջին երկուշաբթի օրը հարբած՝ անկարգութիւններ էր արել փողոցում ու հինգ շիւլինգ տուգանքի ենթարկուել, նա էլ իր վերնայարկի սենեակում յաջորդ օրուայ պուզդիսոն էր տրորում, մինչդեռ նրա լղար կիմն ու երեխան դուրս էին գնում միս գնելու:

Մառախուղը թանձրանում էր և սառնամանիքը սաստկանում: Յուրաքանչեւ մարդուս ոսկորների ուղեղն էր սառցնում: Եթէ բարի սուրբ Դուստտանը իր սովորական գործիքը**) բանեցնելու փոխարէն չար Ոգու քիթը մի այդպիսի ցրտի տակ գցէր, — հաւատացնում եմ, որ վերջինս ծիծաղաշարժ բռնչոց կ'արձակէր: Մի ջահիլ տղայ, որի ողորմելի քիթը խածոտել ու կրծոտել էր քաղցած սառնամանիքը շան բերան ընկած ոսկորի նման, կուացաւ, որ Սկոուշի դրան բանալու ծակիցը «Աւտիք» ասի նրա համար. բայց հէնց որ լսուեցին առաջին խօսքերը՝ «Աստուած օրհնի՛ ձեզ, ուրախ պարոն, Աստուած ձեզ սև օր չըտայ», — Սկոուշը մի այնպիսի կատաղութեամբ քանոնը վերցըրեց, որ երգիչը փախաւ սարսափից՝ բանալիի ծակը թողնելով մառախուղին և Սկոուշի սրտակից սառնամանիքին: Վերջապէս գրասենեակը փակելու ժամը հասաւ: Սկոուշը ակամայ իջաւ իր աթոռից և լուռ իմաց արաւ «տակառի» մէջն սպասող գրազրին, որ իսկոյն իր ձրագը հանգցրեց ու գրակը ծածկեց:

— «Երևի վաղը ամբողջ օրն ես ուզում տօնել», ասաց Սկոուշը:

*) Այդպէս է անուանում Լոնդոնի լորդ-մերի ապարանքը:
 **) Ըստ աւանդութեան ս. Դուստտանը շիկացած ունկիւրով բռնել է սառնայի քիթը, երբ վերջինս փորձել է գայթակղեցնել սրբին: Ծ. Թ.

— «Եթէ կարելի է, պարոն»:

— «Ոչ կարելի է և ոչ էլ արդարացի», ասաց Սկոուլը: «Եթէ դրա փոխարէն կէս կոտն կտրեմ քեզնից, կ'ասես, թէ վատ եմ վարուում»:

Գրագիրը ժպտաց անհամարձակ:

— «Բայց դու վատ չես վարուում ինձ հետ», ասաց Սկոուլը, «երբ որ մի ամբողջ օր առանց բանելու ուզում ես ոտձիկ ստանալ»:

Գրագիրը նկատեց, որ այդ բանը տարին մի անգամ է պատահում:

— «Ողորմելի պատրուակ մարդու գրպանն ամեն տարի դեկտեմբերի 25-ին կտրելու համար», ասաց Սկոուլը՝ վերարկուն մինչև ծնօտը կոճկելով: «Այնուամենայնիւ երևի դու ամբողջ օրը չես գալու: Ուրեմն դոնէ միւս օրը այլ առաւօտը կանուխ այստեղ եղիր»:

Գրագիրը խոստացաւ, և Սկոուլը փնթփնթալով դուրս եկաւ: Մի ակնթարթում գրասենեակը փակուեց, և գրագիրը իր սպիտակ շալի երկար, մինչև մէջքը հասնող ծայրերը օրօրելով (որովհետև վերարկու չունէր) ի պատիւ Ծննդեան թաթախման՝ մի խումբ երեխաների հետ քսան անգամ կոտնիլի սառցի (slide) վրայ այսուայն կողմ սահեց և ապա վազեց դէպի Կեմ-դըն-Տաուն աչքակապուկի խողալու:

Սկոուլը իր մտայլ ճաշն արաւ սովորական մտայլ ճաշաբանում և կարգալով բոլոր լրագրերը և երեկոյեան մնացորդը իր հաշուետումարների վրայ անցկացնելով՝ գնաց աուն քնելու: Նա այն բնակարանումն էր ապրում, ուր երբեմն ապրել էր նրա հանգուցեալ ընկերը: Բակի ծայրում գտնուող մտայլ տան միջի մութ սենեակների մի շարք էր դա, որ կարծես սխալմամբ էր ընկել այդտեղ (երևի դեռ ջահիլ ժամանակը իր հարեան տների հետ աչքակապուկի խողալիս) և ապա մոռացել էր դուրս գալու ճանապարհը: Այժմ նա բաւականին հնացած ու մտայլ էր, որովհետև բացի Սկոուլից ոչ ոք չէր ապրում այնտեղ. մնացեալ սենեակները վարձու էին տրուած գրասենեակների համար: Բակն այնքան մութն էր, որ նոյնիսկ Սկոուլը ծանօթ լինելով նրա ամեն մի քարին՝ ստիպուած էր խարխափելով առաջ գնալ: Մտախուզն ու սառնամանիքը այնպէս էին կոխել տան սև, հին դարպասը, որ կարծես եղանակի Ոգին լինէր մտածողոր նստած շեմքում:

Գրագրասի մուրճը բացի իր անչափ մեծութիւնից անկասկած էլի մի ուրիշ աչքի ընկնող առանձնայատկութիւն չունէր: Կասկած չկայ որ Սկոուլը տեսնում էր միևնոյն մուրճը ամեն

առաւօտ-երեկոյ, քանի որ այդ տանն էր ապրում, անկասկած է նոյնպէս, որ Սկոուլը այնքան քիչ գործ ունէր երևակայութիւն ասուած բանի հետ, որքան որ Լոնդոնի Սիտիի մնացեալ բնակիչները, նոյնիսկ (ներեցէք համարձակութեանս՝ բացառութիւն չանելով քաղաքային խորհրդի աւագների ու գիւղիականների համար: Աչքի առաջ ունենալով, որ Սկոուլը առաւօտը իր «եօթնամեայ հանգուցեալ» ընկերը յիշելուց յետոյ այնուչեա իր մտքերից մի հատիկն էլ չէր նուիրել Մաուլէին, — թող ով որ կարող է՝ բացատրի, թէ այդ ինչպէս պատահեց, որ Սկոուլը բանալին իր դրան կողպէքի մէջ դնելով՝ նկատեց, որ դրան մուրճը առանց ունէ միջանկեալ փոփոխութեան ենթարկուելու այլևս մուրճ չէ, այլ Մաուլէյի դէմքն է:

Այո, Մաուլէյի դէմքը, որ բակում եղած ուրիշ բաների նման անթափ ցնց մթութեան մէջ չէր, այլ շրջապատուած էր մի տեսակ տխուր լուսով՝ մութ ներքնատնում լոյս տուող փրչացած խեցեմանի նման: Ոչ բարկացած և ոչ կատաղի էր նա. Մաուլէյի սովորական հայեացքովն էր նայում Սկոուլին՝ անսխալութեան ակնոցը իր անմարմին ձևատիւն քաշած: Նրա մազերը մի տեսակ օտարօտի շարժման մէջ էին կարծես շնչառութեան կամ տաք օդի հոսանքից: Իսկ աչքերը թէպէտ բաց էին լայն-լայն, բայց անշարժ էին կատարելապէս: Այդ հանգամանքը և գոյնի կապուածութիւնը սարսափելի էին դարձնում այդ դէմքը, սակայն սարսափը նրա արտայայտութեան անբաժան մասը չէր կազմում, այլ կարծես այդ դէմքից անկախ էր և նրա իշխանութիւնից դուրս: Երբ Սկոուլը անթարթ նայում էր այդ երևութիւն, կրկին դրան մուրճն էր նրա աչքի առաջ: Ասել թէ նա չէր վախեցել, կամ թէ նրա արիւնը չէր սառչում սարսափի զգացմունքից, որ երեխայութիւնից անձանօթ էր նրան, ճիշտ չէր լինի: Սակայն նա կրկին ձեռքը մեկնեց բանալիին, որ բաց էր թողել, թափով շուռ տուեց, ներս մտաւ ու ճրագը վառեց: Վայրկենական անվճռականութեան մէջ նա կանգ առաւ դուռը փակելուց առաջ և զգուշութեամբ նայեց նրա քամակը, կարծես մասամբ սպասեցէս լինէր, թէ ներսն էլ Մաուլէյի ծամըն է դրան յետևից ցցուելով՝ սարսափահար անելու իրան: Բայց տեսնելով՝ որ ոչինչ չկայ բացի միբանի հատ պտուտակից, որոնցով մուրճը ամրացրած էր դրան վրայ, նա «պուհ-պուհ» արաւ ու դուռը փակեց շրխոցով:

Այդ ձայնի որոտը թնդաց ամբողջ տան մէջ: Վերևի ամենամի սենեակ, և ներքևում՝ գինեվաճառի ներքնատան ամենամի տակառ կարծես մէկիկ-մէկիկ արձագանգ տուին: Սկոուլը արձագանգներից վախեցող պտուղը չէր: Նա ամրացրեց դուռը

և սրահովն անցնելով հանդարտութեամբ՝ բարձրացաւ սանդուխ- ները, ճանապարհին ճրագի պատրոյզն ուղղելով:

Վեցձիանի կառքը հինաւուրց լախարձակ սանդուխնե- ըով վեր քշելու մասին կարելի է ինչքան ուզէք անորոշ պատմութիւններ անել, բայց ես ուզում եմ ասել, թէ այդ սանդուխով կարելի էր մի դիակառք քաշել վերը՝ լծակը դէ- պի պատն արած, իսկ դուռը—դէպի վանդակապատը, այն էլ հեշտութեամբ. սանդուխն այնքան ընդարձակ էր, որ դեռ էլի ազատ տեղ կը մնար, և երևի հէնց այդ էր պատճառը, որ Սկոուլին թուաց, թէ մի ինքնաշարժ դիակառք է երևում մթութեան մէջ իր առաջին: Նոյնիսկ փողոցային գազի լապ- տերներէից վեցի լոյսն էլ շատ առատ չէր լուսաւորի այդ ըն- դարձակ սրահը. ուրեմն կարող էր երևակայել, թէ ինչ կը լի- նէր Սկոուլի ճարպէ ճրագի լոյսը: Սկոուլը բարձրանալիս՝ դրա մասին շատ էլ հոգս չէր անում. մթութիւնը էժան բան է, որ Սկոուլի սիրածն է: Բայց իր ծանր դուռը փակելուց առաջ նա անցաւ սենեակներով, որ տեսնի, թէ կարգին է ար- դեօք ամեն բան:

Հիւրասենեակում, ննջարանում, մառանում ամեն բան կարգին էր: Սեղանի ու թախտի տակ բան չկար: Մի քիչ կը- րակ կար բուխարում. պնակն ու գդալը պատրաստ. մի փոք- րիկ աման ձաշ կրակի վրայ: Ո՛չ մահճակալի տակը, ո՛չ պա- հարանում, ո՛չ իր խալաթի մէջ, որ կախ էր պատին կասկա- ծելի դիրքով—ոչինչ չկար: Մառանում, ինչպէս որ միշտ, մի հին կրակարան էր, մի գոյգ հին կօշիկ, երկու ձկնեղէնի կողով, մի լուացարան—երեք ոտնանի և մի անթրոց:

Բոլորովին միամտուած՝ նա փակեց դուռը ներսից, սովո- րութեան հակառակ երկու անգամ շուռ տալով բանալին: Եւ այդ- պիտով ապահովուած ամեն մի անակնկալ դէպքից՝ նա հանեց իր փողպատը, հագաւ խալաթն ու հողաթափերը, ծածկեց գիշերուայ գդակն ու նստեց կրակի առաջ իր ընթրիքն ուտե- լու:

Իսկապէս դա մի չնչին կրակ էր, ոչինչ բան այդչափ ցուրտ գիշեր: Նա ստիպուած էր մօտենալ ու թեքուել վառա- րանի վրայ, որ գգայ նրա մի բուռն ածուխի տաքութիւնը: Վա- ուարանը մի հին բան էր, վաղուց մի հողանդացի վաճառակա- նի շինած, զարդարուած գեղեցիկ նկարովի հողանդական ա- ղիւններով. պատկերները վերաբերում էին սուրբ գրքից վեր- ցըրած զանազան դէպքերի լուսաբանութեան. Կայէններ ու Ա- բելներ, փարաւոնի դուստրներ, Շաբանի թագուհիներ, փեռը- բանման ամպերի վրայ օդովն իջնող Աբրահամներ, Բաղդասար-

ներ ու առաքեալներ՝ իւղամանների մէջ նստած ծովը մտնելիս. հարիւրաւոր դէմքեր, որ պիտի գրաւէին նրա միտքը. բայց կրկին հինաւուրց մարգարէի գաւազանի նման նոյն «եթնա- մեայ հանգուցեալ» Մաուլէյի դէմքը ամեն ինչ կլանեց: Եթէ սկզբից ամենմի հարթ աղիւս սպիտակ լինէր և ընդունակ նրա մտքի մասնիկները արտացոլելու, այն ժամանակ ամեն- մի աղիւսի վրայ Մաուլէյի գլխի պատճէնը կը լինէր տպաւո- րուած:

—«Դատարկ բան է», ասաց Սկոուլը և սկսեց անցու- գարձ անել սենեակում:

Մի քանի պտոյտից յետոյ նա կրկին նստեց: Երբ նա գլուխը յետ գցեց աթոռի մէջքին, նրա հայեացքը կանգ առաւ սենեակում կախ զանգի վրայ, մի գործածութիւ- նից դուրս եկած զանգ, որ մի անյայտ, այժմ մոռացուած նը- պատակով կապ ունէր վերի յարկի հետ: Հէնց որ նայեց, մեծ զարմանքով և օտարոտի, անբացատրելի սարսափով նկատեց, որ զանգն սկսում է օրօրուել: Սկզբում այնքան հանդարտ էր օրօրում, որ հազիւ էր ձայն հանում. բայց շուտով նրա ձայնը բարձրացաւ. տան միջի մնացեալ զանգերն էլ սկսեցին ձայ- նակցել, որ տեկեց կէս բոլէ, կամ շատ-շատ մի բոլէ, բայց Սկոուլին մի ամբողջ ժամ թուաց այդ բոլէն: Ինչպէս որ մի- ասին սկսել էին, այնպէս էլ միասին գաղարեցին զանգերը, ու- ընդ ձայնին յաջորդեց գինեվաճառի ներքնատնից լսուող շրդ- թայի գնդգնդոցը, որ կ'ասես մէկը քարշ էր տալիս տակառնե- րի վրայով: Այն ժամանակ Սկոուլը յիշեց, որ շատ անգամ լը- սած կար, թէ այն տներում, ուր չար հոգիներ են լինում, յա- ճախ լաւում է նրանց շղթաների ձայնը: Ներքնատան դուռը բա- ցուեց աղմկալից շրխկոցով, շղթայի ձայնը սաստկացաւ սրա- հում, սանդուխի վրայ, ապա ուղղակի մօտեցաւ նրա սենեա- կի դրանը:

— «Դատարկ բաներ են», ասաց Սկոուլը. «չեմ հաւատում այդպիսի բաների»:

Սակայն երբ Ուրուականը կանգ չառնելով փակ դը- րան առաջ՝ նրա աչքի առաջին անցաւ ու սենեակը մտաւ,— նրա գոյնը թուաւ: Վառարանի մարդը կրակը բոցավառուեց իսկոյն, կարծես ուզում էր ասել. «Ճանաչում եմ, Մաուլէյի Ուրուականն է», և կրկին մարեց:

Նոյն դէմքն էր, իսկիւսկ նոյնը: Մաուլէյն էր իր խոզի պոչի նման ծամովը, իր մշտական ժիլետը, նեղլիկ վարտիքն ու կօշիկները հագին: Կօշիկի վրայի փնջերը ցից էին նրա ծամի, վերնագգեստի փեշերի և գլխի մազերի նման: Երկար

շղթան պոչի նման նրա մէջընդէն էր տուած: Մօտիկից Սկոուշը նկատեց, որ շղթան բաղկացած էր փողի արկղներէց, բանալիներէց, կողպէքներէց, հաշուեմատեաններէց, վաւերաթղթերէց և ծանր, պողպատեայ փողի քսակներէց: Նրա մարմինը թափանցիկ էր, այնպէս որ Սկոուշը նրան նայելիս վերնագգեստի միջովը տեսնում էր նոյն վերնագգեստի քամակի զոյգ կոճակը:

Շատ անգամ էր Սկոուշը լսել ուրիշներէց, թէ Մաուլէյն անտիրտ է, բայց մինչև օրս երբէք չէր հաւատացել դրան: Ո՛չ. նա նոյնիսկ այժմ էլ չէր հաւատում: Թէպէտ Սկոուշի հայեացքը թափանցում էր Ուրուականի մարմնի միջով և տեսնում էր նրան իր առաջին կանգնած, թէպէտ զգում էր նրա մեռած-պաղ աչքերի սառցնող ազդից: Թէպէտ նոյնիսկ նրա ծնօտի տակով գլխին կապած թաշկինակն էլ ձանաչեց (այդ փաթաթանը նա առաջ չէր նկատել), սակայն նա դեռ չէր հաւատում և կասկածով էր վերաբերում իր զգայարանների ցուցմունքներին:

— «Ի՞նչ կայ», հարցրեց Սկոուշը իր մշտական սառն ու անախորժ շեշտով: «Ի՞նչ ես ուզում ինձնից»:

— «Շատ բան»: Անկասկած Մաուլէյի ձայնն էր:

— «Ո՞վ ես դու»:

— «Ո՞վ էիր, ասա»:

— «Ո՞վ էիր ուրեմն», ասած Սկոուշը՝ ձայնը բարձրացրեց նետով: «Ի՞նչ սաղ մի Ուրուականի այդ աստիճան բժականորութիւն»:

— «Կենդանի ժամանակս ես քո ընկեր Յակոբ Մաուլէյն էի»:

— «Կարող ես... Կարող ես դու, արգեօք... նստել», հարցրեց Սկոուշը՝ կասկածոտ աչքերով նայելով նրան:

— «Կարող եմ»:

— «Նստիր ուրեմն»:

Սկոուշն այդ հարցը տուեց, որովհետև չէր հաւատում, թէ մի այդպիսի թափանցիկ Ուրուական կարողանայ նստել, և յոյս ունէր այդպիսով նեղը գցել նրան ու ազատուիլ անախորժ խօսակցից: Բայց Ուրուականը նստեց վառարանի միւս կողմը, կարծես թէ այդ բանին բոլորովին սովոր լինէր:

— «Ի՞նչ ինձ չէս հաւատում», նկատեց Ուրուականը:

— «Ոչ», ասաց Սկոուշը:

— «Իրականութեանս մասին ուրիշ էլ ի՞նչ ապացոյց ես ուզում, բացի զգայարաններիդ վկայութիւնից»:

— «Չգիտեմ», ասաց Սկոուշը:

— «Ինչո՞ւ չես հաւատում զգայարաններիդ»:

— «Որովհետև», ասաց Սկոուշը, «ամենմի չնչին բան, օրինակ՝ ստամոքսի մի թեթև խանգարումն կարող է զգայարանները սխալի մէջ գցել: Կարելի է դու մի կտոր անամարսելի միս ես, մի քիչ մանանեխ, մի կտոր պանիր, հում գետնախընձորի մի կտոր ես: Ով որ էլ լինես, բեղնից աւելի բելիխի հոտ է գալիս, քան թէ մեռելի»:

Սկոուշն առհասարակ հանաք անողը չէր, մանաւանդ այժմ նրա սիրտը բոլորովին տրամադիր չէր կատակ անելու: Ճշմարիտն այն է, որ նա աշխատում էր սրամիտ լինել, յուսալով դրանով ցրել իր ուշադրութիւնը և ճնշել սարսափի զգացմունքը, որովհետև Ուրուականի ձայնը նրա ոսկրների ծուծն էր թափանցում:

Մի րոպէ լուռ նստել ու նայել այդ անթարթ, ապակեայ աչքերին՝ մի տաժանելի փորձութիւն էր Սկոուշի համար: Իսկապէս սարսափելի էր նրա դրութիւնը, որովհետև Ուրուականը կարծես շրջապատուած լինէր իր սեփական դժոխային մթնոլորտովը: Ինքը չէր զգում այդ, բայց պարզ է, որ այդ էր Սկոուշի սարսափի պատճառը, որովհետև թէպէտ Ուրուականը բոլորովին անշարժ էր—նրա մազերը, փեղերը, կօշկի փնջերը դեռ շարժուած էին կարծես տաք թոնրի բոցից:

— «Տեսնում ես այս քչփորիկն», ասաց Սկոուշը՝ յարձակական դիրք բռնելով վերը յիշած պատճառովը և ցանկանալով գոնէ մի վայրկեան Ուրուականի անշարժ հայեացքը դարձնել իրանից:

— «Տեսնում եմ», պատասխանեց Ուրուականը:

— «Ա՛խր դու չես էլ նայում նրան», ասաց Սկոուշը:

— «Այնուամենայնիւ տեսնում եմ», ասաց Ուրուականը:

— «Լաւ», պատասխանեց Սկոուշը. «եթէ ես այս բանը կուլ տամ, կեանքիս ամբողջ մնացորդը շրջապատուած պիտի լինեմ զանազան Ոգիներով, որ սակայն բոլորն էլ իմ սեփական երևակայութեանս ծնունդը պիտի լինեն: Դատարկ բաներ են դրանք՝ ասում եմ, դատարկ»:

Այն ժամանակ Ուրուականը մի այնպիսի զարհուրելի ազդակ արձակեց և շղթան թափ տալով՝ մի այնպիսի ողբագին ու սարսափելի ձայն հանեց, որ Սկոուշը պինդ կպաւաթուի՝ վախենալով վայր ընկնել ուշաթափ: Բայց աւելի ևս մեծ էր նրա սարսափը, երբ Ուրուականը հանեց իր գլխի փաթաթանը (կարծես թէ շոգ էր սենեակում), և նրա ներքեի ծնօտը կախ ընկաւ կրծքի վրայ:

— «Խնայիր ինձ», ասաց Սկոուշը, «ո՛հ, զարհուրելի տեսիլք, ինչո՞ւ ես դու տանջում ինձ»:

— «Ո՛հ, դու ունայն աշխարհի գաւակ», պատասխանեց Ուրուականը. «հաւատճում ես այժմ ինձ, թէ՛ ո՛չ»:

«Հաւատում եմ», ասաց Սկոուշը: «Պիտի հաւատամ: Բայց ինչո՞ւ եմ Ոգինքը պտտում երկրումս և ինչո՞ւ եմ ինձ մօտ գալիս»:

— «Հարկաւոր է, որ», պատասխանեց ուրուականը, «ամեն մարդու հոգի պտտի աշխարհումս իր ընկեր-մարդկանց մէջ միշտ ու հանապազ: Եւ ում հոգի որ կենդանութեան ժամանակ չի կատարել ասածս, դատապարտուած է մահից յետոյ թափառել աշխարհում, վայ ինձ, և վկայ լինել այնպիսի բաների, որոնց այլևս չի կարող մասնակցել, բայց կենդանի ժամանակը կարող էր մասնակցել և... բախտաւորուել»:

Ուրուականը կրկին աղաղակ արձակեց և թափ տուեց շղթան՝ իր աննիւթական ձեռները կոտորտելով:

— «Աստ ինձ, ինչո՞ւ ես դու շղթայակապ», հարցրեց Սկոուշը:

— «Կենդանութեանս ժամանակ սեփական ձեռներովս կրօածն է սա», պատասխանեց Ուրուականը: «Ինքս եմ շինել օղակ-օղակ և կանգուն-կանգուն. իմ ազատ կամքովս է, որ ինձ շղթայակապ եմ արել և իմ ազատ կամքովս եմ կրում այս շղթան: Միթէ սրա տեսքը օտար է քեզ համար»:

Սկոուշը սկսեց աւելի սաստիկ դողալ:

— «Կարելի է դու ուզում ես քո սեփական ամուր շղթայի ծանրութիւնն ու երկարութիւնն իմանալ», շարունակեց ուրուականը: Բո՛հն էլ իմիս չափ ծանր ու երկար էր դեռ եօթը տարի սրանից առաջ, թաթախման գիշերը: Այնուհետև դու աշխատել ես նրա վրայ և մի հաստ ու պինդ շղթայ ես շինել»:

Սկոուշը աչքերը գցեց իր շուրջը, յատակին, սպասելով իրան էլ կապած տեսնել յիսուն-վաթսուն սաժէնանոց երկաթէ պարանով. բայց ո՛չինչ էլ չտեսաւ:

— «Յակոբ», գոչեց նա լալազին, «Յակոբ Մաուլէյ՝ ջան, խօսիր, միտիթարի ինձ, Յակոբ ջան»:

— «Միտիթարական և ո՛չ մի խօսք չունեմ քեզ համար», պատասխանեց Ուրուականը: «Ուրիշ տեղերից է գալիս միտիթարութիւնը, էքենեզար Սկոուշ, ուրիշ էակների ձեռքով և ո՛չ քեզ նման մարդկանց համար: Ես չեմ կարող ասել քեզ ուզածըս: Շատ քիչ բան է թոյլատրուած ինձ: Ո՛չ մի տեղ չեմ կարող հանգստանալ, ոչ կանգ առնել և ոչ մնալ: Կենդանութեանս ժամանակ հոգիս երբէք մեր գրասենեակից դուրս չէր գալիս — լաւ լսիր ասածս — չէր դուրս գալիս մեր խանութի նեղ սահ-

մաններից, և այժմ ես դատապարտուած եմ ծանր ճանապարհորդութիւններ անելու»:

Սկոուշը սովորութիւն ունէր մտախոհութեան բուլկներին ձեռները կոխել իր վարտիքի գրպանները: Մտածելով Ուրուականի ասածների վրայ՝ այժմ էլ նա նոյնն էր արել, սակայն չհամարձակելով աչքերը վեր բարձրացրել կամ վեր կենալ չորած տեղից:

— «Երևի այդ հարցում շատ ես դանդաղ շարժուել, Յակոբ», նկատեց Սկոուշը մտամոլոր, թէպէտ և խոնարհութեամբ ու յարգանքով:

— «Դանդաղ», պատասխանեց Ուրուականը:

— «Եօթը տարի է, որ մեռել ես», մտախոհ արտասանեց Սկոուշը, «և թափառում ես շարունակ»:

— «Շարունակ», ասաց Ուրուականը: «Ո՛չ հանգիստ և ո՛չ անդորրութիւն: Խղճի մշտնեական խայթից»:

— «Արագ ես ման գալիս», ասաց Սկոուշը:

— «Քամու թևերով», պատասխանեց Ուրուականը:

— «Եօթը տարում երևի շատ երկրներ ես օտի տակ տուել», ասաց Սկոուշը:

Այս խօսքերը լսելով՝ Ուրուականը մէկ էլ աղաղակ բարձրացրեց և գիշերուայ մեռելային լուծեան մէջ մի այնպիսի հրէշաւոր ձայն հանեց իր շղթայով, որ գիշերուայ պահապանին մեղադրելու չէր, եթէ թաղի հանգստութիւնը այդպէս խանգարողին դատի ենթարկէր:

— «Օ՛հ, դու, գերուածդ, կաշկանդուածդ ու կրկնակի շղթայակապ», գոչեց Ուրուականը: «Չգիտե՛ս, որ այս աշխարհի համար երկնային էակները շատ ու շատ դարեր պիտի ջանք թափեն յաւիտենականութեան մէջ, մինչև որ տարածուի այն բարիքը, որ ընդունակ է արտադրել աշխարհը: Չգիտե՛ս, որ ամենմի քրիստոնեայ սիրով գործելով իր փոքրիկ շրջանում, ինչ և լինի այդ շրջանը, իր մահկանացու կեանքը պիտի շատ կարճ համարի՝ համեմատած այն ընդարձակ միջոցների հետ, որ նա ունի իր ձեռքի տակը, ուրիշներին օգտակար լինելու համար: Չգիտե՛ս, որ ապագայում զղջալով՝ չես կարող ուղղել կեանքիդ սխալները, երբ յարմար դէպքից չես օգտուել ժամանակին մերձաւորիդ օգտակար լինելու նպատակով: Եւ այդպիսի մէկն եմ եղել ես, ճ՛հ, այդպիսին էի ես»:

— «Դու միշտ լաւ, գործի մարդ ես եղել, Յակոբ», կակազեց Սկոուշը, որ այժմ սկսում էր այդ բոլորը իր վրայ առնել:

— «Գործ», աղաղակեց Ուրուականը՝ կրկին ձեռները կոտորտելով, 1904.

1001
559

ՀԱՅԿ ԳՐԱՐԱՆ

տըրտելով: «Մարդասիրութիւնն էր իմ գործը. ողորմութիւնը, ներողամտութիւնը և բարեգործութիւնն էին իմ անելիք գործը: Առևտուրս միայն մի կաթիլ ջուր էր իմ գործիս անասման ովկիանոսում»: Ուրուականը ձեռքի երկարութեամբ շղթան բարձրացրեց, կարծես թէ այդ էր իր անձկութեան պատճառը, և կրկին դառնութեամբ գետին շարտեց:

— «Տարուայ այս օրերին», ասաց Ուրուականը, «տանջանքներս սաստկանում են: Ինչո՞ւ էի թափառում ինձ նման էակների բազմութեան մէջ միշտ գլխակոր և երբէք չէի բարձրացնում աչքերս՝ նայելու այն օրհնեալ Աստղին, որ Մոզերին առաջնորդեց դէպի աղբատիկ Այրը: Մի՞թէ պակաս էին աղքատ մարդիկ, որ նրա լոյսը ինձ էլ նրանց մօտ առաջնորդ էր»:

Սկուռը անշափ տրամեց՝ լսելով Ուրուականի այս խօսքերը և սկսեց սաստիկ դողալ:

— «Լսիր ինձ», գոչեց Ուրուականը: «Ժամս մօտենում է»:

— «Լսում եմ», ասաց Սկուռը: «Բայց խնայիր ինձ, Յակոբ, խնդրում եմ. պերճախօսութիւն մի անիր»:

— «Ի՞նչպէս է, որ այժմ մի այնպիսի ձև եմ ընդունել ես, որ դու ինձ տեսնում ես,— չեմ կարող պսել: Շատ ու շատ օրեր աներևոյթաբար նստել եմ կողքիդ»:

Շատ էլ դուրեկան նորութիւն չէր այդ Սկուռի համար: Նա դողալով սրբեց ճակատի քրտինքը:

— «Ապաշխարանքիս թեթև մասը չէր այդ», շարունակեց Ուրուականը: «Այս գիշեր ես եկել եմ քեզ նախազգուշացնելու, որ դեռ հնարաւորութիւն և յոյս կայ քեզ համար խուսափելու իմ վիճակիցս: Մի հնարաւորութիւն և յոյս, որ ես եմ տալիս քեզ, էրե՛նեկար»:

— «Ի՞նչ միշտ լաւ ընկեր ես եղել ինձ համար», ասաց Սկուռը: «Շնորհակալ եմ»:

— «Երեք Ոգի պիտի այցելեն քեզ», շարունակեց Ուրուականը:

Սկուռը դէմքը այնպէս ձգուեց, ինչպէս երբեմն Ուրուականինն էր ձգուել:

— «Այդ է քո յիշած հնարաւորութիւնն ու յոյսը, Յակոբ», հարցրեց նա գողգոթուն ձայնով:

— «Այդ է»:

— «Շնորհ... շնորհակալ եմ, հարկաւոր չէ ինձ», ասաց Սկուռը:

— «Առանց նրանց այցելութեան», ասաց Սկուռը, «դու մի յուսար իմ վիճակիցս խոյս տալ: Առաջինն սպասիր վաղը, երբ ժամացոյցի գանգը «մէկը» կը խփի»:

— «Չէ՞ կարելի, որ բոլորին միանգամից ընդունեմ ու պրծնեմ, Յակոբ», ակնարկեց Սկուռը:

— «Երկրորդին սպասիր նոյն ժամին միւս գիշեր: Երրորդին՝ յաջորդ գիշեր, երբ տասներկուսի վերջին հարուածի ձայնը կ'անհետանայ: Մի սպասիր ինձ մէկ էլ տեսնել և քո սեփական օգտիդ համար աշխատիր չմոռնալ մեր մէջ անցածը»:

Այս խօսքերից յետոյ ուրուականը սեղանի վրայից վերցրեց իր փաթաթանը և կապեց գլուխը առաջուայ պէս: Սկուռն այդ իմացաւ նրա ատամների ընդհարման անախորժ ձայնից, երբ փաթաթանը իրար խփեց նրա ծնօտները: Նա կրկին սիրտ արաւ աչքերը բարձրացնել, գերբնական այցելուն շղթայակապ կանգնած էր ուղղակի նրա դիմացը:

Ուրուականը յետ-յետ դնալով սկսեց հեռանալ նրանից. նրա ամեն մի քայլում պատուհանը մի քիչ բարձրանում *) էր ինքնիրան, այնպէս որ երբ Ուրուականը հասաւ պատուհանին, վերջինս բոլորովին բացուած էր: Նա նշան արաւ Սկուռին մօտենալու, և երբ սա երկու քայլի վրայ էր, Մաուէյի Ուրուականը ձեռքը բարձրացնելով՝ զգուշացրեց նրան աւելի մօտ չգնալ: Սկուռը կանգնեց ոչ այնքան հնազանդութիւնից զրգուած, որքան զարմանքից ու վախից, որովհետև հէնց որ նա ձեռքը բարձրացրեց, օգը լցուեց խառն ու անորոշ ազմուկով, լացի ու վայի ձայներով, անասանքի տխուր և ինքնաձրատան կոծով: Ուրուականը մի րոպէ լռելուց յետոյ իր ձայնն էլ խառնեց վշտալի ողբին և սուգուեց գիշերուայ սառը մթութեան մէջ:

Սկուռը յուսակտուր հետաքրքրութիւնով մօտեցաւ պատուհանին և դուրս նայեց:

Օգը լիքն էր հեծող ուրուականներով, որ անդադրուն ժառթկաութիւնով այս ու այն կողմն էին սրանում: Նրանք ամենքն էլ Մաուէյի Ուրուականի նման շղթայակապ էին, ոմանք (երևի քաղաքական յանցաւորները) կապուած էին իրար. ոչ մէկն էլ ազատ չէր: Շատերն Սկուռի անձնական ծանօթներինն էին: Այն սպիտակ ժիլետաւոր ծերունին նրա մօտ բարեկամն է եղել, որի ոտներին մի հրէշաւոր երկաթէ անդուկ է կապուած: Նա մի ողորմելի ազադակ էր արձակում՝ անկարող լինելով օգնել մի խեղճ կնոջ ու նրա երեխային, որ ընց նա տեսնում էր ներքեում մի շէմքի վրայ: Բոլորի դրժ-

*) Երևելքում էլ պատուհանները շին բացում աջ ու ձախ, այլ դէպի վեր են բարձրանում: Ծ. Թ.

բախտութիւնը պարզապէս նրանումն էր, որ նրանք ցանկանում էին միջամտել մարդկանց գործերին բարի նպատակով, բայց մշտապէս կորցրել էին այդ հնարաւորութիւնը: Արդեօք այդ էակները կորան մշուշում, թէ՛ մշուշը պատեց նրանց,— Սկուռը չէր կարող ասել: Բայց նրանց հոգեղէն երգերն էլ չքացան իրանց հետ միասին, և գիշերը դարձաւ նոյնը, ինչ որ էր նրա տուն մտնելիս:

Սկուռը պատուհանը փակեց և սկսեց քննել դուռը, որի միջով ներս էր մտել Ուրուականը: Փականքի բանալին երկու անգամ էր շուռ տուած, որ իր արածն էր, սողնակը նոյնպէս անշարժ էր մնացել: Նա աշխատեց ասել «դատարկ բան», բայց հէնց առաջին վանկի վրայ դէմ ընկաւ և կրած յուզմունքից, թէ՛ ցեղեկուայ յոգնածութիւնից, թէ՛ անտեսանելի աշխարհը գցած իր մի թեթև հայեացքից, թէ՛ ուրուականի տաղտկալի խօսակցութիւնից, թէ՛ ժամանակի ուշ լինելուցը՝ հանգստանալու անդիմադրելի կարիք զգալով, ուղղակի առանց շորերը հանելու պառկեց և իսկոյն քնեց:

ՉԱՐԼԶ ԴԻԿԵՆԶԻ

ԾՆՆԴԵԱՆ ԱՐՁԱԿ ԵՐԳԵՐԻՑ *)

Թարգմանեց բնագրից Մխիթար Տէր-Անդրէասեանց

Գլուխ Բ.

ԵՐԵՔ ՈԳԻՆԵՐԻՑ ԱՌԱՋԻՆԸ

Երբ որ Սկուռը արթնացաւ, այնքան մութն էր, որ մահճից նայելով, թափանցիկ պատուհանը հազիւ էր կարողանում ջոկել սենեակի անթափանցիկ պատերից:

Նա աշխատում էր իր սուր աչքերով թափանցել մութը, երբ մերձակայ եկեղեցու զանգը չորս քառորդ խփեց: Նա ականջները սրեց, հաշուելու թէ՛ ո՞ր ժամն է:

Մեծ էր նրա զարմանքը, երբ զանգի ծանր հարուածների ձայնը վեցից եօթի անցաւ, եօթից—ութի և այնպէս շարունակ—մինչև տասներկուսը և ապա միայն դադարեց: Տասներկուսը երկուսից անց էր, երբոր նա պառկեց: Ժամացոյցը սխալ է լինելու: Երևի սառցի կտոր է ընկել մէջը: Տասներկուսը:

Նա հուպ տուեց իր հոցի ժամացոյցի զանգահարութեան զսպանակը, այդ վերին աստիճանի սխալ ժամացոյցի ցուցմունքն ուղղելու նպատակով: Սա էլ արագութեամբ տասներկուսը խփեց ու դադարեց:

—«Բա՛, անկարելի է», ասաց Սկուռը, «որ ես մի ամբողջ օր և յաջորդ գիշերուայ կէսը քնով լինեմ անցած: Անկարելի է, որ արեգակին մի բան լինի պատահած և այժմ ցեղեկուայ տասներկուսը լինի»:

Յուզուած՝ նա վեր թռաւ, խարխափելով մօտեցաւ պա-

*) Տես «Մուրճ» № 10

ՄՈՒՐՃ

տունանին: Խալաթի թևքով սրբեց ապակին, որ կարողանայ մի որևէ բան ջոկել, սակայն շատ քիչ բան էր նրա տեսածը: Նա հազիւ կարողացաւ ջոկել, որ դուրսը գեռ շատ մուսլ ու ցուրտ էր, չէր լուում դէսուգէն վազվզող մարդկանց աղմուկը, որ անպայման պիտի լսուէր, եթէ լոյսը բացուած լինէր և տարածուած աշխարհքում: Այդ մի մեծ մխիթարութիւն էր, որովհետեւ, այլապէս, եթէ հաշիւ պահելու համար օր ու գիշեր օրովհետեւ, այլապէս, եթէ հաշիւ պահելու համար օր ու գիշեր չը լինէր, էլ ի՞նչ արժէք կ'ունենային «Սոյն առաջին փոխանակագրի ստանալուց երեք օր յետոյ վճարեցէք պ. Էրենազար Սկուշին, կամ ում որ նա հրամայի» կային մակագրութեամբ թղթերը, եթէ ոչ Միացեալ-Նահանգների արժեթղթերի *) նման մի անպէտք բանի գին:

Սկուշը կրկին պառկեց ու սկսեց մտածել, բայց անհետեանք: Քանի շատ էր մտածում, այնքան աւելի էին խռնուում նրա մտքերը. քանի նա աշխատում էր չմտածել—այնքան աւելի մտքի մէջ էր ընկնում: Մաուլէյի Ուրուականը արդէ չափազանց տարել էր նրա զանգէն: Ամեն անգամ, երբ նա խելահաս դատողութիւնով իր մէջ վճռում էր, թէ այդ բոլորը երազ է,—կրկին նրա միտքը, բաց ընկած ուժեղ զսպանակի նման, յետ էր թռչում և կրկին միտքն էր պաշարում նրան. «Երազ էր արդե՞ք, թէ ո՛չ»:

Այսպէս Սկուշը մնաց պառկած, մինչև որ ժամացոյցի զանգը երեք-քառորդ էլ խփեց: Նա յանկարծ յիշեց, որ Ուրուականը նրան նախազգուշացրել էր, սպասել մի նոր այցելուի ուղիղ ժամը մէկին: Նա վճռեց պառկած արթուն մնալ մինչև ժամի լրանալը: Եւ որովհետեւ քնելը նրա համար նոյնքան անհնար էր, որքան և երկինք համբառնալը՝ ճարահատեալ այդ վճիռն ընդունեց:

Այդ քառորդ ժամը այնքան երկարեց, որ նրան երբեմն թուում էր, թէ, երկի, անզգալի կերպով քնով է անցել և չի լսել ժամացոյցի զանգի ձայնը: Վերջապէս նրա սրած ականջներին հասաւ. «Իինգ-դոնգ»:

- «Մի քառորդ», ասաց Սկուշը հաշուելով:
- «Իինգ-դոնգ»:
- «Կէս», ասաց Սկուշը:
- «Իինգ-դոնգ»:
- Երեք քառորդ», ասաց Սկուշը:

*) Գիկնպի ժամանակ Մ.-Նահանգների արժեթղթերը շատ ընկել էին, և ինքը, հոշակաւոր հեղինակը, նրանցում մեծ վնաս էր քաշել:

—«Իինգ-դոնգ»:

—«Ահա և ժամի մէկը», ասաց Սկուշը յաղթական շեշտով, «և ոչինչ էլ չկայ»:

Դեռ ժամերի մեծ զանգը չէր խփել, որ Սկուշը այս ասաց, ապա այդ զանգն էլ խփեց իր խու, խեղդուած և մեղամարտած «մէկը»: Իսկոյն սենեակը լուսաւորուեց, և նրա մահճակալի վարագոյրները մի կողմ քաշուեցան:

Մի ձեռք յետ տարաւ նրա մահճակալի վարագոյրները, ասում եմ: Ո՛չ ոտների կողմի վարագոյրը և ո՛չ էլ բամակինը, այլ դիմացինը: Մահճակալի վարագոյրը քաշուեց, և Սկուշը գլուխը բարձրացրեց:

Դէմուդէմ կանգնած էր այն չնաշխարհիկ այցելուն, որ յետ էր քաշել վարագոյրը, այն աստիճան մօտ էր կանգնած, որքան ես ձեզնից: Իսկ ես հօ բոլորովին ձեր կողքին եմ այժմ... հոգեպէս:

Դա մի օտարոտի բան էր—երեխայի նմանող. ո՛չ էլ այնքան երեխայի—որքան մի ծերունու, շրջապատող անբնական մթնոլորտի շնորհիւ, կարծես, դիտողից հեռացած ու երեխայի չափ փոքրացած: Նրա ծոծրակի ու մէջքի վրայ թափուած մազերը ճերմակ էին, կարծես ծերութիւնից, բայց երեսը, որ ոչ մի կնճիւ չուներ, պատած էր մի ամենաքնքրալ խաւով: Բազուկները չափազանց երկայն ու մկնեղ էին: Նոյնպէս և ձեռները, կարծես մի անսովոր ոյժ լինէր նրանց մէջը: Նրա վերին աստիճանի նուրբ ոտները, մարմնի վերի անդամների նման տկուր էին: Հագին մի մաքրափայլ սպիտակ պատմուճան էր. մէջքին մի գեղափայլ գօտի էր կապած: Չեռքին բռնած ունէր դալար տօնածառի մի կանաչ ճիւղ և՛ ձմեռուայ այդ խորհրդաւոր նշանին իբրև մի հղակի հակադրութիւն՝ նրա զգեստը զարդարուած էր ամառային ծաղիկներով: Բայց ամենաօտարոտին այն էր, որ նրա գագաթից բղխում էր լուսի մի փայլուն ու պարզ ճառագայթ, տեսանելի անելով այդ բոլորը: Այդ էր, անկասկած, պատճառը, որ նա՝ տրտմութեան բուխներին մի մեծ շիջուցիչ *) էր գործ ածում զգալի փոխաբէն, որ այժմս բռնած շունէր ձեռքին: Միքիչ էլ գննելով նրան իր անթարթ հայեացքով, Սկուշը նկատեց, որ այդ չէր նոյնիսկ նրա ամենաօտարոտի յատկութիւնը. ինչպէս որ նրա գօտու՛ մէկ մի մասն էր վառուում ու փայլփլում, մէկ մի ուրիշ մասը, և այն մասը, որ մի բույն լուսաւոր էր,—յետոյ խաւարում էր, այնպէս էլ այցելուի դէմքի գծերն էին փո-

*) Ըրազ հանգնելու գործիք (ձագառածն):

փոխուում. երբեմն—մի ձեռանի, երբեմն մի ոտանի, երբեմն—քսան ոտանի, երբեմն—գոյգ ոտանի, բայց անգլուխ, երբեմն մի գլուխ առանց մարմնի: Եւ այս աներևոյթացող մասերի գըծազրութիւնից ոչ մի հետք չէր մնում թանձր խաւարում, որի մէջ հալուում—կորչում էին: Եւ, զարմանք բան, կրկին նոյն տեսիլքն էր դառնում իր նախկին որոշ ու պարզ դէմքով:

—«Դ՞ու ես, տէր իմ, այն Ոգին, որքի գալուստը նախագուշակել են ինձ», հարցրեց Սկոուշը:

—«Ես եմ»:

Չայնը փափուկ ու քնքոյշ էր: Նա հնչում էր մի առանձին մեղմութեամբ, կարծես թէ, կողքին չլինէր, այլ հեռաւորութիւնից լինէր լսում:

—«Ո՞վ և ի՞նչ ես դու», հարցրեց Սկոուշը:

—«Անցած Ծննդեան Ոգին եմ ես»:

—«Վաղձուց անցած», հարցրեց Սկոուշը,՝ գննելով նրա գաճաճանման արտաքինը:

—«Ո՛չ, քո անցած»:

Գուցէ, եթէ մէկը հարցնէր Սկոուշին, նա չկարողանար ասել թէ ինչ՞ու, բայց մի առանձին ցանկութիւն ունեցաւ, որ Ոգին գլխաբաց չմնայ. այդ պատճառով խնդրեց նրան, ծածկել գլուխը:

—«Ինչ՞ու», բացազանչեց Ոգին. «ինչ՞ու ես ուզում այդքան շուտ, աշխարհային ձեռներովդ, հանդցնել այն լոյսը, որ տարածում եմ ես: Բաւական չի, որ դու այն անձանց մէկն ես, որոնց կիրքն է ստեղծել այս գգալը և երկար տարիներ ընթացքում ստիպել է ինձ խրել մինչև յօնքներս»:

Սկոուշը յարգանքով յայտնեց, որ երբէք ցանկութիւն չի ունեցել վիրաւորելու և չի էլ յիշում, որ երբեկից էր կեանքում Ոգու գլուխը գգալ լինի դրած: Ապա՝ սիրտ առնելով, հարցրեց, թէ ի՞նչ գործով է շնորհ բերել Ոգին իրա մօտ:

—«Բարեբախտութիւնդ է ինձ այստեղ բերողը», ասաց Ոգին:

Սկոուշը շնորհակալութիւն արաւ, նրա մտքովն անցաւ, որ աւելի լաւ կը լինէր, եթէ գիշերձուայ կիսին չխանդարէին իր քունը: Երևի Ոգին լսել էր նրա մտքով անցածը, որովհետև անմիջապէս ասաց. «Ուրեմն քո ուղղուելդ է գալուստ պատճառը. «զգուշացի՛ր»:

Այս ասելով, նա մեկնեց իր ուժեղ ձեռքը և քնքշաբար բռնեց նրանը:

—«Վեր կաց ու եկ հետս»:

Ապարդիւն կը լինէր, եթէ Սկոուշը սկսէր պատճառաբար-

նել, թէ ոտով ման գալու ոչ յարմար եղանակ է և ոչ յարմար ժամ. թէ անկողինը տաք է, իսկ դուրսը՝ ջերմաչափը սառուցման կէտից շատ ցած, թէ նա շատ թեթեւ է հագնուած, ոտներին հողաթափ, հագին խալաթ, գլխին գիշերձուայ գգալ, թէ, վերջապէս հիւանդ է հարբուխով: Ոգու ձեռքը՝ թէպէտ կանացի ձեռքի նման քնքոյշ՝ բայց անդիմադրելի էր: Նա վերկացաւ. բայց՝ նկատելով, որ Ոգին դէպի պատուհանն է գնում՝ բռնեց նրա պատմութեան փէշը և սկսեց աղաչել:

—«Մահկանացի՛ւ եմ», աշխատում էր համոզել Սկոուշը, «վայր կ'ընկնեմ ես այստեղից»:

—«Թոյլ տուր միայն», որ շօշափեմ այստեղդ», ասաց Ոգին, ձեռքը նրա սրտին դնելով, «և դու շատ ուրիշ դէպքերում էլ մշտական նեցուկ կ'ունենաս»:

Նէսց որ արտասանեց այդ խօսքերը, նրանք անցան պատի միջից և դուրս եկան մի բաց գիւղական ճանապարհ, որ անցնում էր գաշտի միջով: Քաղաքը բոլորովին չքացել էր. նրա հետքն անգամ չկար: Նրա հետ մութն ու մառախուղն էլ էին չքացել, և մի պարզ, ցուրտ, ձմեռնային օր էր, գետինը—ձիւնապատ:

—«Աստուած իմ», ասաց Սկոուշը, աչքերը վեր բարձրացնելով և ձեռները միացնելով. «սա իմ սնուած տեղս է: Մանկութիւնս այստեղ է անցել»:

Ոգին իր հեղ հայեացքն ուղղեց նրա կողմը, որ մինչև այժմ դեռ զգում էր Ոգու ձեռքի հետքը, թէպէտ բոլորական ու թեթեւ էր նրա քնքոյշ ձեռքի հպումը: Նա զգում էր, որ օդը լիքն է հազարումի բոյրերով, որոնցից ամենմէկը յիշեցնում էր նրան հազարումի մտքեր, յոյսեր, ուրախութիւններ և վաղձուց անցած, մոռացութեան մատնուած հոգսեր:

—«Շրթունքդ դողում է», ասաց Ոգին: «Այդ ի՞նչ է երեսիդ վրայ»:

Սկոուշը՝ արտասովոր, խեղդուող ձայնով փնթփնթաց, թէ, երևի, պզուկ է և խնդրեց, որ Ոգին առաջնորդի իրան, ուր որ ուզում է:

—«Ճանաչում ես այս ճանապարհը», հարցրեց Ոգին:

—«Ճանաչում», գոչեց տաքանալով Սկոուշը: «Աչքերս կապած կարող եմ ման գալ այդ ճանապարհով»:

Չարմանալի է, որ երկար տարիներ մոռացութեան էլի մատնել, նկատեց Ոգին: «Շարունակենք»:

—Ճանապարհին Սկոուշը ճանաչում էր ամենմի դուռ ամենմի սիւն, ամենմի ծառ, մինչև որ հեռուում երևաց վաճառաչան քաղաք, իր կամուրջով, եկեղեցով և օձապս

գետով: Միքանի բրդոտ «պոնի» *) այս կողմն էին վազում մէջքներին մի-մի երեխայ, որոնք բարձրաձայն խօսակցում էին գիւղական սայլերով եկող իրանց ընկերների հետ: Երեխաները բոլորն էլ ուրախ տրամադրութեան մէջ էին և բզաւելով կանչում էին իրար. լայնարձակ դաշտերը թնդում էին ուրախ երաժշտութեան ձայներից և թարմ օդը ժպտում էր նւրանց լսելով:

— «Բայց այս բոլորը երբեմն գոյութիւն ունեցած բաների ստուերներն են», ասաց Ոգին: «Նրանք չեն զգում մեր ներկայութիւնը»:

Ուրախ զբօսողները մօտեցան: Սկուռը ամենմէկին ճանաչեց և անունը տուեց: Ինչո՞ւ էր նա այդչափ ուրախանում, նրանց տեսնելիս: Ինչո՞ւ էին փայլելում նրա սառած աչքերը, ինչո՞ւ էր թրպրտում նրա սիրտը, երբ որ անցնում էին նրանք: Ինչո՞ւ էր նրա սիրտը լցւում ուրախութիւնով, նրանց փոխադարձ շնորհաւորութիւնները լսելիս, երբ որ նւրանք, ամենմէկը իր տունը գնալիս, անջատման ժամին, իրար «Ուրախ Ծնունդ» էին մաղթում: Սկուռը համար ի՞նչ նշանակութիւն ունէր Ուրախ Ծնունդը: Թո՞ղ կորչի Ուրախ Ծնունդը: Ի՞նչ լաւութիւն էր տեսել նա Ծնունդից:

— «Ուսումնարանը դատարկ չի», ասաց Ոգին: «Ընկերների անփութութեան մատնուած միայնակ մանուկ մնացել է գեռայտակը»:

Սկուռը ասաց, թէ գիտէ և սկսեց հեկեկալ:

Գլխաւոր փողոցից դուրս գալով, նրանք՝ Սկուռըին լաւ ծանօթ նեղ անցքով՝ շուտով մօտեցան մի մոայլ, կարմիր ազիւններից շինած տան, որի տանիքի հողմնացոյցաւոր գմբէթի միջին մի դանգ էր կախած: Մի մեծ, քայքայուած տուն էր այդ, որովհետև միջի ընդարձակ շինութիւնները, ինչպէս երեւում էր, անընակ էին, պատերը խոնաւ ու մաւռոտ, պատուհանները կտրտած ու դռները խարխուլ: Գոմերում արագադներն էին կաթկոթում ու փքւում, իսկ կառքերի սրահում ու ծածկոյթների տակ խոտ էր բուսել: Տան ներսը աւելի լաւ չէր պահպանուած նախկին կարգն ու սարքը. մտնելով մոայլ սրահը և բազմաթիւ սենեակների բաց դռներով հայեացք գցելով՝ տեսան որ այդ սենեակները աղքատ կահաւորուած, ցուրտ ու ընդարձակ են: Խոնաւութեան հոտ էր փչում և սառն ամայութիւն էր զգացւում այդտեղ, ուր մարդու յիշողութեան

*) Անգլիական փորքիկ բրդոտ ձի:

մէջ յղացնում էր մտքեր՝ յաճախ ճրագի լուսով զարթնելու ու շատ սակաւ ուտելու մասին:

Ոգին ու Սկուռը անցան սրահով դէպի տան քամակի գուռը, որ նրանց առաջ մի երկար, դատարկ ու մոայլ սենեակ բացեց, որի միջի հասարակ եղևնեայ նստարանների ու գրասեղանների շարքերը կրկնապատկում էին նրա դատարկութիւնը: Այդ նստարաններից մէկի վրայ նստած, կրակի աղօտ լուսով, մի միայնակ երեխայ զբաղուած էր ընթերցանութիւնով: Սկուռը նստեց մի նստարանի վրայ և սկսեց լալ, տեսնելով իր խեղճ, մոռացուած անձը, ինչպէս որ էր նա երբեմն: Տան խորքերից լսուող խուլ արձագանգը, տախտակամածի յետևից մկների ծվծվոցն ու աղմուկը, բակի կէս-սառած ջրանցքի ծորակի կաթկթոցը, մոայլ սօսու անտերև ճիւղերի միջից լսուող հառաչը, դատարկ ամբարի դռների ճռճոցը, կրակի ճթճոթոցը, բոլորն էլ, Սկուռըի սրտի վրայ մեղմացնող ազդեցութիւն էին անում և նրա արտասուքին աղատ ելք տալիս: Ոգին շօշափեց նրա ձեռքը և մատնացոյց արաւ մատաղ Սկուռըի վրայ, որ իր ընթերցանութեամբ էր պարապած: Յանկարծ, օտար հագուստով մի մարդ երևաց պատուհանի միւս կողմից, զարմանալի պարզ ու որոշ տեսանելի, գօտկի մէջ խրած ունէր մի կացին, իսկ ձեռքին բռնած ունէր փայտով բռնած էշի սանձը: — «Բն, սա Ալի-Բարան է», գոչեց ռզեղրուած Սկուռը: «Մա սիրելի, ազնիւ, ծեր Ալի-Բարան է: Այո, այո, ես ճանաչեցի: Մի անգամ, երբ այն միայնակ մանուկը Ծննդեան տօնին մենակ այստեղ էր, նա եկաւ, առաջին անգամն էլ իսկի իսկ հէնց այդպէս: Խեղճ տղայ: Իսկ Վալենտինը», ասաց Սկուռը: «Նրա կատաղի եղբայր Օսոնը. ահա գալիս են: Իսկ ի՞նչ էր նրա անունը, որին քնած՝ միայն վարտիքը հագին՝ թողին Դամասկոսի դռները, չկոտ տեսնում նրան: Իսկ Սուլթանի ծառան, որին Ոգիները շուռ տուին գլխի վար. ահա նա կանգնած է գլխի վրայ: Տեղն է: Ես ուրախ եմ: Ի՞նչ բան ունէր իշխանուհու հետ ամուսնանալու *):»

Հաւատացնում եմ, որ Սկուռըի գործակից բարեկամները «Միտի»-ում չափազանց կը զարմանային, եթէ լսէին, թէ ի՞նչպէս է նա՝ իր բնութեան ամբողջ լրջութիւնով՝ մի այսպիսի բանի մասին խօսում այդչափ անսովոր ձայնով, որ լացի ու

*) Սկուռը իր ամուսնութեան մէջ կարգապահներն է տեսնում «Հապարու մի գիշեր»-ից, «Վալենտին և Օսոն» հերթաթից, ապա Դըֆօի Ռորինսից: Ե. Թ.

ծիծաղի մի խառնուրդ էր, և տեսնէին նրա ոգևորուած ու յուզուած դէմքը:

«Ահա և թուժակը», գոչեց Սկոուշը: «Մարմինը կանաչ, իսկ պոչը դեղին. գլխին՝ «լատուկի» նման մի բան բուսած: Ահա նա: «Սեղճ Ռոբինսոնը Կոսլուս» էր կոչում նա, երբ վերջինս տուն էր վերադառնում կղզու շուրջը նաւակով պտտելուց յետոյ: «Սեղճ Ռոբինսոնը Կոսլուս, ո՛ւր էիր դու, Ռոբինսոնը Կոսլուս»: Մարդը կարծեց, թէ երազումն է տեսնում, բայց երազ չէր: Գիտէս հօ, թուժակն էր այդ: Ահա՛ Ուրբաթը, որ ուժասպառ վագում է դէպի ծովի փոքրիկ խորշը: Հէյ, ադա՛, էյ»:

Ապա, իրա բնութեան համար մի անսովոր արագութեամբ, «խեղճ երեխայ», ասաց նա, խղճալով նախկին փոքրիկ Սկոուշին և կրկին սկսեց լալ:

— «Ափսոս որ...» բարբաջեց Սկոուշը, ձեռը կոխելով գրպանը և թևքով աչքերը չորացնելով ու նայելով իր շուրջը. «բայց շատ ուշ է այժմ»:

— «Ինչո՞ւն է բանը», հարցրեց Ոգին:

— «Ոչինչ», ասաց Սկոուշը, շուրջնայ: Անցեալ գիշեր մի «աւետիս» երգող տղայ էր եկել իմ դռոս: Ափսոսում եմ, որ նրան մի բան չտուի, ուրիշ ոչինչ»:

Ոգին ժպտաց մտքամոլոր և՛ ձեռքը շարժելով՝ ասաց. «Միւս Ծննդեան տօնին կը տեսնենք»:

Այդ խօսքերի վրայ նախկին, փոքրիկ Սկոուշը սկսեց մեծանալ, սենեակը մի քիչ աւելի մթնեց ու աւելի կեղտոտուեց: Տախտակները կձկուեցան, պատուհանները ճաքոտեցան, առաստաղից թափուեց ծեփի կտորտանքը, տակի փայտեայ ցանցը մերկացնելով: Բայց թէ ինչպէս կատարուեց այդ բոլորը, դրա մասին Սկոուշն էլ ձեզնից աւելի բան չգիտէր: Նա գիտէր միայն, որ ամեն ինչ կատարուել էր իսկևիսկ այդպէս. որ նա կրկին մենակ էր մնացել, երբ մնացեալ բոլոր երեխայքը տուն էին գնացել ուրախ տօն անելու:

Այժմ նա չէր կարգում, այլ յուսահատ՝ այսուայն կողմն էր գնում: Սկոուշը նայեց Ոգուն և գլուխը տիւր թափ տալով՝ անձկութիւնով աչքերն ուղղեց դէպի դուռը:

Դուռը բացուեց և մի մանկահասակ աղջիկ՝ որ տղայիցն էլ պատիկ էր, վագէվագ ներս մտաւ, ձեռները գցեց տղայի վզոյն ու պաշտելով, դիմեց նրան— «Ի՞նչ սիրելի, սիրելի եղբայրս»:

— «Եկել եմ, որ քեզ տուն տանեմ, սիրելի եղբայրս», ասաց երեխան, ծափ տալով իր փոքրիկ ձեռներովն ու ծիծաղելով:

— «Տանեմ տո՛ւն, տո՛ւն, տո՛ւն»:

— «Տո՛ւն, փոքրիկ Տէն», պատասխանեց տղան:

— «Այո՛», ասաց երեխան ուրախ-ուրախ: Տո՛ւն... առանց հանաքի: Ընդմիջտ տուն: Հայրիկն այնքան բարի է դարձել իր սովորութեան հակառակ, որ տունը կատարեալ դրախտ է: Մի անմոռանալի գիշեր անկողին մտնելուցս առաջ այնքան քաղցրութեամբ սկսեց խօսալ հետս, որ ես, առանց երկիւղի մի անգամ էլ խնդրեցի, որ քեզ թոյլ տայ գալ տուն: Նա համաձայնուեց և ուղարկեց ինձ կառքով, որ տանեմ քեզ: Կատարեալ տղամարդ ես դառնում դու», ասաց երեխան, զարմացած նայելով. «և երբէք այլևս չես վերադառնալու այստեղ. նախ՝ ամբողջ Ծննդեան տօներին մենք միասին ենք լինելու և ամենաուրախ տօն ենք անելու»:

— «Ի՞նչ կատարեալ կինարմատ ես դարձել, փոքրիկ «Տէն», բացազանչեց տղան:

Աղջիկը ձեռներն իրար խփեց, ծիծաղեց և ձեռները մեկնեց դէպի եղբոր գլուխը, բայց այնքան պատիկ էր, որ ձեռքը տեղ չհասաւ, կրկին ծիծաղեց և մատների ծայրերի վրայ բարձրացաւ, որ գրկի նրան: Ապա սկսեց մանկական եռանդով ձգձգել նրան դէպի դուռը և եղբայրը, հակառակելու ցանկութիւն չունենալով, հետևեց նրան:

Մի սարսափելի ձայն սրահից կանչեց. «Այստեղ բերէք պ. Սկոուշի սնդուկը», և սրահում երևաց ինքը, ուսումնարանի տէրը, որ կատաղի ներողամտութեամբ նայեց փոքրիկ Սկոուշին և նրա ձեռքը թափ տալով՝ սարսափելի մտառանջութեան մէջ գցեց տղային: Ապա առաջնորդեց նրան իր քրոջ հետ մի ցուրտ փոս, որ նրա հիւրասենեակն էր և որի միջի սառցապատ քարակէղները, երկրագնդերն ու երկնագնդերը սառսուռ էին աղղում տեսնողին: Այստեղ նա մի շիշ օտարոտի թեթև գինի և մի կտոր զարմանալի ծանր կարկանդակ հանեց ու բաժանեց երեխաներին. միևնոյն ժամանակ լղար ծառային հրամայեց կառապանին «մի բան» խմացնել, բայց վերջինս պատասխանեց, թէ շորհակալ է պարոնից, բայց եթէ նոյն խմիչքն է, որի համը առաջներումը տեսած կայ, — չխմին աւելի բարուրդ է համարում: Որովհետև այդ ժամանակ պ. Սկոուշի սնդուկը արդէն կապած էր կառքի վրայ, քոյր ու եղբայր մեծ հաճութեամբ հրաժեշտի ողջոյն տալով ուսումնարանի տիրոջ, մտան կառքը և ուրախ-ուրախ սլացան ծառայարդ ճանապարհով, մշտադալար մուգ տերևների վրայից ձեան ու եղեամի ամպեր բարձրացնելով:

— «Միշտ էլ այսպէս քնքոյշ արարած էր այդ փոքր աղ-

Ղիկը, որ դողում էր ամենմի թեթև քամուց», ասաց Ոգին: «Բայց բարի սիրտ ունէր»:

— «Այն, բարի էր», գոչեց Սկոուշը: Արդարացի է ասածդ, Ոգի, Աստուած օրհնի նրան»:

— «Ամուսնացաւ, կարծեմ», ասաց Ոգին, «և, եթէ չեմ սխալուում, երեխաներ էլ թողեց»:

— «Մէկը միայն», պատասխանեց Սկոուշը:

— «Ճշմարիտ է», ասաց Ոգին, «մի քրոջորդի ունես»: Սկոուշը շփոթուեց և կարճ «այո» պատասխանեց:

Թէպէտ նրանք հէնց նոյն ընկերներն էին դուրս եկել ուսումնարանից, բայց այժմ արդէն մի քաղաքային բանուկ փողոցում էին, ուր անցողաբար էին անում անմարմին անցորդներ, աննիւթակա սայլեր ու կառքեր, որոնցից ամենմէկը կուռով իրա համար ճանապարհ էր բաց անում, իսկական քաղաքային աղմուկ ու ժխոր բարձրացնելով: Սանուկների արդուզարդից պարզ էր, որ այստեղ դեռ շարունակուում է Ծննդեան տօնը, բայց արդէն երեկոյ էր, և փողոցները լուսաւորուած էին: Ոգին կանգ առաւ մի խանութի դռան և Սկոուշին հարցրեց, թէ ճանաչուում է, արդե՞ք, նա այդ խանութը:

— «Ճանաչում, ասաց Սկոուշը: «Այստեղ եմ անցրել աշակերտութիւնս»:

Ներս մտան: Մի ծեր պարոն նստած էր այն աստիճանի բարձր գրասեղանի առաջ, որ՝ եթէ երկու մատ էր հասակով բարձր լինէր՝ գլուխը կը համէր առաստաղին: Տեսնելով նրան, Սկոուշը ոգևորուած բացազանչեց.

— «Բն, սիրելի Ֆեդրովիչ, օրհնեալ հոգի. կրկին Ֆեդրովիչն է... կենդանացած»:

Տիկեր Ֆեդրովիչը վայր դրեց գրիչը, նայեց ժամացոյցին, որի սլաքը եօթի վրայ էր: Չեռները սրբեց, դրստեց հագի լայն ժիլետը, սկսեց ամբողջ մարմնով ծիծաղել և իր իւզալի, հաստ, ուրախ ձայնով գոչեց.

— «Հէյ, այստեղ եկէք, էրենագոր, Դիկ»: Նախկին Սկոուշը, այժմ մեծ տղայ դարձած, իր ընկերոջ հետ փութով ներս մտաւ:

— «Մա հօ Դիկ Ուիլկինսն է», ասաց Սկոուշը Ոգուն: «Տէր-Աստուած, այն, նա է, որ այնքան սիրում էր ինձ: Խեղճ Դիկ, սիրելիք իմ Դիկ»:

— «Դէ, տղերքս», ասաց Ֆեդրովիչը: «Հերիք բանեցինք: Այս երեկոյ թաթախման երեկոյ է, Դիկ, Ծնունդ է, էրենագոր: Դէ, շուտ», գոչեց ծեր Ֆեդրովիչը, ձեռքերը իրար խփելով. «շուտ արէք, փեղկերը փակեցէք»:

Չէք կարող երևակայել, թէ պատանիները ինչ սրտով կպան գործին: Մէկ, երկու—և նրանք արդէն փեղկերը ձեռներին փողոցումն էին, երեք—և տեղը դրին, չորս, հինգ, վեց—պնդացրին, և լաւ նժոյզների նման ծանր շունչ քաշելով, յետ եկան այնքան շուտ, որ մինչև տասներկուսը չէիք կարող համարել:

— «Դէ», գոչեց Ֆեդրովիչը դարմանալի աշխուժով իր բարձր աթոռից վար թոչելով: «Շուտ, հաւաքեցէք ամեն ինչ և տեղ բացէք այստեղ: Դէ, Դիկ, եալլան, էրենագոր»:

Հաւաքել: Աշխարհիս երեսին բան չկար որ նրանք չկամենային, կամ չկարենային անել, երբ ծեր Ֆեդրովիչի աչքը նրանց վրան էր: Մի ընկոււմ—պրծան: Ամեն կահ-կարասիք դուրս տարուեց, կարծես այլևս գործածուելու չլինէր: Յատակն աւելուեց ու լուսցուեց, լապտերները վառուեցան, վառելիք աւելացրուեց կրակին և խանութն այնպէս մաքրուեց, տաքացաւ, չորացաւ ու լուսաւորուեց, որ մի ձմեռ գիշեր մարդուս ուզածն էլ հէնց այդ կը լինէր:

Եկաւ ջութակահարը՝ նոտերի գիրքը ձեռքին, բարձրացաւ, նստեց բարձր աթոռի վրայ սեղանի առաջ և սկսեց նուագել, կարծես յիսուն՝ փորացաւով բռնուած մարդկանց դողոց հանելով: Ներս մտաւ տիկին Ֆեդրովիչը—մի յաղթանգամ էակ: Ներս մտան երեք օրիորդ Ֆեդրովիչները—ուրախ ու սիրասուն: Սրանց հետևեցին վեց երիտասարդ, որոնց սրտերը դարնուած էին: Ներս մտան նրանց մօտ ծառայող բոլոր երիտասարդներն ու կանայք: Ներս եկաւ աղախինը իր հացթուխ հօրեղբօր որդու հետ: Ներս եկաւ խոհարարուհին իր եղբօր սրտակից բարեկամ կաթնափածառի հետ: Ներս մտաւ դիմացի խանութի տղան, որին երկի տէրը շատ էլ շէր կշտացրել, սա աշխատում էր թագ կենալ հարևան տնից եկած աղջկայ քամակը, որի ակամջները, ինչպէս երևում էր, քեօքել էր իր տիրուհին: Սրանք բոլորն էլ մէկը միւսի յետևից ներս մտան, որը քաշուելով, որը համարձակ, որը շնորհքով, որն անշնորհք, ոմանք իրար հրելով, ոմանք իրար քաշելով, այսպէս թէ այնպէս, սրբանք բոլորն էլ ներս մտան: Բոլոր քսան գոյգն էլ միասին պար բռնեցին: Պարի վերջում ծեր Ֆեդրովիչը ձեռները իրար խփելով «բաւական է» գոչեց, և ջութակահարը իր շառագուռում երեսը խոթեց գարեջրի գաւաթի մէջ, որ յատկապէս նրա համար էր դրած: Բայց՝ հանգիստն արհամարհելով՝ նա կրկին տեղը բռնեց և կրկին սկսեց նուագել, թէպէտ այլևս պարող չկար, կարծես յոգնած ջութակահարին տախտակի վերայ դրած տուն էին տարել, իսկ սա կատարեալ նոր մարդ էր:

որ աշխատում էր, ինչ որ էլ լինի, գերազանցել նախորդին: Կրկին պարեցին, Ֆանտ խաղացին ու կրկին պարեցին. ապա մէջ եկաւ քաղցր գաթան, գլխաովէյնը *), մի-մի ահագին կտոր տապակած ու խաշած հորթի սառը միս, մսակից արգանակներ և ուղածիդ չափ գարեջուր: Բայցը բէֆը դեռ սրանից յետոյ էր, երբ ջութակահարը (որ մի շատ խորամանկ անիծածն էր, այն տեսակ մարդկանցից, որ իրա գործը ինձնից կամ ձեզնից սովորելու կարիք չունի. երբ այդ ջութակահարն ասում եմ) սկսեց իր շնորհքը ցոյց տալ: Այն ժամանակ ծեր Ֆեղըվիդը վերկացաւ ու տիկին Ֆեղըվիդի հետ պարի գլուխն անցաւ: Հեշտ բան չիմանաք քսաներկու-քսաներեք զոյգ կառավարելը, մանաւանդ երբ որ բոլորն էլ այնպիսի խալիս են որ հանաք չեն սիրում. բոլորն էլ պարել են ուզում և ոչ թէ հէնց էնպէս դէտուզէն գնալ-գալ: Քսաներկու-քսաներեք զոյգ էին պարողները, բայց եթէ այդքանի կրկնապատիկն էլ լինէր — ա՛հ, ի՛նչ եմ ասում, չորեքտակն էլ — ծեր Ֆեղըվիդն ու տիկին Ֆեղըվիդը չէին դժուարանալ: Իսկ տիկինը հօ իր ամուսնու արժանի ընկերն էր բառիս ամենաընդարձակ նշանակութեամբ: Եթէ ասածս մեծ գովասանք չհամարէք, աւելի մեծ[՞] ասացէք՝ այն գործածեմ: Ծեր Ֆեղըվիդի ոտներից կատարեալ կրակ էր թափուում: Այդ ոտներն էին, որ պարի ամենմի մասում մի զոյգ լուսնի նման փայլփլում էին: Երբէք չէիք կարող գուշակել, թէ ի՛նչ է լինելու մի բոպէից յետոյ: Եւ երբ ծեր Ֆեղըվիդն ու տիկ. Ֆեղըվիդը պարը վերջացրին, յետ ու ատաշը, իրար ձեռք տալը, շնորհակալութիւնը, պտոյտը և յետ դարձան իրանց տեղը, Ֆեղըվիդը վերջ տուեց, այնպիսի հարպիկութեամբ վերջ տուեց պարին, ոտները կարծես թափ տուեց և կրկին, առանց օրօրուելու, ոտի կանգնեց:

Երբ ժամացոյցը տասնութէկը զարկեց, ընտանեկան խընջոյքը վերջացաւ: Պ. և տիկ. Ֆեղըվիդները կանգնեցին դռան այսուախն կողմը և ամեն դուրս գնացողի ձեռքը սեղմելով «Ուրախ Ծնունդ» էին մաղթում: Երբ, բացի երկու աշակերտներից, ամենքն էլ քաշուեցին, այ՛բարեմաղթութիւնը սրանց էլ արին. վերջիններս վերադարձրին նոյն բարեմաղթութիւնը, ապա ուրախ ձայները լռեցին և տղերքը մնացին մենակ ու անցան խանութի քամակը՝ քնելու իրանց տեղերում:

Այս բոլոր ժամանակը Սկոուշը բոլորովին կորցրել էր գինքը: Այդ տեսարանը և իր նախկին անձնաւորութիւնը կը-

*) Համեմտելով եփած գինի:

լանել էին նրա սիրտն ու հոգին: Նա հաստատում էր ամենինչ, յիշում էր ամենինչ, զուարճանում էր ամենինչով և չուզում էր մի օտարոտի յուզմունքով: Երբ նախկին Սկոուշի և Դիկի լուսաւոր երեսները չքացան, յանկարծ նա յիշեց Ոգուն և զգաց, որ նա ուղղակի իրան է նայում. մինչդեռ նրա գաթից բղխող լոյսը պլպլում է պայծառօրէն:

— «Մի չնչին բան», ասաց Ոգին, «այդ յիմարների սիրտը լցնում է երախտագիտութեամբ»:

— «Չնչին», արձագանգ տուեց Սկոուշը: Ոգին նշանաբաւ նրան, սկանջ դնել երկու աշակերտներին, որ գովաբանում էին Ֆեղըվիդին. և երբ Սկոուշը կատարեց նրա պատուէրը, Ոգին ասաց.

— «Նա ծախսել է միայն միքանի ֆունտ ձեր ժանտ մետալից. երեք, կամ՝ շատ-շատ չորս ֆունտ *): Մի՞թէ արժէ դրա համար այդքան գովել: Այդպէս չէ՞»:

— «Այդպէս չէ», ասաց Սկոուշը, տաքանալով այդ նկատողութեան վրայ և խօսելով նախկին՝ և ոչ այժմեան Սկոուշի նման: «Այդպէս չէ, Ոգի: Նրա ձեռքումն էր մեզ բախտաւորացնել կամ անբախտացնել, մեր ծառայութիւնը թեթեւացնել, կամ դժուարացնել, զուարճալի կամ տաժանելի անել մեր գործը: Մի խօսքով նրանից էր կախուած ուրախացնել, թէ արտմացնել մեզ ամենմի բոպէ: Նրա տուած բախտաւորութիւնը այնքան մեծ է, որ մի ամբողջ հարստութիւն արժէ»:

Նա զգաց Ոգու հայեացքը և լռեց:

— «Ի՛նչ ա՛ւ լռեցիր», հարցրեց Ոգին:

— «Մի առանձին բան չկայ», ասաց Սկոուշը:

— «Ես կարծում եմ մի բան կայ», պնդում էր Ոգին:

— «Ո՛չ, ասաց Սկոուշը, ո՛չ: Միբայն ուզում է հէնց այժմ մի երկու խօսք ասել գրազրիս: Ուրիշ ոչինչ»:

Հէնց որ Սկոուշը այս ցանկութիւնը արտայայտեց, նախկին Սկոուշը հանգրեց լապտերները և Ոգու հետ բաց օդումը մնացին կրկին:

— «Ժամանակս մօտենում է, նկատեց Ոգին: Շնտա»:

Այս խօսքերը չէին ուղղուած Սկոուշին, կամ մի այլ անձի, բայց անհետեսնք չմնացին: Իսկոյն Սկոուշը կրկին տեսաւ իրան: Այժմ նա մեծացել էր. իր լաւագոյն հասակումն էր նա: Նրա զիմագծերը այժմեանի պէս կոշտ ու կոպիտ չէին, բայց արդէն հոգսի ու ազահութեան հետքեր ունէին: Աչքերի աշխոյժ, ա-

զան ու անդադրուն փայլն ապացոյց էր, որ կիրքը արմատ էր բռնել նրա սրտում և աճում ու ստուէր է անում:

Նա մենակ չէր. նրա կողքին նստած էր մի սևազգեստ, գեղեցիկ, մատաղ աղջիկ, որի աչքերում արտասուքը փայլփրլում էր «անցեալ Ծննդեան Ոգուց» բղխող լուսով:

— «Դատարկ բան է», ասաց աղջիկը կամացուկ. «բոլորովին դատարկ բան քեզ համար: Մի ուրիշ կուռք է բռնել իմ սեղս և, եթէ ապագայում նա կարողանայ քեզ ուրախացնել ու մխիթարել իմ փոխարէնս, իսկապէս այլևս տրտմելու պատճառ չպիտի ունենամ»:

— «Ի՞նչ կուռք է տեղդ բռնողը»:

— «Մսկէ հորթը», պատասխանեց աղջիկը:

— «Ահա աշխարհքիս անկողմնապահութիւնը... Որքան աններողամիտ են դէպի աղքատութիւնը և ի՞նչ խստութեամբ են դատապարտում նրանց, որոնք ձգտում են հարստանալ...»

— «Շատ ես վախենում աշխարհքի կարծիքից», պատասխանեց օրիորդը քնքշաբար: «Դու պատրաստ ես ամեն բան դո՛հել աշխարհքիս ստոր կշտամբանքից խոյս տալու համար: Իմ աչքիս առաջ քո ազնիւ տենչերդ մէկիկ-մէկիկ չբացան, մինչև որ գլխաւոր կիրքդ— շահասիրութիւնը— կլանեց քեզ: Այդպէս չէ՞»:

— «Ի՞նչ փոյթ», պատասխանեց Սկոուշը: «Ի՞նչ փոյթ, եթէ մեծանալով խելօքացել եմ այդչափ: Դէպի քեզ հօ չեմ փոխուել»:

Օրիորդը գլուխը թափ տուեց:

— «Փոխուել եմ»:

— «Վաղուցուայ բան է մեր պայմանը, որ կապուած է դեռ այն ժամանակ, երբ մենք երկուսս էլ աղքատ էինք և գոհ մեր դրութիւնից: Այժմ, երբ դու յամառ աշխատանքովդ բարուօրքել ես քո նիւթական կացութիւնդ,— փոխուել ես դու: Այն ժամանակ ուրիշ էիր»:

— «Դեռ սղայ էի», նրա խօսքը կտրեց Սկոուշը անհամբերութեամբ:

— «Քո սեփական զգացմունքդ ասում է քեզ, որ դու առաջուանը չես», պատասխանեց աղջիկը: «Ես—նոյնն եմ: Այն որ «երջանկութիւն էր խոստանում, երբ մենք «մէկ» էինք սըրտով,— այժմ դժբախտութեան աղբիւր պիտի դառնայ մեզ համար, երբ մենք «երկու» ենք: Չեմ ասում այլևս, թէ բանիքանի անգամ եմ սրտաբեկ մտածել դրա մասին: Բաւական է գիտենաս, որ ես մտածել եմ դրա մասին և կարող եմ ազատութիւն տալ քեզ»:

— «Երբեկից ցանկացել եմ ես ազատուել քեզնից»:

— «Սօսքով.— ո՛չ, երբէք»:

— «Ի՞նչով, ապա»:

— «Փոխուած բնութիւնովդ ու ոգովդ, կեանքիդ մի ուրիշ մթնոլորտովը, ուրիշ յոյսով, որ այժմ նպատակ ես շինել քեզ համար: Ամեն բանով, որ գին ու նշանակութիւն էր տալիս իմ սիրուս քո աչքումդ: Եթէ այդ պայմանը եղած չլինէր մեր մէջ», ասաց աղջիկը մի քնքոյշ, բայց անյողոգող հայեացք գըցելով նրա վրայ, «ասո՛ւ ինձ, կ'ուզէիր դու, արդեօք, ա՛յժմ ինձ:— Ա՛հ, ո՛չ»:

Այս ենթադրութիւնը, նրա ցանկութեան հակառակ, արգարացի թուաց նրան: Բայց նա խեղդեց այդ ներքին ձայնը և ասաց.— «Մի հաւատալ»:

— «Երկինքն է վկայ, որ ուրախութեամբ չէի հաւատալ, եթէ կարելի լինէր», պատասխանեց օրիորդը: «Գիտեմ, թէ որքան ծանր և անդիմադրելի պիտի լինի մի այսպիսի ճշմարտութիւն, երբ արդէն համոզմունք է դարձել: Եթէ դու ազատ լինէիր այսօր, վաղը, երեկ,— կարող եմ արդեօք ենթադրել, թէ դու մի անօփիտ աղջիկ կ'ընտրէիր,— դու, որ, ո՛չ մի գին ու նշանակութիւն չտալով «մտերմութիւն» ասածին, ամենինչ չափում ես «շահով» կամ, մի այդպիսին ընտրելով. եթէ մի բոպէ ենթադրենք, որ դու քո գլխաւոր սկզբունքդ ժխտելով ընտրէիր էլ նոյնիսկ մի այդպիսին, չգիտեմ ես, որ շուտով պիտի փոշմանէիր, զղջայիր: Ինձ յայտնի է այդ և ես, պնդացնելով սիրաս, ազատում եմ քեզ ի սէր այն բարի զգացմունքի, որ երբեմն տածում էի դէպի քեզ»:

Երիտասարդը ուզում էր պատասխանել, բայց օրիորդը շուտ տալով իր գլուխը նրանից, շարունակեց.

— «Գուցէ անցած-գնացածի յիշատակը վշտացնի քեզ: Շատ շուտով դու ուրախութեամբ դուրս կը քշես մտքիցդ այդ յիշատակը, մի անպէտք երազի նման, որ մոռացութեան է մատնըւում արթնանալուց: Բախտաւոր լինես ապագայ կեանքիդ շաւղումը, որ դու ընտրել ես»:

Առաջ օրիորդը և ապա երիտասարդը հեռացան:

— «Ոգի», ասաց Սկոուշը, «այլևս ոչինչ մի ցոյց տալ ինձ: Տար ինձ տուն: Հերք է խնդաս իմ տանջանքներս վրայ»:

— «Էլի մի հատիկ Ուրուական», բացազանչեց Ոգին:

— «Ոչ», գոչեց Սկոուշը, «չեմ ուզում այլևս նայել: Մի ցոյց տալ ալլևս»:

Բայց անխիղճ Ոգին կաշկանդեց նրան իր դոյզ բազուկ-
ներով և ստիպեց տեսնել հետևեալը:

Նրանք արդէն մի այլ տեղ էին. շատ էլ ընդարձակ ու գե-
ղիցիկ չէր այդ սենեակը, բայց յարմար կահաւորուած էր: Զմեռուայ կրակի առաջ նստած էր մի գեղեցիկ, ջահիլ աղջիկ,
այն աստիճան նման նախորդ տեսարանի աղջկան, որ Սկոուշը
կարծում էր թէ նոյնն է, մինչև որ նրան տեսաւ արդէն մի
վայելչակազմ տիկին դարձած, իր աղջկայ զիմացը նստած:
Անասելի աղմուկ ու ժխոր կար սենեակում, որովհետև այնքան
երեխայ կար այնտեղ, որ Սկոուշը մտքի այս անհանգիստ բո-
ւայէին չէր կարող նոյնիսկ հաշուել: Բայց ըստ երևոյթին, այս
բարեխոսեան խառնաշփոթութիւնը ոչոքի չէր անհանգստացը-
նում, ընդհակառակը մայր ու աղջիկ սրտանց ծիծաղում էին և
զուարճանում զբանով. և վերջինս, խաղի մէջ խառնուելով,
անողորմաբար կողոպտուեց փոքրիկ աւազակներէց: Ի՞նչ չէի
տալ, արդեօք, որ նրանցից մէկն էլ ես լինէի, թէպէտ երբէք
ես չէի կարող այնքան կոպտաբար վարուել նրա հետ: Ո՛չ, ո՛չ:
Եթէ ամբողջ աշխարհն էլ տային ինձ, ես երբէք չէի քանդիլ
ու խճճիլ նրա ծամը: Երբէք չէի թոցնիլ նրա թանգազին
փոքրիկ ոտնամանը. Աստուած հեռու տանի: Իսկ նրա մէջքով
փաթթուելը... երբէք չէի համարձակուիլ, այդ աներես փոք-
րիկների նման: Ես կը ցանկանայի, որ իմ ձեռքս դատապար-
տուած լինէր կռած մնալ այդ իրանի շուրջը և երբէք չկարո-
ղանար այլևս ուղղուել: Ուղիղն ասեմ, ես սրտանց կ'ուզէի
շօշափել նրա շրթունքները. նայել նրա խոնահեցրած աչքերի
թերթեանոյնը, որ երբէք չկարմրի ամօթխածութիւններից.
արձակել նրա մազերը, որոնց մի չնչին մասը անգին յիշատակ
կը համարէի. մի խօսքով խոստովանում եմ, որ կը ցանկա-
նայի երեխայի ազատութիւն ունենալ հետը խաղալու և միև-
նոյն ժամանակ մեծ մարդու իմացականութիւն—գնահատելու
այդ բախտաւորութիւնը:

Բայց անա զուր բաղխեցին և երեխայքը սկսեցին հրհրել
իրանց քրոջ, որ ժպտերես, հագուսան անկարգ, այդ աղմկող
ուրախ խմբով շրջապատուած, զիմաւորեց դռանը իր հօրը, որի
հետ մի մշակ էլ կար, բեռնաւորուած ծնողեան ընծաներով ու
խաղալիքներով: Եւ անա բացազանչութիւններ, հրհրոց ու յար-
ձակումն անպաշտպան մշակի վրայ: Կախ ընկան նրանից, բար-
ձրացան նրա ուսերը, փոքրիկ թաթիկները խոթեցին ծրար-
ների մէջ, խեցին նրանից թղթում փաթթած կտորները,
պինդ կզան նրա փողպատին, փաթաթուեցան նրա վզովը և
անզիմազրիկ թափով ձեռում էին նրա մէջքն ու ոտնահա-

բում նրա ոտները: Ամենմի փաթեթ բացուած էր ցնծութեան
ու զարմանքի աղաղակներով: Մարսափելի աղմուկ բարձրացաւ,
եւր նկատեցին, որ փոքրիկը խաղալիքի «թաւա»-ն բերանն է
խոթել, իսկ փայտաշէն արուեստական հնդուհաւը գուցէ և
կուլ է տուել... Եւ ի՞նչ մեծ ուրախութիւն, երբ պարզուեց,
որ կուլ տուած բան չկար: Ուրախութիւն, գոհութիւն և
յափշտակութիւն: Մի աննկարագրելի բան: Երեխաները, ո-
րոնց հետ և աղմուկը աստիճանաբար ընդունարանը բարձրա-
ցան, ապա, աստիճան-աստիճան մինչև ամենավերին յարկը, *)
ուր անկողին մտան ու հանգստացան վերջապէս:

Այժմ, երբ տանտէրը, ընքուշութեամբ գրկելով իր աղջ-
կան, նստեցրեց նրան ու նրա մօրը իր կողքին, վառարանի
մօտ,—Սկոուշը աւելի ևս լարեց իր ուշադրութիւնը, և երբ
մտածեց, որ մի այլ սրա նման արարած, այսքան սիրուն ու
յուսաստու կարող էր իրան էլ հայր անուանել ու նրա կեանքի
գառնաշունչ ձմեռը գարուն դարձնել,—նրա աչքերը մթնեցին
արտասուքից:

—«Ի՞նչ» ասաց ամուսինը, ժպտերես զիմելով իր կնոջ,
այսօր քո վաղեմի բարեկամներիցդ մէկին եմ տեսել»:

—«Որին»:

—«Կուշակիր»:

—«Ի՞նչպէս գուշակեմ: Կաց, զիտեմ», իսկոյն աւելացրեց
տիկինը ամուսնու պէս ժպտալով.—«պ. Սկոուշին»:

—«Պ. Սկոուշն էր: Անցնում էի նրա գրասենեակի պա-
տուհանի մօտով, որ փակ չէր, ներսն էլ ճրագ կար վառ: Տես-
նեմ՝ նրա ընկերը մահուան անկողնում՝ իսկ նա—մենակ կող-
քին նստած: Բոյրովին միայնակ աշխարհբուս...»

—«Ոգի», ասաց Սկոուշը խզուած ձայնով, «տար ինձ այս-
տեղից»:

—«Ասում եմ որ այս բոլորը անցած-զնացած բաների ստու-
եղներն են», ասաց Ոգին: «Եղած բաներ ես տեսնում, իզուր մի
քարկանալ ինձ վրայ»:

—«Տնոր ինձ այստեղից», դոչեց Սկոուշը, «անտանելի է
այս բոլորը ինձ համար»:

Շուտ գալով դէպի Ոգին և նկատելով, որ նա նայում է
իրան մի այնպիսի հաճոյքով, որի մէջ, զարմանք բան, կարե-

*) Անգլիական բնակարանները մերոնց նման մի յարկում չեն լինում:
Առաջին յարկում ընդունարանն ու սեղանատունն է լինում, որի տակը խոհա-
նոցը, երկրորդում՝ ննջարանը, երրորդում՝ երեխաների սենեակը կային:

լի էր ջոկել բոլոր նրա ցոյց տուած դէմքերի կտորները, —Սկոուշը սկսեց կուռել նրա հետ:

—«Թո՛ղ ինձ, ետ տար ինձ: Հերիք է տանջե՛ս»:

Այդ կուռի ժամանակ,—եթէ կարելի է կուռ անուանել այն, որ Ոգին իր հակառակորդին կարծես չէր դիմադրում նըկատելի կերպով,—Սկոուշը նկատեց, որ նրա լոյսը վառուած է ազատ ու պայծառ. և այդ լոյսին վերագրելով Ոգու ազդեցութիւնը, խլեց նրանից շիջուցիչ-գոգակը և յանկարծակի գցեց նրա գլխին ու սկսեց հուպ տալ:

Գոգակը ծածկեց ոգու ամբողջ մարմինը: Թէպէտ Սկոուշը իր բոլոր ուժով հուպ էր տալիս, բայց չէր կարողանում մարել լոյսը, որ անընդհատ դուրս էր բղխում գոգակի տակից, գետնի վրայով:

Նա զգաց, որ ուժասպառուում, յաղթուում է քնելու անդիմադրելի փափագով. ապա իր սեփական ննջարանումն զգաց իրան: Վերջին անգամ նա հուպ տուեց գոգակը, ապա նրա ձեռքը թուլացաւ և հագիւ անկողնին հասնելով՝ ծանր քնի մէջ ընկաւ:

Դիւրիս Գ:

ԵՐԵՒ ՈԳԻՆԵՐԻՑ ԵՐԿՐՈՐԳԸ

Անասելի խոմփոցից արթնացած ու անկողնումը նստած խելքը գլուխը ժողովող Սկոուշին յիշեցնելու կարիք չկար, թէ ժամացոյցի զանգը «մէկը» պիտի տայ: Նա զգում էր որ խակ-կիսակ ժամանակին էր ուշքի եկել, այն խակ ժամին, երբ պիտի տեսակցուէին ունենար Յակոբ Մառլէյի Ոգու միջամտութեամբ իրա այցելութեանը գալիք երկրորդ Ուրուականի հետ: Բայց, ցուրտ զգալով, այլ ևս նստած չմնաց իր հետաքրքրութիւնը բաւականացնելու, թէ այս նոր Ոգին վարագոյրներից որն է քաշելու, այլ ինքը իր ձեռքով բոլոր վարագոյրներն էլ յետ քաշեց և, կրկին պառկելով, ուշադրութեամբ աչք ածեց չորս կողմը: Որովհետև ուզում էր երևալուն պէս կանչել Ոգուն և ոչ թէ անպատրաստ լինելով յանկարծակի «վեր թռչել»:

«Ընկած-դուրս-եկած» մարդիկ, որ պարծենում են թէ իրանք ամեն դժուար դրութիւնից ելք կը գտնեն և ընդունակ են ամեն բանի, սկսած «արծիւը թէ գիրը» խաղից մինչև մարդասպանութիւնը, որպիսի ծայրայեղ հակադրութիւնների միջև անպայման մեծ անդունդ և՛ գործողութիւնների ու առար-

կաների ահագին՝ շարք կայ: Չհամարձակուելով Սկոուշի մասին այսպիսի լեզու գործածել, խնդրում եմ, սակայն, հաւատալ, որ, նա պատրաստ սպասում էր շատ օտարտի երևոյթների և ոչ մի բան՝ սկսած մի երեխայից մինչև մի ռոգեղջիւր՝ ոչ մի բան —չէր կարող զարմացնել նրան բաւականին:

Արդ, ամեն կերպ պատրաստուած ամեն բանի, նա ոչ մի կերպ պատրաստ չէր ոչնչի: Հետևապէս, երբ զանգը խփեց «մէկ» և ոչոք չ'երևաց, նա սկսեց սաստիկ դողալ: Հինգ րոպէ, տասը րոպէ, մի քառորդ ժամ անցաւ, կրկին ոչինչ: Բոլոր ժամանակ Սկոուշը պառկած էր անկողնում, որ կենտրոն էր դարձել կարմրագոյն փայլուն լոյսի, որի ճառագայթները, զանգը խփած րոպէից հեղեղել էին նրան, և որ պարզապէս լոյս լինելով հանդերձ—մի խումբ Ոգիներից աւելի սարսափելի էր, որովհետև նա անկարող էր ըմբռնել, թէ ի՞նչ է այդ, կամ ի՞նչ պիտի լինի: Մէկ՝ ենթացրեց, թէ մի գուցէ ինքն է հէնց նոյն րոպէին այդ հետաքրքիր երևոյթի աղբիւրը, զուրկ նոյնիսկ գիտակից լինելու միթիթարութիւնից: Վերջապէս, նա սկսեց մտածել, ինչպէս ես կամ դուք կը մտածէինք հէնց սկզբից, որովհետև միշտ կողմնակի դիտողը լաւ գիտի թէ ի՞նչ պէտք է անել և, սակայն ինքը նոյն դրութեան մէջ,—ամենից վերջը կ'անէր ինչոք հարկն է,—ասում եմ, նա սկսեց մտածել, թէ այդ չնաշխարհիկ լոյսի աղբիւրն ու պատճառը, երևի, կողքի սենեակումն է և հէնց այդպէս էլ էր, որովհետև հէնց այնտեղից էր լոյսը: Եւ երբ այլևս կասկած չկար թէ որտեղից է բղխում լոյսը, նա հանգարտ վեր կացաւ անկողնից, և հողաթափները շփշփացնելով, մօտեցաւ դռանը:

Այն րոպէին երբ Սկոուշը ձեռքը մեկնեց դէպի դուռը, մի օտարտի ձայն նրա անունը տուեց և ներս հրաւիրեց:

Նա հնազանդուեց:

Անկասկած իր սեփական սենեակն էր, բայց մի զարմանալի փոփոխութիւն էր տեղի ունեցել: Պատերն ու առաստաղը զարդարուած էին թարմ կանաչով, կարծես կատարեալ ծառաստան լինէր, լիքը հասած, գեղեցիկ պտուղներով: Բաղեղի և ձագոմի փայլուն թերթիկները, մանր հայելիների նման, անդրադարձնում էին լոյսը. ահագին կրակ էր բոցավառուում վառարանում, որի նմանը վաղուց չէր տեսնուած այդ ողորմելի տանը ոչ Սկոուշի և ոչ Մառլէյի օրով, շատուշատ ձմեռ գիշերներ: Յատակին ահագին դէպ էին կազմում հնուհաւերը, սագերը, երէները, հաւերը, լեռնիկները, մտեղէնը, կաթնակեր խոճկորները, երշիկները երկար շարքերը, մտալից արգանակները, պլում-պուդրինները, խեցեեանով լիքը տակառները,

տաք-տաք խորոված շագանակը, կարմրաթուշ ինձորը, հիւթալի նարինջը, հրաշալի տանձերը, ահագին քաղցր գաթաները, որ լցնում էին սենեակը իրանց նուրբ բոյրով: Եւ այդ դէզից գահ էր յարմարեցրել իրա համար մի ուրախ հսկայ, փառահեղ արտաքինով, ձեռքին մի վառ կերոն, ո՛չ այնքան Առատութեան Եղջիւրի նման, որ բռնած էր բարձր-բարձր, որպէսզի լոյսն ընկնէր Սկոուշի վրայ, երբ որ նա դուրս կը նայի դռան քաժակից:

— «Ներս արի», գոչեց Ոգին: «Ներս արի, մարդ, և լաւ ճանաչիր ինձ»:

Սկոուշը քաշուելով ներս մտաւ և գլուխ խոնարհեց Ոգու առաջ: Այլ ևս նախկին Սկոուշը չէր. և թէպէտ պայծառ ու սիրալիւր էին Ոգու աչքերը, այնուամենայնիւ նա խոյս էր տալիս նրանցից:

— «Ես այս Ծննդեան Ոգին եմ», ասաց նա. «նայիր ինձ»:

Սկոուշը յարգանքով նայեց: Հագին մի հասարակ մուգ-կանաչ շոր էր, ծայրերը սպիտակ մորթի դրած: Ազատ գցած էր վրէն, բաց պահելով նրա հուժկու կուրծքը, որ չէր ուզում, կարծես, պահուել կամ թաղնուել որևէ արհեստական բանի տակ: Զգեստի լայն ծալքերի տակից երևացող ոտները—նոյնպէս մերկ էին. գլխին կանաչ պսակ ունէր, որի վրայ այսուայն կողմից պսպղում էին սառցի կտորներ: Նրա մուգ մազերը երկար էին և արձակ. ազատ, ինչպէս ուրախ դէմքը, պայծառ աչքերը, բաց ձեռքը, դուարթ ձայնը, համարձակ վարուեցողութիւնը, գեղաժիծող երեսը: Մէջքին կապած ունէր մի հին սրի պատեան, բայց սուր չկար մէջը և մաշուած ու ժանգոտած էր պատեանը:

— «Երբէք չե՞ս տեսել ինձ նմանը», գոչեց Ոգին:

— «Երբէք», պատասխանեց Սկոուշը:

— «Մօտ չե՞ս եղել մեր ընտանիքի կրտսեր անդամների հետ երբևիցէ, ուզում եմ ասել վերջին տարիներս ծնած մեծ եղբորցս հետ, որովհետեւ ես չափազանց ջահիլ եմ», շարունակեց Ոգին:

— «Զեմ կարծում», ասաց Սկոուշը, «դժուար թէ տեսած լինեմ նրանց: Քանի՞ եղբայր էք դուք»:

— «Հագար ութ հարիւրից աւելի», ասաց Ոգին:

— «Մարսափելի բան է դրանց հաց հասցնելը», մրթմրթաց Սկոուշը:

Ներկայ Ծննդեան Ոգին ոտի կանգնեց:

— «Ոգի», ասաց Սկոուշը խոնարհութեամբ, առաջնորդիր ինձ ուր որ ուզես: Անցեալ գիշեր զոտով տարան ինձ, սակայն

մի դաս առայ, որ դեռ չեմ մոռացել: Թէ դու էլ դաս ունես տալու, ուզում եմ առնել այս գիշեր:

— «Շօշափիր հանդերձա»:

Սկոուշը կատարեց Ոգու հրամանը և պինդ բռնեց նրան:

Տօնածառ, բաղեղ, կարմիր պտուղներ, ձագոմ, հնդուհաւ, սագ, երէ, հաւ, խոզեղէն, մսեղէն, կոճկոր, երշիկ, խեցգետին, արգանակ, պուդրինգ, պտղեղէն, պունչ... ամեն բան չքացաւ իսկոյն: Նոյնպէս և սենեակը, կրակը, կարմրագոյն լոյսը, գիշերային, ժամը. և ահա նրանք մի քաղաքային փողոցում են: Ծննդեան առաւօտ էր, սաստիկ ցուրտ: Ամբողջ աղմուկ էր. ամենմէկը իր տան առաջի սալայատակի նոյնպէս և տանիքի ձիւնը բերելով ուրախ և ոչ անախորժ աղմուկ էր անում. իսկ փողոցում վազվզող երեխայքը հրճուում էին, կտուրներից թափուող ձիւնից առաջացող տարափով:

Տները բաւականին մութն էին երևում, իսկ պատուհանները աւելի մութ՝ կտուրների ձեան հարթ սպիտակութեան և գեանի վրայի գորշագոյն ձիւնի հակադրութեամբ, ուր որ երեսի խաւի վրայ երևում էին ծանր կտուրների անխնայի խորը հետքերը. հետքեր, որ մեծ փողոցների անկիւններին հարիւրաւոր ձևերով այսուայն կողմն էին ծովուում և իրար հետ հիւսուում ու աղօսների մի խառը ցանց կազմում, որին հետևելը այդ թանձր դեղնագոյն ցեխում ու սառած ջրում—հեշտ չէր: Երկինքը մուլլ էր և ամենակարճ փողոցներն էլ լիքն էին կեղտոտ՝ կէս-հալած ու կէս-սառը մառախուղով, որի մասնիկները խտանալով, մրի տարափ էին կազմում, կարծես, Մեծ-Բրիտանիայի բոլոր վառարանները, խօսք մէկ արած, վառուել՝ քէֆ էին անում: Ո՛չ եղանակը և ո՛չ քաղաքն էին ուրախ, բայց մի այնպիսի ուրախութիւն էր տիրում այստեղ, որ ամառային ամենապայծառ օդն ու ամենափայլուն արևն էլ չէին կարող առաջացնել:

Տանիքների ձիւնը սրբօղներն էլ էին ուրախ ու զուարթ. կտուրների վրայից իրար ձայն էին տալիս և ձնագունդ խաղում, ի սրտէ ծիծաղելով իրար զիպցնելիս և ո՛չ պակաս զուարճանալով վրիպելիս: Հաւաքածառների կրպակները դեռ կիսաբաց էին, մրգավաճառներն էլ ձաճանչում էին լուսափայլ: Ահագին, կլոր, հաստափոր, շագանակով լիքը քթոցները նմանում էին ուրախ «պատուելի»ների ժիլետներին, որ՝ թեք ընկած դռների առաջ, կարծես, չափազանց առատութիւնից կաթուածահար, վայր էին ընկնում փողոցը: Կարմիր, գորշագոյն, հաստափոր իսպանական սոխը՝ չաղութիւնից պսպղում էր իսպանացի վարդապետի նման և խորամանկ հեշտասիրութեամբ

աչքով էր անում անցուդարձ անող աղջկերանց, համեստութեամբ աչքը գցելով վերևից կախ ճագոմին *)։ Տանձ ու խընձորի դէզերը կարծես բլուրներ լինէին։ Աչքի ընկնող չանգալ ներից՝ բարեգութ մանրավաճառները կախել էին խաղողի ողկոյնները, որ անցուդարձ անողների բերանի ջուրը գնայ... ձրիաբար։ Վայրի ընկոյնների գորշ դէզերը իրանց բոյրով յիշեցնում էին մարդու անցած-գնացած ախորժելի զբօսանքները ծառաստաններում, երբ մարդու ոտներ խրում են չորացած տերևների մէջ։ Նոռֆողի մսալի, մզագոյն, եփած խնձորների կողքին—աչքի էին ընկնում դեղնագոյն, հիւթալի նարինջներն ու լիմոնները, որ կարծես, սպասելիս լինէին «մուշտարու», որ թղթում փաթթի, տուն տանի ու ճաշից յետոյ անուշ անի։ Ընտիր պտղեղէնների հետ ի ցոյց դրուած ոսկեփայլ ու արծաթափայլ ձկները նոյնիսկ, սառնարիւնների տաղտուկ ընտանիքի անդամներ լինելով հանդերձ, կարծես զգում էին, որ մի արտասովոր բան է կատարում իրանց շուրջը, և ամենմի ձուկ՝ դանդաղ ու անկիրք՝ պտտում ու պտտում էր իր փոքրիկ աշխարհում։

Իսկ մանրավաճառները, ճ, մանրավաճառները, համարեա դանփակ, պտտուհանները գոցող տախտակներից միայն մէկը կամ երկուսը հանած, սակայն ինչ հրաշալի տեսարան էր բացւում այդ նեղլիկ ձեղքերից։ Կշեռքների թաթերը զրնգզրնգում էին ուրախ-ուրախ, կծիկները պտտում, թելերը բացւում, արկղիկները վեր-վար թռչկոտում, կարծես ձեռնածուի հրամանով. թէյի և սուրճի խառն անուշահոտութիւնը ախորժելի էր ու գրգռիչ, խաղողն առատ ու ընտիր էր, նուշը—անչափ սպիտակ, դարչինը այնքան ձիգ-ձիգ և ուղիղ, ուրիշ համեմները այնքան նուրբ, շաքարապտուղները այնչափ առատօրէն շաքարած, որ ամենասառնասիրտ նայողին անգամ ճանապարհից կը հանէին և, հետևապէս, միտքը կը պղտորէին։ Հիւթալի ու մսալի թուզը, Փրանսիական գեղեցիկ արկղիկներում դարսած մեխաշ սալորը, ամեն ինչ, մի խօսքով, այնքան համեղ ու գեղեցիկ էր իր տօնական տեսքով. գնողներն էլ, մեծայոյս տօնի բերելիք բարիքների վրայ, այնպիսի փութով էին շտապում, որ ընդհարուում էին իրար դռանը, կատաղաբար ջարդոտում իրար ուռէքթոցները, մոռանում իրանց գնածները խանութպանի սեղանի

*) Ծննդեան տօնին աներն ու կրպակները զարդարուած են լինում ի միջի այլոց և ճագոմով. եթէ մէկին յաջողուեց մի կին կամ աղջիկ կանգնացնել ճագոմի տակը, իրաւունք ունի համբուրելու նրան, կամ հետը պարելու։

վրայ, կրկին վազէվազ վերադառնում, յետ վերցնում, և հարիւրաւոր այսպիսի սխալներ անում, չփոխելով սակայն նոյն ուրախ տրամագրութիւնը։ Իսկ խանութպանն ու նրա գործակատարներն այնչափ ուշադիր և եռանդուն էին, որ նրանց գողնոցների յղկած սրտածև ճարմանտները, կարծես հէնց նըրանց սեփական սրտերը լինէին, դուրս դրած ի տես ամենքի, որպէսզի Ծննդեան թռչնակները *) կտցահարեն, եթէ ուզենալու լինեն։

Իայց շուտով զանգահարութիւնը եկեղեցի հրաւիրեց ժողովրդին և ամենքը իրանց ամենալաւ շորերով և ամենաուրախ դէմքերով գնում են ու գնում։ Միևնոյն ժամանակ բազմաթիւ կողմալի փողոցներից, նեղ ու ծուռ անանուն անցքերից, անթիւ ժողովուրդ դուրս թափուեց, փուռ և փելիք կերակուրները ձեռներին, փուռը տալու։ Այս աղքատ-շոյայների տեսքը երևի սաստիկ հետաքրքրեց Ոգուն, որովհետև նա Սկոուշի հետ կանգ առաւ մի փոռն առաջ և ամենմի ներս մտնողի ամանի խուփը բարձրացնելով, անդադար սրսկում էր նրանց իր ձեռքի կերոնով։ Այդ մի արտասովոր կերոն էր. մէկ-երկու անգամ երբ կերակուր բերողները՝ դռանը իրար հետ ընդհարուելով՝ սառը խօսք սասցին իրար, նա միքանի կաթիլ հեղուկ կթացրեց կոտորների վրայ իր կերոնից և անմիջապէս նրանց քէֆը տեղն եկաւ։ Եւ հէնց իրանք նկատեցին, որ ամօթ է Ծննդեան օրը կուր անել։ Եւ ձիշտ որ ամօթ է, Աստուած վկայ, ամօթ է։

Կամաց-կամաց զանգահարութիւնը դադարեց և փոքրը փակուեցան. սակայն այս բոլոր ճաշերն ու եփութութիւն իրանց ախորժելի հետքը դրոշմեցին այս հացթուխների վառարաններին. նոյնիսկ սալայատակը ծխում էր, կարծես բարերն էլ էին եփութուխ անում։

- «Մըսկած հեղուկը առանձին համ ու հոտ ունի», հարցրեց Սկոուշը։
- «Ա՛յո, իմ համ ու հոտ»։
- «Ամեն մի ճաշի այսօր նա հաղորդելու է այդ համ ու հոտը», հարցրեց Սկոուշը։
- «Ամեն մի ըարի ճաշի։ Աւելի ևս աղքատների ճաշին»։
- «Ինչո՞ւ աղքատներին աւելի», հարցրեց Սկոուշը։
- «Որովհետև ամենից շատ նրանց է հարկաւոր»։
- «Ոգի», ասաց Սկոուշը մի բողբ մտածելուց յետոյ,

*) Օրիորդներին է ակնարկում այդ «թռչնակ» խօսքով։

«գարմանում եմ, որ մեզանից վերը բնակող արարածներինց դու ես հէնց, որ ուզում ես այս մարդկանց զրկել այդ անմեղ զուարճութեան հեշտութիւնից»:

— «Ե՞ս», գոչեց Ոգին:

— «Ի՞նչ ուզում ես զրկել նրանց ամեն կիրակի ճաշելու հնարաւորութիւնից, յաճախ դա միակ օրն է, երբ նրանց կերածին կարելի է ճաշ անուճը տալ», ասաց Սկոուշը: «Ա՞յդ է ուզածդ»:

— «Ե՞ս», գոչեց Ոգին:

— «Հօ դ՞ու էս, որ ամեն կիրակի փակել ես տալիս այս տեղերը», ասաց Սկոուշը: «Իսկ իմ ասածս էլ հէնց դրա հետեանքն է»:

— «Ե՞ս», բացագանչեց Ոգին:

— «Ներիր, եթէ սխալուած եմ: Սակայն ըո, կամ ձեր ընտանիքի անունիցն է միշտ այդ կատարուել», ասաց Սկոուշը:

— «Ձեր երկրի վրայ շատ մարդ կայ», պատասխանեց Ոգին, որ յայտարարում է, թէ ճանաչում է մեզ և մեր անունից բաւականութիւն է տալիս իրա կրքերին, հպարտութեանը, չարութեանը, ատելութեանը, նախանձին, փարիսեցութեանն ու եսականութեանը, սակայն այդ մարդիկ բոլորին օտար են մեզ ու մերայնոց: Յիշիր ասածս ու նրանց արածների մեղքը իրանց շինքին դիր և ոչ թէ մեր *)»:

Սկոուշը խոստացաւ յիշել և նրանք անտեսանելի, ինչպէս և առաջ, անցան ու մտան քաղաքի արուարձանները: Ոգին մի նշանաւոր յատկութիւն ունէր (որ Սկոուշը արդէն փոան մօտ նկատել էր). չնայած իր հսկայական մեծութեանը, կարողանում էր ամեն տեղի հեշտութեամբ յարմարուել. չնաշխարհիկ արարածի շնորհքով կանգնել ցած տանիքի տակ նոյն հեշտութեամբ, ինչպէս մի անագին սրահում:

Գուցէ իր այս կարողութեան ի ցոյց դնելու ցանկութիւնը, կամ թէ նրա բարի, մեծահոգի, սրտազին ընտելիւնը և դէպի աղքատները տածած համակրանքը՝ բարի Ոգուն առաջնորդեցին ուղղակի դէպի Սկոուշի գրագիրը, որի բնակարանն եկաւ, Սկոուշն էլ հետը, Ոգու փէշքիցը բռնած. դռան շէմքին Ոգին ժպտաց, կանգ առաւ ու Բոր Կոնչիտի բնակարանը սըրսկեց իր կերտից: Մի լաւ միտք արէք: Բորը միայն 15 բոր**)

*) Անգլիայում կիրակին չափազանց խիստ պահելու պատճառով, խեղճ մարդիկ, որ միայն այդ օրն են լինում ապառ, գուրկ են մնում ամեն զուարճութիւնից: Ծ. Թ.

**) Բառակազ. Բոր—Ռորերտ անուան փաղաքշտկանն է և բոր (փոքր տառով)—շիլինգ ասել է: Ծ. Թ.

էր ստանում շաբթեկան. իր սեփական անուան պատճէններինց միայն 15-ը ամեն շաբաթ, այնուամենայնիւ ներկայ Ծննդեան Ոգին օհնեց նրա համեստ բնակարանը:

Ոտքի կանգնեց Բորի կին տիկին Կոնչիտը, հագին մի խունացած, երկու անգամ երեսը շուռ տուած, շոր, բայց էժանագին ժապաւէններով զարդարած, որ վեց պենսով գեղեցկութիւն են տալիս հին շորին: Իր երկրորդ աղջկայ, Բելինդա Կոնչիտի օգնութեամբ, որ նոյնպէս զարդարուած էր ժապաւէններով, սփռոցը գցեց. մի չանգալ էլ գետնախնձորի կաթսայի մէջ էր գցել Պետրոս Կոնչիտը, որի բերանն էին մտնում շապկի հրէշաւոր օձիքի ծայրերը (Բորի անձնական սեփականութիւնը, տօնի առիթով իր որդուն ու ժառանգին անցած). սակայն Պետրոսը հիանում էր իր «վայելուչ» զարդարանքով և սաստիկ ցանկութիւն ունէր երևալ ամենանմտիւր ճեմելիքներում իր ձերմակ օձիքը հագին: Վազեմիզ ներս ընկան զոյգ փոքրիկ Կոնչիտները, աղջիկ ու տղայ, բղաւելով թէ փոան մօտ սագի հոտ էր գալիս և իրանք ճանաչեցին իրանց սագի հոտը: Սոխի և եղեսպակի անուշահոտութիւնից ոգևորուած փոքրիկ Կոնչիտները պարում էին սեղանի շուրջը և Պետրոս Կոնչիտին մինչև երկինքը փառաբանում, մինչդեռ սա, առանց հպարտութեան (թէպէտ օձիքը շատ էր բարձր պահում նրա ծնօտը) փչում էր կրակը, մինչև որ յամառ գետնախնձորը բլթիլթալով սկսեց բաղխել բարձրածայն իր խուփը, որ դուրս տան ու կճպեն իրան:

— «Ի՞նչ եղաւ տեանես, ձեր աղիղ հայրը», ասաց տիկ. Կոնչիտը: Նոյնպէս ձեր եղբայրը, Տայնը Տիմը: Անցեալ Ծննդեան Մարթան էլ կէս ժամ առաջ արդէն տանն էր»:

— «Մարթան այստեղ է, մայրիկ», ասաց մի աղջիկ, որ նոր էր ներս մտնում:

— «Մարթան եկաւ, մայրիկ», գոչեցին երկու փոքրիկ Կոնչիտները: «Հճճոոա... Մի այնպիսի սագ ունենք, Մարթա, որ»...

— «Ինչո՞ւ եո, սիրելիս, այսքան ուշացել», ասաց տիկին Կոնչիտը, պաշպչելով նրան ու վերցնելով նրա շալն ու գըլխարկը եռանդուն հոգատարութեամբ:

— «Անցած գիշեր մի քիչ գործ ունէինք վերջացնելու, մայրիկ, պատասխանեց աղջիկը, իսկ այս առաւօտ հաւաքում էինք ամենինչ»:

— «Լաւ, հիմա թողնենք այդ, երբ որ դու եկել ես արդէն», ասաց տիկ. Կոնչիտը: «Նստիր, սիրելիս, կրակի մօտ ու տաքացիր, Տէրը քեզ հետ»:

— «Ո՛չ, ո՛չ, հայրիկը գալիս է», գոչեցին երկու փոքրիկները, որ միաժամանակ ամեն տեղ էին: «Թագնուիր, Մարթա, թագնուիր»:

Մարթան թագնուեց. ներս մտաւ ինքը՝ հայրը—փոքրիկ Բորը, օրօրելով առջևիցը կախ շալի ծայրերը, ամենապակասը երեք ոտաչափ երկարութեամբ, դեռ ծոպերը չհաշուած: Նրա հնամաշ շորը կարկատտած էր ու մաքրած տօնի աւիթով: Տայնը Տիմին էլ շալակել էր, որովհետև, աւաղ, վերջինս, ոտների տեղ, երկաթի կտորների վրայ էր քաշըշում իր մարմինը:

— «Բա՛, սըր է մեր Մարթան», գոչեց Բոր Կոնչիտը, նայելով շուրջը:

— «Չի եկել դեռ», ասաց տիկ. Կոնչիտը:

— «Չի եկել», ասաց Բորը, կորցնելով իսկոյն իր ուրախ տրամադրութիւնը (եկեղեցուց մինչև տուն Տիմի նժոյգի պաշտօնը կատարելով, ուրախ սրտով էր տուն մտել). «Ծննդեան թաթախման գիշերն էլ չեն թողել տուն»:

Մարթան, որ չէր սիրում հօր տխրութիւնը նոյնիսկ հանաքի համար, անժամանակ դուրս պրծաւ պատուհանից և ընկաւ նրա գիրկը, մինչև երկու փոքրիկները քարշ էին տալիս Տայնը Տիմին դէպի լուացքի սենեակը, պուզգինգի քլիփլիթոցին ականջ դնելու:

— «Իսկ փոքրիկ Տիմը ի՞նչպէս էր պահում իրան, հարցրեց տիկ. Կոնչիտը, ամուսնու դիւրահաւատութեան վրայ մի կուշտ ծիծաղելուց յետոյ, երբ Բորն էլ ուզածի չափ փաղաքել էր աղջկան:

— «Շատ լաւ, անչափ լաւ», ասաց Բորը: «Մենակ նստած անքան միտք է անում նա ինքնիրան, որ չսուած բաներ են անցնում մտքովը: Տուն գալիս նա ինձ պատմեց, թէ յոյս ունի, որ եկեղեցում ժողովուրդը նկատած կը լինի, հաշմանդամութիւնը, որ թաթախման երեկոյ առանձին ախորժանքով յիշեցրած կը լինի Նրան, որ բժշկում էր կաղերին ու կոյրերին»:

Բորի ձայնը դողդոջիւն էր այս պատմութիւնն անելիս, իսկ հրը ասաց, որ Տայնը Տիմը մեծանալով կազդուրում ու ամրապնդում է, աւելի ևս դողդողաց:

Բայց դեռ ոչ մի խօսք չարտասանած, լսուեց նրա երկաթէ ոտների աշխոյժ թրխկթրխկոցը և ներս մտաւ Տայնը Տիմը, որին փոքրիկները տաբան նստացրին կրակի կողքին, աթոռի վրայ. Բորը, թևերը ետ տալով (կարծես ողորմելի շո-

րի վրայ մաշուելու տեղ լինէր մնացած), մի թաս «Չին» *) պատրաստեց լիմոնով, խառնեց գդալով ու դրեց վառարանի մօտ. Պետրոսն ու փոքրիկները գնացին սազը բերելու ու շուտով վերադարձան, մեծ շքով բերելով սազը:

Մի այսպիսի աղմուկ բարձրացաւ, կարծես սազը թռչուններից ամենահազուագիւտը լինէր. մի թևաւոր հրաշք, որի մօտ սև կարասն էլ ոչինչ բան է. և, իսկապէս, այդ տան մէջ սազը—սև կարասի նման մի չտեսնուած բան էր: Տիկ. Կոնչիտը նախօրօք պատրաստած «սուս»-ն էր տաքացնում ու բլլթփլթփայնում, Պետրոսը անասելի ուժով գեանախնձորն էր տըրորում, օրիորդ Բելինդան եփած խնձորն էր համեմում, Մարթան տաք-տաք պնակներն էր սրբոտում, Բորը—Տայնը Տիմին էր տեղաւորում իր կողքին սեղանի նեղլիկ անկիւնում, փոքրիկներն ամենքի համար աթոռներ էին դնում, իրանց համար էլ չմոտանալով, և իրանց տեղերը բռնած, գգախները բերաններն էին դրել, որպէսզի ձայն չհանեն, մինչև սազ վերցնելու հերթը իրանց հասնի: Վերջապէս կերակուրները սեղան դրուեցան ու աղօթքն ասուեց: Հետեւեց խորին լուսթիւն և տիկ. Կոնչիտը հանդարտութեամբ վերցնելով դանակը ու աչքի անցնելով, պատրաստուեց խրել սազի կուրծքը. և երբ որ վերջապէս սազի փորը ճզուեց ու այնտեղից դուրս թափուեց վաղուց սպասած «միջուկը», հիացքի շուրջ բարձրացաւ, և նոյնիսկ Տայնը Տիմը, որին դրդում էին երկու փոքրիկները, դանակի կոթը խփեց սեղանին և մի թոյլ «հնուտա» գոչեց:

Երբէք այսպիսի սազ չի տեսնուած: Բորն ասաց, թէ, հաւատաս, երբէք այսպիսի սազ չլինի տաղակուած: Նրա քնքըշուրթիւնը, համ ու հոտը, մեծութիւնն ու էժանութիւնը—ամենքին զարմացնում էին: Էփած խնձորի ու տրորած գեանախընձորի հետ միասին—կուշտ ճաշ էր ամբողջ ընտանիքի համար. իսկապէս, ինչպէս որ ուրախ սրտով նկատեց տիկ. Կոնչիտը (ակնարկելով սեղանի վրայ մնացած մի փոքրիկ ոսկոռի կտորին), սազը ամբողջովին դեռ չէր կերուել—պրծել: Եւ անա ամեն մէկը կուշտ էր, նամանաւանդ կրտսեր Կոնչիտները կորել էին սոխի ու եղեսպակի մէջ մինչև ունքերը: Ապա օր. Բելինդան փոխեց պնակները, իսկ տիկ. Կոնչիտը միայնակ դուրս եկաւ սենեակից, պուզգինգը կաթսայից հանելու ու բերելու: Միայնակ, որովհետև սիրտը տրոփում էր, թէ միգուցէ հում լինի, միգուցէ ճվուռի հանելիս, միգուցէ գող լինի մտած յետի բակից ու թուցրած պուզգինգը, մինչդեռ իրանքքէֆ էին

*) Մի տեսակ արագ: Ծ. Թ.

քաշուած սազն անուշ անելիս. այդ ենթադրութիւնից փոքրիկ-ները գունաթափ եղան:

Օհօ, գոլորշուն նայէք, պուզդինգը հանել են: Լուացքի հոտի պէս մի հոտ, որ երևի քսակիցն *) էր գալիս: Մի հոտ, որ կարծես սեղանատան մի կողքին գաթա են թխում, իսկ միւս կողքին—լուացք անում: Պուզդինգն էր: Կէս ըոպէից ներս մտաւ տիկ. Կոնչիտը, շիկնած, սակաջն հպարտ ժպիտն երեսին, բերաւ պուզդինգը, թնդանօթի գնդի նման ամուր ու պինդ, կէս-բոցավառ (մի քիչ խաղողի օղի էր ածել վրէն ու կպցրել), տօնածառի ձիւղով զարգարած:

Օ՛, հրաշալի պուզդինգ: Բոք Կոնչիտը լըջօրէն ասաց, որ տիկ. Կոնչիտը, իր ամուսնութեան օրից, երբէք այսպիսի յաջող բան չի շինել: Տիկ. Կոնչիտն ասաց, թէ այժմ նրա սիրտը ճնշող բեռը վերացաւ վերջապէս, որովհետև, խոստովանք լինի, նա կասկած ունէր պուզդինգի յատկութեան վրայ ալիւրի պակասութեան պատճառով: Ամենքն էլ մի բան ասացին, բայց ոչոք չասաց, կամ չմտածեց, թէ այդ պուզդինգը չափազանց քիչ է մի այդպիսի մեծ ընտանիքի համար: Այդպիսի մի միտք կատարեալ հերետիկոսութիւն կը լինէր և Կոնչիտներից ամենմէկը կը շիկնէր այդպիսի մտքից:

Վերջապէս ճաշը վերջացաւ, սփռոցն հաւաքուեց, վառարանը մաքրուեց ու կրկին վառուեց: Բոքի պատրաստած ըմպելիքի համը տեսնուեցաւ. շատ լաւն էր: Սեղանի վրայ խնձոր ու նարինջ դրուեց և մի թիակ լիքը կաղին (մաշկամիրդ) ածուեց վառարանը: Ապա Կոնչիտների ամբողջ ընտանիքը բազմեց կըրակի շուրջը, երկու բաժակ ու մի անկոթ թաս, որ ընտանիքի ունեցած-չունեցած ապակեղէնն էր, ի ցոյց դրուեց Բոքի կողքին:

Տաք-տաք ըմպելիքը այդ ամաններն ածելիս այնպէս էին փայլելում Բոքի աչքերը, կարծես ոսկէ գաւաթներ լինէին նրա առաջին: Իսկ մաշկամիրդը ճոթճոթում ու տրաքոտում էր կրակի մէջ: Բոքը բաժակն առաւ և առաջարկեց:

—«Ուրախ Մնունդ ամենքիս, սիրելիներս, Աստուած օրհնի մեզ»:

Ամբողջ ընտանիքը արձագանգ տուեց:

—«Աստուած օրհնի ամենմէկիս», ասաց Տայնը Տիմը ամենքից վերջը:

Իր փոքրիկ աթոռի վրայ նա նստած էր հօր կողքին: Բո-

*) Պուզդինգը քսակի մէջ է եփում:

քը ձեռքիցը բաց չէր թողնում նրա փոքրիկ չոր ձեռքը, կարծես ուզում լինէր ասել, թէ սիրում է իր գաւակին ու ցանկանում է նրան միշտ իր կողքին պահել և երկիւղ է կրում, թէ մի՞ գուցէ խլեն իրանից:

—«Ոգի», ասաց Սկոուշը կարեկցութեամբ, որ առաջ անձանօթ էր իրան. «ասա ինձ, կ'ապրի արդե՞ք Տայնը Տիմը, թէ ոչ»:

—«Մի դատարկ աթոռ եմ տեսնում աղքատիկ վառարանի մօտ և ինամբով պահուող մի անտէր ցուպ», պատասխանեց Ոգին, «եթէ այդ ուրուականները չփոխուեն ապագայում, երեխան պիտի մեռնի»:

—«Ո՛չ, ո՛չ», ասաց Սկոուշը: «Օ՛հ, ոչ, բարի Ոգի, խնայի՛ր նրան»:

—«Եթէ այս ուրուականները անփոփոխ թողնի գալիք Ծննդեան Ոգին, իմ ցեղիցս ոչոք այլևս չի տեսնի նրան», պատասխանեց Ոգին: «Բայց դէ՛ ի՞նչ մեծ բան, մեռնում է, թող մեռնի ու պակսեցնի աւելորդ ազգաբնակչութեան թիւը»:

Սկոուշը, լսելով իր սեփական խօսքերը Ոգու բերանից, գլուխը քաշ գցեց, խղճի խայթ գգալով:

—«Մարդ», ասաց Ոգին, «եթէ մի կտոր քար չի սրտիդ տեղումը, այլևս չկրկնես այդ անսիրտ, անհոգի խօսքերը, քանի որ չգիտես, թէ ո՞վ է աւելնորդը և ո՞ր է նա: Դ՞ու պիտի վճուես, թէ ո՞վ պիտի ապրի և ո՞վ մեռնի: Գուցէ Ամենաբարձրեալի տեսակէտից միլիօնաւոր այսպիսի խեղճ մարդկանց որդիք քեզնից աւելի արժանաւոր են և կեանքի արժանի: Տէր Աստուած, տերևի վրայի միջատը մահի է դատապարտում փոշու մէջ ապրող իր քաղցած եղբայրներին»...

Ոգու նկատողութիւնից Սկոուշը կախ գցեց գլուխը և զոզալով չէր համարձակում բարձրացնել, բայց յանկարծ իր անունը լսելով, աչքերը բարձրացրեց:

—«Պ. Սկոուշի կենացը», ասաց Բոքը. «առաջարկում եմ պ. Սկոուշի կենացը, որ միջոց է տալիս մեզ այս խնջոյքը վայելելու»:

—«Ի՛նչպէս չէ, ի՛նչպէս չէ», գոչեց տիկ. Կոնչիտը կարմրելով: «Նրանի այստեղ լինէր: Մի լաւ ձեռքովս կը տայի. սրտումս հաւաքուածը մի լաւ կ'ուտեցնէի»:

—«Սիրելիս», ասաց Բոքը, «երեխայոց ներկայութեամբ... և Ծննդեան օրը...»

—«Անկասկած», ասաց տիկինը, «միայն Ծննդեան օրն է, որ մարդ խմում է պ. Սկոուշի նման մի հրէշաւոր, ժլատ, ան-

սիրտ, անհոգի մարդու կենացը: Դու հօ լաւ ես ճանաչում նը-
րան, Ռորերտ: Ոչոք քեզ պէս չի ճանաչում նրան, խեղճ
մարդ»:

—«Միրելիս», պատասխանեց Բորը մեղմութեամբ, «Ծնունդ-
օրը»...

—«Սմունւմ եմ նրա կենացը քո խաթրիդ ու այս օրուայ
պատճառով», ասաց տիկ. Կոնչիտը, «և ոչ թէ նրա խաթրին:
Աստուած կեանք տայ նրան: Ուրախ Ծնունդ ու բախտաւոր
նոր տարի նրան: Անկասկած նա ուրախ ու բախտաւոր է...
շմտ»...

Ապա խմեցին նոյն կենացը երեխայքը: Այդ առաջին բա-
նըն էր, որ առանց դաջմունքի էին կատարում: Տայնը Տիմը
ամենից վերջը խմեց, մի քոռ-կոպէկի արժէք չտալով նոյնիսկ:
Սկուռը այդ ընտանիքի հրէշն էր, որի անուան յիշատակու-
թիւնը մտայլ ամպով պատեց ամենքին և ամբողջ հինգ ընդէր
ցրում:

Յետոյ կրկին նրանց քէֆը տեղն եկաւ և ուրախութիւնը
տասնապատկուեց: Բոր Կոնչիտը պատմեց, որ Պետրոսի հա-
մար մի պաշտօն ունի աչքի առաջ, որ եթէ աշողուի, շարժե-
կան հինգ շիւլինգ ու վեց պենս ոտճիկ կ'ունենայ: Երկու փոք-
րիկները ծիծաղից պայթում էին, Պետրոսին պաշտօնում երե-
ւակայելով. իսկ ինքը Պետրոսը մտքամոլոր կրակին էր նայում
իր օձիքի միջից, կարծես շուարած, թէ ինչ կերպով պիտի
շահեցնէր այդ ահագին եկամուտը: Մարթան, որ մի կար ա-
նող կնոջ մօտ աշակերտուէի էր, պատմեց, թէ ինչեր էր կա-
րել, քանի՜ ժամ էր աշխատում, առանց գլուխը բարձրացնելու,
և թէ սրբան ուշ է վեր կենալու վաղն առաւօտ անկողնից ու
հանգստանալու է մի լաւ. տօնի պատճառով վաղը տանն էր
մնալու: Նոյնպէս, թէ միքանի օր առաջ նա մի կոմսուէի ու
մի լորդ էր տեսել, որ համարեա «Պետրոսի բոյին» էր, այս
խօսքերի վրէն Պետրոսը այնքան վեր քաշեց իր օձիքը, որ՝
եթէ այնտեղ լինէիք, այլ ևս չէիք կարող տեսնել նրա գլուխը:
Իսկ մաշկամիրզն ու թասը շրջան էին անում ձեռքից ձեռք, և
Տայնը Տիմը երբեմնակի երգում էր ձիւնի մէջ կորած մի թա-
փառական երեխայի մասին, թէպէտ և թոյլ ու մղկտան ձայ-
նով, սակայն շատ լաւ էր երգում: Աչքի ընկնող բան չկար այս-
տեղ, ոչ էլ ընտանիքն էր մի փայլուն ընտանիք: Լաւ հագ-
նուած չէր կարելի անուանել զրանց. կօշիկները կարկատտած,
հանդերձները մաշած, իսկ Պետրոսը երկի անձանթով չէր «գրաւ
դնելու» ձեռկանութիւններին: Սակայն զրանք բախտաւոր ու
զոհունակ էին, սիրում էին իրար ու յարմարում հանգամանք-

ներին: Իսկ մեկնելու բոպէին Սկուռըն աւելի ևս բախտաւոր
թուաց Ոգու կերտնով լուսաւորուած ընտանիքը. նա մինչև վեր-
ջը դաւայում էր նրանցով, մանաւանդ Տայնը Տիմով:

Մինչ այս մինչ այն, խաւարը խտացաւ և ձիւնը սաստ-
կացաւ. մինչդեռ Սկուռըն ու Ոգին ընթանում էին փողոցով,
խոհանոցներում ճութնթացող կրակը, հիւրանոցների ու միւս
սենեակների լոյսը — հրաշալի էր: Մի տեղ երբորնս բոցը լուսա-
ւորում էր խորթելի ճաշի պատրաստութիւնները, թէ ինչպէս էին
կրակի առաջ տաքացնում պնակները, իսկ կարմիր, ծանր վարա-
գոյրները պատրաստում էին ընկնելու ու սենեակն ապահովե-
լու զբոսի ցրտից ու խաւարից: Մի ուրիշ տեղ տան բոլոր մա-
նուկները դուրս էին թափուած ձիւնի տակ, իրանց ամուսնա-
ցած քոյրերին, եղբայրներին, հօրեղբայրներին, մօրեղբայրնե-
րին, հօրաքոյրերին և այլ ազգականներին՝ առաջինը դիմաւո-
րելու: Մի տեղ, կրկին, հաւաքուած հիւրերի ու բուրականներն
էին նկարում պատուհանների վարագոյրների վրայ, մի ուրիշ
տեղ մի խումբ սիրուն աղջկերք տաք հագնուած, ամենքը
միասին չութվաթալով ու թովուալով հարևանի տունն էին անցը-
նում. և վա՛յ ամուրի մարդուն, որ կը պատահէր այդ կարմրա-
թշիկ շարածճի հրեշտակներին:

Բարեկամների տներ գնացող այս բազմաթիւ խմբերը
տեսնելով — մարդ կարծում է, թէ տներում այլևս մարդ չի լի-
նելու մնացած, որ այս եկող հիւրերին բարի գալուստ մաղթի,
մինչդեռ ամենմի տան բոցկող վառարանի մօտ շրջան կազմած
սպասում էին հիւրերին: Օրհնեալ լինին. ինչ բերկրանք էին
պատճառում Ոգուն. նա, կուրծքը բաց, սաւառնում էր բազ-
կատարած, և մեծահոգաբար տարածում հօր ձեռքով իր լոյսն
ու անմեղ ուրախութիւնը ամենուրեք: Մինչև անգամ փողոց-
ների լապտերները վառողը, որ առաջ էր վազում, մութ փողո-
ցը վարդարելով լոյսի բծերով և զուգուած էր ու երկի հիւր
էր գնալու այս երեկոյ. Ոգուն հանդիպելով՝ բարձրաձայն ծի-
ծաղեց, թէպէտ զգում էր, որ բացի Ծննդից, ուրիշ ընկեր
չունի:

Եւ յանկարծ՝ առանց նախազգուշացնելու նոյնիսկ մի
խօսքով՝ Ոգին կանգ առաւ մի մտայլ ու անապատ ճանճի մէջ,
որ լիքն էր անտաշ քարերի հրէշաւոր կտորներով, կարծես
հսկաների գերեզմանատուն լինէր, և ջուրը հոսում էր իր ու-
զած տեղից կամ, եթէ որևէ տեղից չէր հոսում, սառնամանիքն
էր պատճառը, որ սառցրել, կաշկանդել էր նրան: Եւ բացի
մամոնից, տատակից և վայրի խոտից՝ ոչինչ չէր բնում այդ-
տեղ: Արևմուտքում՝ արևի մայր մտած տեղը՝ մի կաս-կար-
նոյնքեր, 1904.

մի ր շերտ էր մնացել, որ այդ ամայութեան վրայ բոպէական պայծառ հայեացք գցեց, ապա՝ հետզհետէ մոայլելով, կորաւ խաւարչտին գիշերուայ մթութեան մէջ:

— «Այս ի՞նչ տեղ է», հարցրեց Սկոուշը:

— «Այստեղ են ապրում այն բանուորները, որոնք աշխատում են ստորերկրեայ հանքերում», պատասխանեց Ուզին: «Մա-կայն, տես, սրանք էլ են ճանաչում ինձ»:

Մի խրճթի պատուհանից լոյս երևաց և նրանք շտապով դէպի լոյսը դիմեցին: Քար ու ցեխից շինած մի պատի միջով անցնելով, նրանք մի ուրախ խումբ գտան բոցկլտացող կրակի շուրջը հաւաքուած: Մի զտամեալ ծերունի ու մի պառաւ, իրանց որդոց, թոռների ու ծոռնիկների հետ բոլորն էլ զարդա-րուած իրանց ամենալաւ տօնական զարդերով: Ծերուկը, որի ձայնը խլանում էր յաճախ քամու շտապից այս ամայի անա-պատում, Ծննդեան երգ էր երգում իր թոռնիկների համար: Հի-նաւուրց երգ էր դա, մանկութիւնից սովորած և ամբողջ խում-բը արձագանգ էր տալիս տեղ-տեղ խմբովին: Հէնց որ թնդում էր խմբի ձայնը, ծերուկը ոգևորւում էր ու բարձրացնում ձայ-նը, և հէնց որ խումբը լռում էր, նրա ձայնն էլ էր մարում:

Ուզին այգտեղ մնացողը չէր. նա պատուիրեց Սկոուշին բռնել իր փէշքը և պատի միջից անցնելով դիմեց—բայց ուր: Ծովը չէր, արդեօք: Հէնց այդ էր: Յետ նայելով, Սկոուշը զարհուրեց. ցամաքը վերջանում էր մի շարք սարսափելի ժայ-ռերով, որ իրանց քամակն էր մնացել: Ալիքների որոտը խլա-ցնում էր նրա ականջները. ծովը գոռում, ալիկոծում, փոթոր-կում էր իր յորձանքներով փորոտած զարհուրելի այրերի մէջ և աշխատում էր տակնուվրայ անել երկիրը:

Ծովափից մի քանի մղոն հեռու, մի ցած ու ամայի ժայ-ռի վրայ, որ տարին տասներկու ամիս հեղհեղում էր ալիքնե-րով,—մի մենաւոր փարոս կար: Նրա հիմքը ծածկուած էր ծո-վախտի խուրճերով, իսկ ծովային թռչունները (կարծես հողմի ծնունդ, ինչպէս որ ծովախոտը ջրի ծնունդ է) վերուվար էին անում ալիքների նման, որոնց փրփուրն էին ուզում քաշել, կարծես, իրանց թևերով:

Եւ նոյնիսկ այստեղ, փարոսին հսկող երկու պահապանը կրակ էին արել, որ հաստ պատի լուսամտից գցում էր իր փայլը անուելի ծովի վրայ: Մէկը միւսի կողմ ձեռքը սեղմելով անտաշ սեղանի վրայ նրանք ուրախ Ծնունդ մաղթեցին մի-մեանց մի թաս արագով և նրանց մէջ տարիքով մեծը, որի գէմքը հին նաւի գլուխը զարդարող փայտաշէն գէմքի նման

պլովուած ու մաշուած էր եղանակի խստութիւնից, մի կոպիտ երգ սկսեց, որ մի ներքին փոթորիկ էր կարծես:

Կրկին Ուզին սլացաւ խաւար ու փոթորկալից ծովի վրայ հեռու-հեռու, ինչպէս ասաց Սկոուշին, շատ հեռու որևէ ցամա-քից և նրանք կանգ առան մի նաւի վրայ: Մօտեցան նաւաս-տիներին ու տասնապետներին. կարծես մոռյլ ուրուականներ լինէին ամենմէկը իր տեղում. բայց նրանցից ամենմէկը մի Ծննդեան երգի եղանակ էր մոմոում, կամ միտք էր անում Ծննդեան մասին, կամ անցած-գնացած Ծննդեան տօնի մասին մի պատմութիւն էր փոփոտում իր ընկերոջը, իսկ ուշ ու միտքը իրա օջաղումն էր: Եւ նաւի վրայ ամեն մարդ՝ քնած թէ ար-թուն, բարի թէ չար, աւելի այս օրը, քան թէ տարուայ որևի-ցէ օր, մի բարի խօսք էր գտնում ուրիշի համար. և ամեն մէ-կը ըստ կարելոյն տօնում էր այդ օրը. յիշում էր հեռուում գտնուող սիրելիներին և զիտէր, որ նրանք էլ իրան են յիշում սիրով:

Սկոուշը ականջ էր դնում քամու շտապին և մտածում էր, թէ որչափ հանդիսաւոր բան է եղել սլանալ անապատ մը-թութեան մէջ անյայտ անդունդների վրայ, որոնք Մահի չափ խորհրդաւոր ու խորն են. և որքան մեծ էր նրա զարմանքը, երբ յանկարծ մի կուշտ ծիծաղի ձայն հասաւ նրա ականջին: Նրա զարմանքը աւելի ևս սաստկացաւ, երբ նա ճանաչեց, որ այդ իր քրոջ որդու ծիծաղն էր, իսկ ինքն էլ գտնուում է մի լուսաւոր, չոր, ուրախ սենեակում, Ուզին էլ իրա կողքին ժրպ-տերես նայում է այդ քրոջ որդուն խրախուսիչ փաղաքշանքով:

— «Հա, հա», ծիծաղում էր Սկոուշի քրոջ որդին. «հա, հա, հա...»

Եթէ բախտի բերմամբ դուք մի որևէ տեղ պատահած կաք մէկին, որ Սկոուշի քրոջ որդուց աւելի կուշտ ծիծաղ ունի, կարող եմ ասել, որ կ'ուզենայի տեսնել այդ մարդուն: Ծանօ-թացրէք ինձ նրա հետ, որ նրա ամենալաւ բարեկամը դառ-նամ:

Աշխարհիս սիրուն ու աղնիւ կարգերից մէկն էլ այն է, որ եթէ ցան ու վիշտը վարակիչ են, աւելի ևս անդիմադրելի վարակիչ են ծիծաղն ու ուրախութիւնը: Մինչդեռ Սկոուշի քրոջ որդին թուրանում էր ծիծաղից, կողքերը բռնում, գլուխը պտտացնում ու երեսը ծոմոում ամենաօտարոտի ձևերով,—նրա կէնն էլ էր ծիծաղում ամուսնու նման կուշտ-կուշտ: Նրանց ժօտ հաւաքուած բարեկամներն էլ յետ չէին մնում ու հուռում էին բարձրաձայն:

— «Հա, հա: Հա, հա, հա»:

—«Նա ասաց, թէ դատարկ բան է Ծնունդը. իմ արևա»,
գոչեց Սկոուլի քրոջ որդին: «Եւ դեռ համողումս էլ է...»

—«Մեծ ամօթ նրան, Ֆոեդ», ասաց կինը վրդովուած:
Օրհնեալ լինին կանայք. նրանք երբէք կիսատ բան չեն անում:
Ամեն բան ծայրայեղութեան են հասցնում:

Տիկինը շատ սիրուն էր, անչափ սիրուն... Հրաշալի դէմ-
քի արտայայտութիւնը—մի բիշ, կարծես, զարմացած, թըշե-
րին—փոսիկներ, փոքրիկ, վարդագոյն բերանը, որ կարծես
համբոյրների համար էր ստեղծուած, անկասկած քիչ չէր համ-
բուրում: զանազան սիրուն փոքրիկ փոսիկներ նրա ծնօտի
վրայ, որ ծիծաղելիս խառնուում էին իրար. և մի գոյգ արե-
զակնափայլ աչք, որոնց նմանը, երևի, երբէք չէր տեսել մի
ուրիշ սիրուն գլխի վրայ: Առհասարակ մի հրապուրիչ և սա-
կայն հանգստացնող արարած: Օ՛հ, կատարելապէս հանգստա-
ցնող:

—«Բանն այն է, որ մի զարմանալի ծերուկ է նա», ասաց
Սկոուլի քրոջ որդին. «և այդպիսով ընկնում է ամենքի աչքից:
Այնուամենայնիւ նրա վատութիւնը աւելի իրան է մնում և ես
սրտուս ոչինչ չունեմ նրա դէմ»:

—«Հաւատացած եմ, որ շատ հարուստն է», ընդհատեց կի-
նը: «Դո՛նէ դու մեշտ այդպէս ես ասում»:

—«Որ թ՛նչ, սիրելիս», ասաց Սկոուլի քրոջ որդին: «Նա
ոչ մի օգուտ չի քաղում իրա հարստութիւնից: Ո՛չ մի բարի
գործ չի անում: Նոյնիսկ սեփական անձի յարմարութիւննե-
րին չի ծառայեցնում: Նոյնիսկ այդ հարստութիւնը մի օր մ՛նզ
թողնելու միտքը - հն, հն, հն—չի մխիթարում նրան»:

—«Համբերութիւն չունեմ», նկատեց Սկոուլի քրոջ որդու
կինը: «Վերջինիս քոյրերը և ուրիշ տիկիները նոյն կարծիքը
յայտնեցին»:

—«Օ՛հ, իսկ ես ունեմ», ասաց Սկոուլի քրոջ որդին: «Ես
վշտանում եմ նրա համար և չեմ կարողանալ նրանից, եթէ
ուզենամ էլ: Ո՞վ է նրա բնութիւնից վնասողը:—Ի՛նքը, միշտ
ինքը: Օրինակ, նա մտցրել է իրա գլուխը՝ չսիրել մեզ և չի
զալիս մեզ հետ ճաշելու: Հետևանքը: Հէնց ինքն է զրկում այս-
պիսի ճաշից»:

—«Իսկապէս ես կարծում եմ, որ նա մի շատ լաւ ճաշից
է զրկում», ընդհատեց կինը: Ամենքն էլ նոյնը կրկնեցին, ո-
րովհետև հէնց նոր էին վերջացրել ճաշը և ճրագը վառած,
խմբուել էին վառարանի մօտ, քաղցրեղէնի սեղանի շուրջը:

—«Լաւ, շատ ուրախ եմ», ասաց Սկոուլի քրոջ որդին,

«որովհետև ես շատ էլ բարձր կարծիք չունեմ այս ջահիլ տըն-
տեսուհիների մասին: Դո՛ւք ինչպէս, Տոպեո»:

Տոպեոը, որ աչքը գցել էր Սկոուլի քրոջ որդու քնինե-
րից մէկի վրայ, պատասխանեց, թէ ամուրի մարդը մի այն-
պիսի թշուառական է, որ իրաւունք չունի այդ հարցի մասին
կարծիք յայտնելու: Այդ խօսքերի վրայ քնիններից մէկը (այն
փափրիկը, օձիքը ժանհակներով զարգարածը և ոչ այն, որ
վարդերով էր զարգարած) շիկնեց:

—«Շարունակիր, Ֆոեդ», ասաց կինը ծափահարելով:
«Զարմանալի մարդ, երբէք չի վերջացնում սկսած խօսքը»:

Սկոուլի քրոջ որդու ծիծաղը կրկին բռնեց, և որովհետև
անհասար էր գերծ մնալ նրա վարակիչ ազդեցութիւնից, թէպէտ
փափրիկ քնինն շատ էր աշխատում հօտուէտ քաղախով զսպել
իրան, ամենքն էլ հետեցին նրա օրինակին:

—«Ուզում էի ասել», ասաց Սկոուլի քրոջ որդին, որ նը-
րա մեզ հետ չհաշտուելու հետևանքը այն է, ինչպէս ես կար-
ծում եմ, որ զրկում է միքանի բոպէ մեզ հետ զուարճանալուց,
որից նա երբէք վնաս չէր քաշի: Հաւատացած եմ, որ իր մը-
ռայլ մտքերից, խոնար գրասենեակից, փոշոտ սենեակից աւե-
լի զուրեկան ընկերներ կը գտնէր այստեղ: Ես մտադիր եմ
ամեն տարի հրաւիրել նրան, որովհետև խղճում եմ նրան. իսկ
գալն ու չգալը իրա բանն է: Թող մինչև իր մահը հայհոյի
նա ինձ Ծնունդ օրը, բայց հօ նա չի կարող մտածել, թէ լաւ
բանի է: Ես չեմ վախենում և տարեցտարի, լաւ տրամադրու-
թեամբ դնալու եմ մօտն ու ասելու. «Ի՛նչպէս ես, քեռի Սկոուլ»:
Եթէ երբեիցէ այդպիսով նրա տրամադրութիւնը փոխուի և
նա տանեհինդ ֆոնտ աւելացնի իր գրագրի ոտձկի վրայ,—
այդ էլ մի բան է, և կարծում եմ որ երեկ ազդեցի նրա վրայ»:

Այժմ միւսների հերթն էր ծիծաղելու նրա վրայ, որ խօ-
սում էր Սկոուլի վրայ «ազդելու» մասին: Բայց՝ ի բնէ բարե-
բարոյ լինելով և շատ էլ ուշադրութիւն չզարձնելով թէ ինչի՞
վրայ են ծիծաղում, որովհետև առհասարակ ամեն բանի վրայ
ծիծաղում էին, նա խրախուսում էր նրանց ուրախութիւնը,
խմիչքի շիշը առաջարկելով հիւրերին ուրախ-ուրախ:

Թէյից յետոյ մի քիչ երաժշտութեամբ զբաղուեցին: Ե-
րաժշտասէր ընտանիք էր, որ վարժ էր թէ խմբական ուրախ
և թէ եկեղեցական երգեր երգելու: Կարող եմ հաւատացնել ձեզ.
մանաւանդ Տոպեոը, որ շատ բամբ ճայն ունէր, սակայն ոչնրա
ճակատի երակներն էին ուղղւում և ոչ էլ երեսն էր կարմրում: Սկոու-
լի քրոջ որդու կինը լաւ տաւիղ էր ամուս. իմիջի այլոց նա նուա-
գից մի եղանակ էլ (մի դատարկ բան, որ երկու բոպէում կա-

րող էք սովորել ու սուլել): Անցեալ Ծննդեան Ոգին յիշեցրեց Սկոուշին որ այդ այն երեխայի սիրած եղանակն է, որին ուղարկում էին փոքրիկ Սկոուշին գիշերօթիկ ուսումնարանից տուն բերելու: Երբ որ այդ եղանակը հնչեց, Սկոուշը յիշեց Ոգու ցոյց տուած անցեալը, նա աւելի կակղեց ու մտածեց, որ եթէ յաճախ լինէր լսած այդ եղանակը տարիներ առաջ, նա իր բարի կենցաղով կարող էր բախտաւորուած լինել իր սեփական ձեռքով և կարիք չէր ունենալ հանգուցեալ Յակոբ Մառլէյին գերեզմանից դուրս բերելու:

Մակայն ամբողջ երեկոն երաժշտութեան չնուիրեցին: Մի քիչ յետոյ նրանք սկսեցին Փանտ խաղալ. և լաւ բան է երբեմն երեխայութիւն անելը նամանաւանդ Ծննդեան տօնին, որ յիշեցնում է Մեծ-Մանկան երեխայութիւնը: Ներողութիւն, առաջ սկսեցին աչքակապուկի խաղալ: Այս, աչքակապուկի: Բայց Տոպեոի աչքերի կապ լինելուն ես նոյնքան կը հաւատամ, որքան դուք կը հաւատաք՝ թէ նրա աչքերը կօշիկների մէջն էին: Իմ կարծիքով Սկոուշի քրոջ որդու հետ նախօրօք պայմանաւորուած էր և Ներկայ Ծննդեան Ոգուն անյայտ չէր այդ խորամանկութիւնը: Ժանեակաւոր շալով չաղլիկ քենուն յետամուտ լինելու ձևը—մարդկային դիւրահաւատութեան կատարեալ անարգանք էր: Ոսնատակ տալով կրակի ունելիքները, աթոռների վրայով թռչկոտելով, ընդհարուելով դաշնամուրին, վարագոյրների մէջ շփոթուելով, նա ամեն տեղ հետևում էր օրիորդին: Նա միշտ գիտէր թէ օրտեղ է չաղլիկ քենին և ուրիշ ոչոքի չէր ուզում բռնել: Ոմանք դիտմամբ ընկնում էին նրա գիրկը, իսկ նա ձևացնում էր, թէ աշխատում է դրանց բռնելու սակայն պարզապէս ամենքից խուսափելով, իսկոյնսեթ չաղլիկ քենու յետևիցն էր ընկնում: Օրիորդը յաճախ բողբօում էր և արդարացի, որովհետև այդ չի ազնիւ խաղի կարգը: Որքան էլ աշխատում էր օրիորդը աննկատելի սլլուել, այնուամենայնիւ վերջապէս բռնուեց: Տոպեոը նրան մի այնպիսի անկիւն գցեց, որ այլևս ոչ մի ելք չկար. այդտեղ դատապարտելի էր Տոպեոի վարժուէրը: Նրա պատճառաբանութիւնը, թէ իբր չի ձանաչում, թէ իբր պիտի շօշափի նրա գլուխը, և իբր թէ հաստատապէս որոշելու համար թէ ո՞վ է բռնուածը, նա պիտի շօշափի նրա որոշ մատի մատանին ու նրա պարանոցի մանեակը, — այս բոլոր խորամանկութիւնները հրէշաւոր ստորութիւններ էին: Անկասկած օրիորդը յայտնեց իր կարծիքը դրա մասին, երբ արդէն մի ուրիշն էր հրապարակ եկել աչքերը կապ, իսկ այս գոյգը վարագոյրների բաժակին գրոյց էր անում առանձին նացած:

Սկոուշի քրոջ հարսը չէր մասնակցում աչքակապուկի խաղին. նա նստած էր մի ընդարձակ բազկաթոռի մէջ, մի մենաւոր անկիւնում, ուր որ կանգնած էր Սկոուշն էլ Ոգու հետ միասին: Բայց Փանտախաղին մասնակցեց և սիրախաղի մէջ այբուբենի ամենմի տառով սկսուող յարմար խօսք գտնելու վարժութեամբ—ամենքին զարմացրեց: Նոյնպէս «էբբ, ուր և ինչպէս» խաղում նա շատ ղոչաղն էր և Սկոուշի քրոջ որդուն մեծ զուարճութիւն էր պատճառում, իր քոյրերին գերազանցելով. թէպէտ նրանք էլ պակասը չէին, եթէ Տոպեոին հարցընէինք: Այդտեղ մօտ քսան մարդ կը լինէր ջանիլ ու ծեր և ամենքն էլ խաղում էին. Սկոուշն էլ մեծ հետաքրքրութեամբ մասնակցում էր խաղին, մոռանալով որ նրա ձայնը չէր հասնում նրանց ականջին, նա շատ անգամ բարձրաձայն արտասանում էր գտած խօսքը և յաճախ ճիշտ էր լինում նրա գլխածը, որովհետև ամենասուր փշից էլ սուրն էր Սկոուշի միտքը, թէպէտ զինքը բթամտութեան էր տուել:

Ոգին գոհ էր Սկոուշի տրամադրութիւնից և այնպիսի սիրով էր նայում նրան, որ վերջինս երեխայի նման սկսեց թոյլտուութիւն խնդրել՝ մնալ մինչև հիւրերի մեկնելը: Բայց Ոգին չէր համաձայնում:

—«Էլի մի խաղ», ասաց Սկոուշը. «մի կէս ժամ, Ոգի, կէս ժամ միայն»: «Այո ու ոչ» անուանուած խաղն էր. Սկոուշի քրոջ որդին մի օրեէ բան էր մտածում, իսկ մնացեալը աշխարհում էին գտնել. բոլոր հարցերին նա միայն «այո» կամ «ոչ» էր պատասխանում ըստ հանգամանքի: Հարցերի անընդհատ տարափի ենթարկելով, խոստովանեցրին նրան, որ մի կենդանու մասին է մտածում. մի անախորժ, վայրենի կենդանու, որ երբեմն մըթմըթում է, երբեմն խօսում, ապրում է Լոնդոնում, ման է գալիս փողոցներում, նրան ման չեն ածում ցոյց տալու համար. նա գազանանոցում չի ապրում. մորթից ցոյց տալու համար. ոչ մի է, ոչ է, ոչ է, ոչ կով, ոչ գուռ, ոչ վագր, ոչ շուն, ոչ խոզ, ոչ կատու, ոչ արջ: Ամեն ուր հարցի վրայ, նորից բռնում էր նրա ծիծաղը. վերջապէս այնպէս թուլացաւ ծիծաղից, որ, տեղիցը վերկենալով սկսեց ոտները թափահարել:

Վերջապէս չաղլիկ քենին էլ ծիծաղից թուլանալով, գոչեց. — «Գտել եմ, դիտեմ ով է այդ, Ֆոսեդ, դիտեմ ով է»: — «Ո՞վ է, ապա», գոչեց Ֆոսեդը: — «Քեռիդ, Սկոուշը»: չէնց այդ էր իսկապէս: Ամենքը հիացած էին, թէպէտ ումանք սկստեցին, թէ երբ հարց տուին, թէ «արջ հօ չի»,

հարկաւոր էր պատասխանել «այո»։ Բացասական պատասխանը նրանց ուշադրութիւնը հեռացնում էր այ՛ Սկոուշից, մինչդեռ նրանք բանիցս մտածել են նրա մասին։

—«Անչափ դուարձութիւն պատճառեց նա մեզ», ասաց Ֆոնդը, «երախտամոռութիւն կը լինի նրա կենացը չխմելը։ Ահա մի շիշ պատրաստ զլինովէյն և ես առաջարկում եմ ընդի Սկոուշի կենացը»։

—«Լաւ, քեռի Սկոուշի կենացը», գոչեցին նրանք։

—«Ուրախ Ծնունդ ու բարի կաղանդ եմ ցանկանում ձերուկին, ինչեիցէ», ասաց Սկոուշի քրոջ որդին։ «Նա չկամեցաւ այդ շնորհաւորութիւնները ընդունել ինձանից, այնուամենայնիւ ես բարեմաղթում եմ։ Իմ քեռի Սկոուշի կենացը»։

Քեռի Սկոուշի սիրտը աննկատելի կերպով լցուեց ուրախութեամբ և հաճոյքով. եթէ Ոգին ժամանակ տար նրան, նա ցանկութիւն ունէր իր կողմից պատասխանել միքանի ջերմ խօսքով, թէկուզ ոչ տեսնող և ոչ լսող կար նրան։ Բայց մի ազնիւ թարթում տեսարանը փոխուեց, հէնց որ նրա քրոջ որդին արտասանեց իր վերջին խօսքը. իսկ նա Ոգու հետ կրկին սլացաւ։

Շատ բան տեսան, հեռաւոր տեղեր ու բազմաթիւ մարդկանց այցելեցին և ամեն տեղից գոհ սրտով մեկնեցին։ Ոգին կանգ էր առնում հիւանդ մարդկանց անկողինների մօտ և նըրանք ուրախանում էին, դարիքները իրանց հայրենիքի կարօտն էին առնում, նեղութեան մէջ տառապողներին—յոյս էր ներշնչում, աղքատները—իրանց հարուստ էին զգում։ Անկեւանոցներում, հիւանդանոցներում, բանտերում, ամեն տեսակ թշուառութիւնների ապաստաններում՝ ուր որ ունայնամիտ մարդը իր անցաւոր իշխանութեամբ դուռը չէր փակել Ոգու վրայ, սա տանում էր իր օրհնութիւնը և Սկոուշին իր պատուիրաններն էր ուսուցանում։

Երկար գիշեր էր, եթէ միայն գիշեր էր այդ. բայց Սկոուշը կասկածում էր, որովհետեւ նրան թւում էր, թէ բոլոր Ծննդեան տօնները խտացել են այն ժամանակամիջոցի մէջ, որ նա անցրել էր Ոգու հետ։ Եւ, զարմանք բան. մինչդեռ Սկոուշը նոյնն էր մնացել, անփոփոխ այդ ժամանակամիջոցում, Ոգին մեծացել ու ակներև ձերացել էր։ Սկոուշը նկատել էր այդ փոփոխութիւնը, բայց խօսք չէր ասել դրա մասին մինչև մի մանկական խաղից մեկնելը, երբ մի բաց տեղ, աչք գցելով Ոգու վրայ, նկատեց, որ նրա մազերը ձերմակել են։

—«Մի՞թէ այդքան կարճ է Ոգինների կեանքը», հարցրեց Սկոուշը։

—«Իմ կեանքս երկրագնդի վրայ շատ կարճ է», պատասխանեց Ոգին, հէնց այս գիշեր խզուելու է նրա թեւը»։

—«Ա՛յս գիշեր», գոչեց Սկոուշը։

—«Հէնց այս գիշերուայ կիսին։ Այո, և մօտ է ժամը»։

Հէնց այդ բոպէին ժամացոյցի զանգը խփեց երեք քառորդ տասնութիւց անց։

—«Ներիւր համարձակութեանս», ասաց Սկոուշը, ուշադրութեամբ նայելով Ոգու շորին, «բայց ես մի օտարոտի և քեզ չպատկանող բան եմ նկատում փեշիդ տակից։ Ո՞տ է դա արդեօք, թէ թաթ»։

—«Վրայի մսին նայած, կարող էր դա մի թաթ լինել», տխրութեամբ պատասխանեց Ոգին։ «Նայիր»։

Փեշքի տակից նա երկու մանուկ հանեց. ողորմելի, զըղուելի, հրէշաւոր, սարսափելի։ Նրանք ընկան Ոգու ոտների մօտ և կախուեցին նրա փեշքերից։

—«Նայիր, օ մարդ։ Նայիր, նայիր ցած», գոչեց Ոգին։

Տղայ ու աղջիկ էին։ Դեղնած, նիհար, ցնցոտիներում կուրած, մոայլ, քաղցած ու ստորութեան չափ խոնարհ։ Ուր որ գեղածիժազ մատաղ հասակը պիտի փափկացրած լինէր նրանց դիմագծերը և ներկած իր թարմ գոյներով, մի չոր ու կոպիտ ձեռք (կարծես ձերութեանը) կնճռոտել, ճմլել ու խեղաթիւրել էր։ Ուր որ հրեշտակներ պիտի լինէին բազմած—գլեերն էին բոյն դրել և սպառնալից հայեացքներ գցում այսուայն կողմ։ Ոչ մի դիպուած, ոչ մի անարգութիւն, ոչ մի մարդկային մեղք, ոչ մի կերպ չէր կարող առաջացնել հրէշներ, որ սրանց կիսի չափ զըղուելի ու զարհուրելի լինէին։

Սկոուշը՝ սարսափած՝ յետ քաշուեց։ Այս ամենից յետոյ նա աշխատեց ասել՝ «Բնչ սիրուն երեխերք են», բայց այդ խօսքերը նրա բկումը մնացին և նա չկարողացաւ այդ աստիճանի պոզաւոր սուտ ասել։

—«Բ՛նն են դրանք, Ոգի», կարողացաւ միայն արտասանել Սկոուշը։

—«Մարդկանցն են», ասաց Ոգին ցած նայելով նրանց վրայ։ «Եւ նրանք կպչում են ինձ, բողբոջելով իրանց հայրերի դէմ։ Այս տղան տգիտութիւնն է, իսկ աղջիկը—աղքատութիւնը։ Զգուշացիր այդ զոյգից և դրանց նմաններից. ես առաւել զգուշացիր այս տղայից, որովհետեւ անէ՛ք է դրոշմուած նրա ճակատին, եթէ միայն ջնջուելու չլինի այդ դրոշմը։ Մի համաձայնուիր ինձ հետ», գոչեց Ոգին, ձեռքը դէպի քաղաքը մեկնելով։ «Բամբասիր նրանց, որոնք համաձայն են ինձ հետ»։

Դու այդպէս վարուի՛ր, ղեկավարուելով քո չնչին հաշիւներովդ աւելի վատ քեզ համար: Վերջը կը տեսնեք»:

— «Ոչ մի ապաստան կամ միջոց չունեն գրանք», գոչեց Սկոուշը:

— «Բանտեր չկան», ասաց Ոգին, վերջին անգամ դարձընելով նրան իր սեփական խօսքերը: «Աշխատանքի տներ չկան: Զանգը տասներկուսը խփեց:

Մէկ էլ Սկոուշը բարձրացրեց աչքերը, բայց Ոգին չկար այլևս: Երբ որ մարեց վերջին հարուածի արձագանգը, նա յիշեց ծեր Մաուէյի գուշակութիւնը և, աչքերը բարձրացնելով, տեսաւ մի հանդիսաւոր երևոյթ, որ ոտքից մինչև գլուխ քողարկուած, մօտենում էր նրան, երկրի վրայ տարածուող մառախուղի նման:

Չ Ա Ր Լ Զ Դ Ի Կ Ե Ն Զ Ի

Ծ Ն Ն Դ Ե Ա Ն Ա Ր Ձ Ա Կ Ե Ր Գ Ե Ր Ի Ց *

Թարգմանեց բնագրից Մխիթար Տէր-Անդրէասեանց

Գլուխ Դ.

Ո Գ Ի Ն Ե Ր Ի Ց Վ Ե Ր Զ Ի Ն Ը

Կամացուկ, հանդարտ ու լռելիայն երևոյթը մօտեցաւ: Երբ կանգնեց նրա մօտ, Սկոուշը չոքեց նրա առաջին, որովհետև նոյնիսկ այս Ոգուն շրջապատող օդը, կարծես, խորհրդաւոր խաւար էր տարածում:

Նա փաթաթուած էր մի մուգ—սև շորի մէջ, որ ծածկում էր նրա գլուխը, դէմքը, մարմինը: Երևում էր միայն մի մեկնաձ ձեռք, որ այդ շորից դուրսն էր մնացել: Առանց դրան դժուար կը լինէր տեսնել նրան մութի մէջ, կամ ջոկել շրջապատող խաւարից:

Նա զգաց, որ մի հսկայ բան է մօտեցել իրան և նրա խորհրդաւոր ներկայութիւնը հանդիսաւոր երկիւղով լցրեց իր սիրտը: Աւելի ոչինչ չգիտէր նա, որովհետև Ոգին ոչ խօսում էր և ոչ շարժում:

— «Դալիք Ծննդեան Ոգին էս դու», հարցրեց Սկոուշը:

Ոգին չպատասխանեց, միայն ձեռքը մեկնեց առաջ:

— «Դու այն բաների ստուերն էս ցոյց տալու ինձ, որ զեռ տեղի չեն ունեցած, բայց ապագայում պիտի տեղի ունենան», շարունակեց Ոգին: «Այդպէս չի, Ոգի»:

Հանդերձի վերին մասը ծալժլտուեց մի վայրկեան, կարծես Ոգին խոնարհեցրեց գլուխը: Այդ էր Սկոուշի ստացած միակ պատասխանը:

*) Տես «Մուրճ», № 11.

Թէպէտ այս վերջին ժամանակս Սկոուշը բաւականին ընտելացել էր Ոգիներին, բայց այդ համր երևոյթը այնպէս վախեցրեց նրան, որ նրա ոտները սկսեցին դողալ և երբ որ պատրաստուեց հետևելու Ոգուն, զգաց, որ դժուար թէ կարողանայ ոտի վրայ մնալ: Ոգին մի րոպէ կանգ առաւ, կարծես, նրա դրուժիւնը նկատելով, ուզում էր միջոց տալ նրան ուշքի գալու:

Իսկ Սկոուշի բանը դրանով աւելի ևս վատացաւ: Մի անորոշ սարսափով նա գուշակեց, որ այդ մտայլ ամպի միջից երկու ոգեղէն աչքի հայեացք է յառած իր վրայ, մինչդեռ ինքը, ինչքան էլ լայն է բաց անում աչքերը, ոչինչ չի կարողանում շոկել խաւար զանգուածի միջից, բացի ոգեղէն ձեռքից:

— «Սպագայի Ոգի», գոչեց նա, «իմ տեսած ոգիներին մէջ ամենից շատ քեզնից եմ սարսափում: Բայց որովհետև ես յոյս ունիմ այսուհետև բոլորովին ուրիշ կերպ ապրել և ուրիշ մարդ դառնալ,—պատրաստ եմ երախտապարտ սրտով կրել ներկայութեանդ ծանրութիւնը: Դու չե՞ս խօսելու ինձ հետ»:

Պատասխան չկար: Չեոքը ուղիղ դէպի առջ չէր մեկնած:

— «Առաջնորդիր ինձ», ասաց Սկոուշը: «Տար ինձ: Գիշերը շուտ է անցնում, և ժամանակը թանգ է ինձ համար, գիտեմ: Տար ինձ, Ոգի»:

Երևոյթը ինչպէս որ եկել էր, այնպէս էլ սկսեց հետանալ: Սկոուշը հետևում էր նրա հանդերձի ստուերի միջով, որ կարծես նրան բարձրացնում ու տանում էր հետը:

Հազիւ թէ նրանք քաղաքը մտան, աւելի դուրս քաղաքը մտնեցաւ ու նրանց իր մէջն ամփոփեց: Ինչ և իցէ, նրանք քաղաքի սրտի մէջն էին արդէն, բոլրսայում, վաճառականների շրջանում, որոնք տակնուվրայ էին լինում և փողի զընդզընգոց հանում իրանց քսակներէից, խմբերով խօսակցում, նայում իրանց ժամացոյցներին, մտամոլոր խաղում իրանց անհազին ոսկէ կնիքներով և այլն և այլն, ինչպէս որ տեսել էր յաճախ Սկոուշը:

Ոգին կանգ առաւ «գործի մարդկանց» մի փոքրիկ խումբակի մօտ: Սկոուշը, նկատելով, որ Ոգու ձեռքը դէպի այդ խումբն է մեկնած, մտնեցաւ որ ականջ դնի նրանց խօսակցութեանը:

— «Ոչ», ասաց մի խոշոր, չաղ մարդ, հրէշաւոր կզակով: «Մի առանձին բան չգիտեմ նրա մասին: Գիտեմ միայն որ նա մեռել է»:

— «Ե՞րբ է մեռել», հարցրեց մի ուրիշը:

— «Կարծեմ, այս գիշեր»:

— «Բ՛ն, ի՞նչ է պատճառը», հարցրեց երրորդը, իր ընդարձակ ծխախոտի ամանից բաւականին ծխախոտ հանելով: «Ես կարծում էի, թէ նա երբէք չի մեռնելու»:

— «Աստուած գիտի», ասաց առաջինը յորանջելով:

— «Ի՞նչ արաւ, տեսնենք, իր կարողութիւնը», հարցրեց մի կարմիր երեսաւոր՝ պարոն, որի քթի ծայրին մի կտոր աւելամիս կար կախ, որ օրօրում էր, հնգուհաւի կատարի կարմիր մսի նման:

— «Չեմ լսել», ասաց լայնակզակ մարդը կրկին յորանջելով: «Գուցէ ընկերութեանն է թողել: Այնքանը գիտեմ, որ ինձ չի թողել»:

Այս հանարը ընդհանուր ծիծաղով ողջունուեց:

— «Երևի թաղումը շատ հասարակն է լինելու», ասաց նոյն պարոնը. «որովհետև կեանքումս նրա մօտ գնացող-եկող մարդ չեմ տեսել: Եկէք մինք մի խումբ հաւաքուենք, գնանք»:

— «Ես հակառակ չեմ, եթէ հոգեհաց է լինելու», նկատեց այն պարոնը, որի քթի վրայ աւելամիս կար: Իսկ եթէ քելեխ չլինի, ես գնացող չեմ»:

Կրկին ծիծաղ:

— «Բանից դուրս է գալիս որ ձեր մէջ ամենամանջահասէրը ես եմ եղել», ասաց առաջին խօսողը, «որովհետև ես երբէք ոչ սև ձեռնոց եմ հագնում, ոչ էլ քելեխ եմ ուտում: Այնուամենայնիւ ես առաջարկում եմ գնալ, թէ կ'ուզէք: Որ միտք եմ անում, դուրս է գալիս, որ նրա ամենամօտ բարեկամը ես եմ եղել, որովհետև երբեմն իրար հանդիպելիս կանգ կ'առնէինք ու մի երկու խօսք կատէինք: Յտեսութիւն, ցը՛»...

Սօսողներն ու ականջ դնողները ցրուեցան և ուրիշ խումբերի խառնուեցան: Սկոուշին ծանօթ էին դրանք, այդ պատճառով հարցական հայեացք զցեց Ոգու վրայ, այդ խօսակցութեանց բացատրութիւնը խնդրելով:

Երևոյթը դուրս սահեց մի փողոց ու մատով ցոյց տուեց իրար հետ զրոյց արող երկու մարդու: Սկոուշը կրկին ականջները սրեց, յուսալով իր ուզած բացատրութիւնը սրանցից կ'մանալ:

Սրանց էլ նա շատ լաւ էր ճանաչում: Շատ հարուստ ու ազդեցիկ գործի մարդիկ էին: Նա իր պարտքն էր համարում միշտ աշխատել այդ մաքողական աչքում բարձր պահել իրան «գործի մարդու» տեսակէտից. միմիայն այդ տեսակէտից, իհարկէ:

— «Ի՞նչպէս էք», ասաց մէկը:

—«Դուք ինչպէս», պատասխանեց միւսը:

—«Լաւ եմ», ասաց առաջինը: «Քեօփագը պրծմաւ, հա...»

—«Ասում են», պատասխանեց երկրորդը: «Ի՞նչ ցուրտ է...»

—«Ժամանակն էլ է ցրտի, Ծ՛ննդեան տօներին էլ ցուրտ չլինի: Դուք էլ, հօ, սառցի վրայ սահողներինցը չէք»:

—«Ո՛չ, ոչ, իհարկէ. էլ բան ու գործ չունենմ: Յտեսութիւն»:

Էլ ոչ մի խօսք: Դրանով էլ վերջացաւ նրանց խօսակցութիւնն ու նրանք հեռացան իրարից:

Առաջ մի տրամադիր էր զարմանալու, որ Ոգին կարեորութիւն է տալիս այդպիսի, ըստ երևոյթին, գոհնիկ խօսակցութիւններին. բայց՝ ինքեքուստ համոզուած՝ որ այստեղ մի որևէ անյայտ խորհուրդ պիտի լինի, մտքի տակ ընկաւ, թէ ո՞րն է, արդեօք, այդ խորհուրդը: Դժուար թէ մի որևէ առնչուած լինէր նրա վաղեմի բարեկամ Յակոբի մահուան հետ, որովհետև այդ անցած բան էր, իսկ այս Ոգու բանը ապագայի հետ էր: Ոչ էլ նրա մօտ ծանօթներից որևէ մէկին կարող էր վերաբերուել այդ խօսակցութիւնը: Սակայն անկասկած էր մի բան. ո՛ւմ էլ վերաբերուելու լինէր, սակայն իրա համար այդտեղ մի խորհուրդաւոր խրատ կար: Նա վճռեց մտաբերել ազանջին հասած խօսքերը, տեսած բաները, առանձին ուշք դարձնել իր սեփական ուրուականի վրայ, երբ նա կ'երևայ, և յոյս տնէր այդպիսով հեշտութեամբ գտնել հանելուկի բանալին:

Նա իր հայեացքը ուղղեց հէնց այն անկիւնը, ուր որ առհասարակ կանգնում էր ինքը, բայց մի ուրիշ մարդ էր կանգնած նրա սովորական տեղում և թէպէտ ժամացոյցի սլաքը՝ նրա այդտեղ լինելու ժամն էր ցոյց տալիս, բայց իրան նմանող ոչոքի չէր գտնում ներս խուժող բազմութեան մէջ: Սակայն այդ շատ էլ չզարմացրեց նրան, որովհետև նա իր մըտքումը վճռել էր փոխել իր կեանքի եղանակը. մտածում էր ու յոյս գնում, թէ անհայտաբար կատարուած է նրա նոր-կեանք սկսելու խորհուրդը:

Նրա կողքին՝ հանգիստ ու մռայլ կանգնած էր Ուրուականը, ձեռքը գէպի առաջ մեկնած: Երբ նա սթափուեց իր մըտածովոր դրութիւնից, Ուրուականի ձեռքի շարժումաձքից ու նրա գէպի ինքը բռնած դիրքից նրան թուաց, թէ մի զոյգ աներևոյթ աչք յառած են իր վրայ: Նա սկսեց զոգալ, կարծես ցրտից:

Նրանք թողին «գործի» բեմը և քաղաքի մի մռայլ մասը

գնացին, ուր առաջ Սկուռլը երբէք չէր եղել, սակայն ծանօթ էր նրա դիրքին ու վատ համբաւին: Փողոցները կեղտոտ ու նեղ էին, կրպակներն ու տները—ողորմելի, մարդիկ կիսամերկ, հարբած, ոտաբոքիկ, զգուշի: Կեղտոտ և ծուռուծուռ փողոցներից ու տների դարպասներից՝ աղբակոյտների գարշահոտութիւն էր փչում. ամբողջ թաղը յանցանքների, անառակութեան ու թշուառութեան մի բոյն էր:

Այս անարդ որջում մի տան կողքի ծածկոցի տակ մի կրպակ կար, լիքը երկաթեղէնով, ցնցոտիներով, շիշերով, ոսկորներով ու ուտելեղէնի կեղտոտ փշրանքով: Կրպակի յատակին կուտուած էին ժանգոտած բանալիների, մեխերի, շղթաների, չանգալների, սղոցների, կշեռքների ու կշաքարերի, ամեն տեսակ անպէտք երկաթեղէնի դէզեր: Ո՛ւմ դարդն էր կտրուած՝ քրքրել ու լոյս աշխարհ հանել զգուշի ցնցոտիների, գարշահոտ ձարպի ու ոսկրների տակ անուած ու թագնուած գաղտնիքը: Այս կրպակում, հին աղիւսներից շինած բուխարու առաջ, նստած էր գլուխը ճերմակ մի ստահակ, մօտ եօթանասուն տարեկան, որ մի գարշահոտ, կարկատուած վարագոյրով իրան ցրտից ապահոված, իր շիբուխն էր ծխում ու իր փառահեղ հանգիստը վայելում:

Սկուռլն ու Ուրուականը այս մարդուն մօտեցան հէնց այն ժամին, երբ կրպակը մտաւ, մի ծանր կապոցով բեռնաւորուած կին: Հազիւ սա ներս էր մտել, երբ մի ուրիշ կին էլ մտաւ, նոյնպէս բեռնաւորուած, սրա յետքից ներս մտաւ մի մարդ, հնամաշ հագուստով, որ պակաս զարմացած չէր սրանց տեսնելով, քան թէ սրանք—իրար ճանաչելով: Միքանի վայրկեան զարմանքից սառած մնալուց յետոյ, երեքն էլ շիբուխը բերնին ձերուծու հետ միասին թուլացան ծիծաղից:

—«Թող առաջինը օրավարձով բանող կինը լինի», գոչեց նա, որ ամենից առաջ էր մտել: «Լուացարարուհին թող երկրորդը լինի, իսկ կապալառուի ծառան— թող լինի երրորդը: Կսիր, Զօ (Յովսէփ), մի բան կայ երևի, որ մենք երեքս էլ այստեղ հանդիպեցանք իրար:

—«Մրանից լաւ տեղ չէիր կարող գտնել», ասաց պառաւ Զօն, շիբուխը բերնից հանելով: «Համեցէք դահլիճը: Դուք հօ վաղուց էք ստացել այդ իրաւունքը, այն միւս երկուսն էլ նոյնպէս օտար չեն մեղ համար: Սպասեցէք կրպակիս դուռը փակեմ: Ա՛հ, նրա ճոռոցը: Հաւատաս այստեղ թափուած երկաթի կտորտանքի մէջ սրա չանգալների չափ ժանգոտածը չգտնուի. ինչպէս որ, հաւատացած եմ, ոսկորի կտոր չէք գտնել այստեղ, իմոնցից հին, հա, հա: Մենք ամենքս էլ հաւատարիմ

ենք մեր կոչմանը. լաւ ենք գտել իրար: Մտէք դահլիճը, դահլիճը մտէք»:

«Դահլիճը»—ցնցոտի վարագոյրի քամակի տարածութիւնն էր: Ծերուկը կրակը հաւաքեց մի հին երկաթի կտորով և, իբր ծխող լապտերի պատրոյզը շիրուխի գլխովն ուղղելով, (որովհետեւ գիշեր էր)—կրկին բերանը դրաւ:

Այդ միջոցին կանանցից այն մէկը, որ խօսում էր քիչ առաջ իր կապոցը յատակը նետեց և լրբաբար նստեց աթոռի վրայ, ձեռները խաչեց ծակներին ու համարձակ հայեացք զցեց միւս երկուսի վրայ:

— «Ուրեմն ի՞նչ, ի՞նչ կայ, որ տիկին Դիլբըն», ասաց կինը: «Ամեն մարդ իրաւունք ունի իր հոգսը քաշելու: ՄԱ միշտ այդպէս էր անում»:

— «Իսկ որ ճշմարիտ է. մանաւանդ ՄԱ», ասաց լուացարարուհին:

— «Դէ, ուրեմն ի՞նչ ես աչքերդ պլշած կանգնել, վախեցածի նման, այ կնիկ. ո՞վ է իմաստունը, որ իմանայ մեր արածը: Իսկ մենք հօ իրար չենք մեղադրելու կարծեմ»:

— «Իհարկէ, ո՞չ», ասացին միասին տիկ. Դիլբընը և տղամարդը: «Յոյս ունենք—ո՞չ»:

— «Ուրեմն շատ լաւ», գոչեց կինը: «Բաւական է: Այս մի քանի բանը կորցնելով, ո՞վ է գրկում, տեսնենք: Մեռելի ընչին են պէտք որ»...

— «Իհարկէ, պէտքը չեն», ասաց տիկ. Դիլբընը ծիծաղելով:

— «Թէ ուղո՞ւմ էր մահից յետոյ էլ պահել այս իրերը այդ անպիտան քեֆթառը», շարունակեց կինը, «ինչո՞ւ կենդանութեան ժամանակ ոչորի հետ բարեկամութիւն չէր անում, որ մեռնելիս նրա աչքերը փակող մէկը գտնուէր նրա կողքին և մեն-մենակ չփչէր վերջին շունչը»:

— «Ճշմարիտ խօսք ու արդար դատաստան», ասաց տիկ. Դիլբընը:

— «Ես կը ցանկանայի, որ այդ դատաստանը մի քիչ աւելի ծանր լինէր», պատասխանեց կինը. «և կը լինէր էլ, հաւատացնում եմ, եթէ կարողանայի մի երկու ուրիշ բանի էլ հասցնել ձեռքս: Բաց արա կապոցս, պառաւ Ձօ, և գինն ասա: Պարզն ասա: Ոչ առաջինը լինելուցս եմ վախենում և ոչ էլ քաշում եմ, թէ կը տեսնեն դրանք: Այստեղ իրար հանդիպելուց առաջ էլ մենք շատ լաւ գիտէինք, կարծեմ, թէ ի՞նչ գործի տէր ենք մենք: Մեղք բան չի: Բաց արա կապոցը, Ձօ:

Սակայն՝ սիրալիր բարեկամները թոյլ չտուին. հստամաչ սև

շորուոր մարդը, առաջ ընկնելով, ի ցոյց դրեց իր աւարը, որ շատ էլ ճոխ չէր: Մի-երկու կնիք, մի գրչաման, մի գոյգ թևքի կոճակ, մի էփանագին քորոց—ուրիշ ոչինչ: Այս բոլորը խիստ քննութեան ու գնահատութեան ենթարկեց ձեր-Ձօն, ամեն մէկի գինը, որ տրամադիր էր տալ, նշանակեց պատի վրայ և, նկատելով որ այլևս բան չմնաց,—գումարը տուեց:

— «Ահա ձեր հաշիւը», ասաց Ձօն, և նոյնիսկ եթէ սպանէք էլ ինձ, վեց պէսս էլ չեմ աւելացնի: Ո՞վ է յաջորդը»:

Յաջորդը տիկ. Դիլբընն էր: Միքանի սաւան ու երեսաւորբիչ, միքանի շորեղէն, մի գոյգ թէյի գդալ, հին ձեւի, մի գոյգ շաքարի ունելի և միքանի կօշիկ: Նրա հաշիւն էլ նոյն կերպով գրուեց պատի վրայ:

— «Տիկիններին ես միշտ աւել եմ տալիս: Դա իմ թուրութիւնս է, որ քանդում է ինձ», ասաց ձեր-Ձօն: «Ահա ձեր հաշիւը: Եթէ մի հատ պէսս աւելին պահանջէք, փոխանակ այս ըոպէիս հարցը վերջացնելու,—ես կը փոշմանեմ իմ առատաձեռնութիւնիցս ու կէս-կոտն կը պակսեցնեմ տուածիցս»:

— «Այժմ իմ կապոցս բաց արա, Ձօ», ասաց առաջին կինը:

Ձօն չօրեց, որ աւելի յարմար լինի բանալ և կապերը քանդելով, մի մեծ կտոր ծանր, մթապոյն ճոթ հանեց դուրս:

— «Այդ ի՞նչ է», ասաց Ձօն: «Երևի անկողնի վարագոյրներն են»:

— «Հա,» պատասխանեց կինը ծիծաղելով և իր ծալած ձեռների վրայ յենուելով: «Վարագոյրներն են»:

— «Երևի օգերի հետ միասին թոցրել ես վրիցը, հէնցսր աչքերը խփել է»:

— «Իհարկէ», պատասխանեց կինը. ինչո՞ւ չանէի:

— «Հարստանալու համար ես ծնուած դու», ասաց Ձօն, «և անկասկած կը հարստանաս»:

— «Անկասկած, ես ձեռքս ետ չեմ քաշում, երբ նա մեկնուում է մի բան թաղպացնելու, մանաւանդ մի այդպիսի մարդու խաթեր, ինչպիսին որ նա էր. կարող եմ հաւատացնել քեզ, Ձօ», ստանասրտութեամբ պատասխանեց կինը: «Այդ իւրը չկթացընես վերմակի վրայ»:

— «Նրա վերմակն է», հարցրեց Ձօն:

— «Բա՞ն ո՞ւմինը պիտի լինի», պատասխանեց կինը: «Կարող եմ հաւատացնել, որ նա առանց վերմակի էլ չի մրսի այժմ»:

— «Յոյս ունիմ վարակիչ հիւանդութիւնից չմեռաւ նա, հա՞», ասաց ձեր-Ձօն գործը թողնելով ու վեր նայելով:

— «Մի վախենալ, պատասխանեց կինը, եթէ այդպէս լինէր, ես նրան մօտեցողը չէի. կարօտ չէի: Իսկ այս շապիկը տնտղիւր մինչև աչքերդ մթնի, այնուամենայնիւ ոչ մի հատիկ ծակ չես գտնի և ոչմի մաշած տեղ: Նրա շապիկներէից ամենալաւն է և շատ էլ քնքուշն է: Փշանալու էր, եթէ ես չվերցնէի»:

— «Ի՞նչպէս թէ փշանալու», հարցրեց ծեր-Ջօն:

— «Անկասկած այդ շապիկը հագին էին թաղելու», պատասխանեց կինը ծիծաղալով: «Յիստորի մէկը հագցրել էր արդէն, բայց ես կրկին հանեցի: Եթէ այդ գէպըունն էլ մարդ հասարակ կտաւ չբանեցնի, էլ ի՞նչ բանի է պէտք ուրեմն կտաւ: Մի քիչ էլ դեռ աւել է նրան կտաւ: Տգեղանալու տեղ չունի, որ կտաւը տգեղացնի նրան»:

Սկոուշը այս խօսակցութիւնը սարսափով էր լսում: Ծերունու լապտերի աղօտ լուսով իրանց աւարի շուրջը ժողովուած, սրանք շարժեցին նրա պտելութիւնն ու զղուանքը, որ հագիւ թէ աւելի սաստիկ լինէր, եթէ դրանց փոխարէն չարսատանաներ լինէին, մարդկային մտի առևտուր անելիս:

— «Հնա, հնա», ծիծաղեց նոյն կինը, երբ ծեր-Ջօն մի ֆլանելի քսակ հանելով գրպանից, վճարեց ամեն մէկին հասնելիքը: Տեսնում էք, թէ ի՞նչ եղաւ նրա վախճանը: Ամենքին փախցընում էր նա իրանից, քանի որ կենդանի էր, որպէսզի մեռնելուց յետոյ մեզ խանգարող չլինի: Հնա, հնա, հնա»...

— «Ոգի», ասաց Սկոուշը, ոտքից մինչև գլուխը դողալով: «Տեսնում եմ, տեսնում եմ: Այդ դժբախտ մարդու վիճակը կարող է կրկնուել և իմ գլխիս: Այդ ճանապարհն եմ բռնել ես էլ: Տէր ոգորմած, ի՞նչ բան է այս»:

Սարսափած յետ քաշուեց նա, որովհետև տեսարանը փոխուել էր և այժմ նրա առաջը մի մահճակալ էր, մերկ ու անվարագոյր, որի վրայ, մի հնամաշ սաւանի տակ մի բան կար, որ, թէպէտ և անձայն, սակայն սարսափահար էր անում նրան:

Սենեակը խիստ մութն էր, այնպէս որ ոչինչ չէր կարող տեսնել, թէպէտ Սկոուշը, մի գաղտնի զրդման հպատակուելով, այսուայն կողմն էր նայում, աշխատելով իմանալ, թէ ի՞նչ սենեակ է այդ: Իրսից մի աղօտ ճառագայթ ընկաւ անկողնի վրայ, որի մէջ, պոկուած — կողոպտուած, անխնամ, ընկած էր այն մարդու մարմինը առանց հսկողի կամ սգացողի:

Սկոուշը նայեց Ուրուականին: Նրա անյողողոզ ձեռքը ուղղուած էր դէպի դիակի գլուխը: Այն աստիճան անխնամ էր ծածկուած նա, որ Սկոուշը մի մատով կարող էր բանալ նրա

երեսը: Նա մտածում էր դրա մասին, զգում դրա հեշտութիւնը և ցանկանում էր անել, — բայց չէր կարողանում ոչ ծածկոցը յետ քաշել և ոչ ազատուել այդ տեսարանից:

Ո՞հ սառը, սառը, խիստ, զարհուրելի Մահ, կանգնիր այստեղ սեղանդ և շրջապատիր նրան իշխանութեանդ տակ գտնուած բոլոր անուարաստիով, որովհետև քոնն է այստեղ: Բայց սիրեցեալ, յարգելի ու պատուաւոր գլխից դու չես կարող մի մազ էլ փոխել քո սարսափելի նպատակներդ համար կամ թէ դէմքի մի հատիկ գիծը զղուելի դարձնել: Ո՛չ այն պատճառով, որ նրա ձեռքը ծանրացած չի լինում և վայր չբնկնում, երբ բարձրացնում ես, ոչ էլ այն, որ սիրտը բարախում է, կամ, բազկեր ակը խփում, այլ այն պատճառով՝ որ նրա ձեռքը բաց է եղել, առատ ու արդար, սիրտը աղնիւ ջերմ ու քնքուշ, իսկ բազկերակի արիւնը — մարդկային: Հարուածիր, Ուրուական, հարուածիր և իսկոյն նրա բարի գործերը դուրս կը բղխին նրա վէրքից և նրա անմահ անունը կը յաւէրժացնեն աշխարհքում:

Ոչ մի ձայն չարտասանեց այս խօսքերը Սկոուշի ականջին, սակայն նա լսեց այդ խօսքերը, անկողնին նայելով: Նա մտածում էր, թէ արդեօք ի՞նչ կը լինի այդ մարդու առաջին միտքը, եթէ նա յարութիւն առնի: Ժլատութիւն, ընչաքաղցութիւն ու վաստակ, որ նրան այս «ճոխ» վախճանին են հասցրել. լաւ տեղ են հասցրել...

Նա ընկած էր մութ ու դատարկ տանը, մէկ-մէնակ. ոչ մի մարդ կամ կին, ոչ մի երեխայ չկար, որ ասէր. «Նա բարի էր, նա այս կամ այն բարութիւնն է արել ինձ. ես էլ ի յիշատակ նրա մի հատիկ բարի խօսքի, բարութիւն կ'անեմ նրան»: Կատուն էր դուռը շանգոտում, իսկ վառարանի տակից մկների կրծտոցի ձայն էր գալիս: Ի՞նչ էին փնտռում նրանք մահուան այս օթեանում կամ ինչո՞ւ էին նրանք այդպէս անհանգիստ ու կատաղած:

Սկոուշը չէր համարձակուում մտածել:

— «Ոգի» ասաց նա, «սարսափելի տեղ է այս: Ես չեմ մոռանա, հաւատացնում եմ, այս դասը: Գնանք»:

Բայց Ոգին իր անշարժ մատով շարունակում էր նրա ուշադրութիւնը դիակի գլխի վրայ հրաւիրել:

— «Հասկանում եմ, թէ ի՞նչ ես ուզում», պատասխանեց Սկոուշը: «Կը կատարէի ցանկութիւնդ, եթէ կարենայի: Բայց չեմ կարող Ոգի: Չեմ կարող»:

Կրկին, կարծես, նայեց նրան:

— «Եթէ այս մարդու մահը յուզել է որևէ մէկին այս քա-

զաքում, ասաց Սկուռը, համարեա շնչասպառ, ցոյց տուր ինձ նրան, Ոգի, աղաչում եմ քեզ»:

Ոգին մի րոպէ թևերի նման բացեց իր սև հանդերձը նրա առաջ և կրկին հաւաքելով, ցոյց տուեց մի սենեակ, ուր օր ցերեկ էր, մէջն էլ մի կին իր որդկերանցով:

Հոգսերից անհանգիստ նա սենեակում յետ ու առաջ էր անում մէկին սպասելով. ամեն մի ձայնից կանգ էր առնում, դուրս նայում պատուհանից, նայում ժամացոյցին, աշխատում էր կար անել, բայց իզո՞ւր... համբերութիւն չունէր նոյնիսկ խաղացող երեխայոց ձայնը լսելու:

Վերջապէս լուեց դռան ցանկալի թրխկ-թրխկոցը: Նա շտապեց դէպի դուռը և դիմաւորեց ամուսնուն, որի դէմքը մտածողոր ու ճնշուած էր, թէպէտ երիտասարդ էր նա: Արտայայտութիւնը աչքի ընկնող էր. մի տեսակ լուրջ ուրախութիւն էր այն, սրից նա ամաչում էր և որ աշխատում էր զըսպել:

Նա նստեց ճաշի, որ պահել էին նրա համար կրակի վրայ և երբ կիւնը, երկար լուսթիւնից յետոյ, թոյլ ձայնով հարցրեց, «Ի՞նչ նորութիւն կայ». նա կարծես դժուարանում էր պատասխան տալու:

— «Բարբի է, թէ չար» հարցրեց կինը, շտապեցնելով:

— «Չար», պատասխանեց նա:

— «Ուրեմն քանդուեց, պրծաւ մեր տունը...»

— Ո՛չ, կառուին, դեռ յոյս կայ»:

— «Եթէ նա մեղմանայ», ասաց կինը զարմացած, յոյս կայ: «Եթէ այդպիսի մի հրաշք տեղի ունենայ—իհարկէ, յոյս կայ»:

— «Նրա բանը մեղմանալուց անցել է այժմ», ասաց ամուսինը: «Նա մեռել է արդէն»:

Կինը մի քնքոյշ ու բազմահամբեր արարած էր երևում, եթէ միայն մեզ չի սխալեցնում նրա դէմքի արտայայտութիւնը: Մակայն նա գոհ մնաց, լսելով ամուսնու ասածը և իր սրտի բաւականութիւնը արտայայտեց ձեռները միացնելով: Իսկոյն և եթ նա փոշմանեց և տրտմեց, բայց առաջին զգացմունքն էր, որ նրա սրտիցը բղխեց:

— «Այն կէս-հարբած կնոջ ասածը, որ անցեալ երեկոյ, երբ ես ուզում էի տեսնել նրան ու մի շարաթ յետաձգել տալ մեր պարտքը, ուրեմն նրա ասածը ճիշտ է եղել. իսկ ես կարծում էի, թէ պարզապէս չկամեցաւ ինձ տեսնել: Ո՛չ միայն շատ վատ է եղել ուրեմն նրա դրութիւնը, այլ ուղղակի մեռնելիս է եղել մարդը»:

— «Ո՞ւրն է լինելու կտակած մեր պարտքը»:

— «Չգիտեմ: Բայց մինչ այս մինչ այն, մենք էլ կը պատրաստենք փողը. և եթէ մինչև անգամ չհասցնենք էլ, դժուար թէ նրանից էլ անխիղճ մի պարտատէր լինի վիճակուած մեզ, յանձին նրա ժառանգի: Այս գիշեր, յամենայն դէպս, մենք կարող ենք հանգիստ քնել կարողին»:

Այն, ասացէք ինչ որ կ'ուզէք, բանն այն է, որ նրանց սրտի քարը կարծես վերցրին: Երեխայոց դէմքերը, որ հաւաքուած իրանց ծնողաց շուրջը, լուռ ականջ էին դնում, թէպէտև ոչինչ չէին հասկանում նրանց խօսակցութիւնից,—պայծառացան: Առհասարակ ամբողջ տունը բախտաւորուեց նրա մահով: Այդ դէպքից առաջացած միակ զգացմունքը— ուրախութիւնն էր անկասկած:

— «Յոյց տուր ինձ մահի հետ կապ ունեցող գոնէ մի հատիկ քնքշութիւն», ասաց Սկուռը. «Թէ չէ այն մութ սենեակը, որից այժմ դուրս եկանք, միշտ պիտի մնայ աչքիս առաջը, Ոգի»:

Ոգին առաջնորդեց նրան քաջ յայտնի միջանի փողոցներով. ճանապարհին Սկուռը այս կողմ այն կողմ էր նայում զինքը գտնելու նպատակով, բայց ոչմի տեղ ինքը չէր երևում: Նրանք մտան խեղճ Բոր Կոէկիտի տունը, որ արդէն մի անգամ այցելել էր նա և տեսան որ մայրն ու երեխերը նստուել են կրակի շուրջը:

Անձայն, անշշուկ: Չարաձձի փոքրիկ Կոէկիտները արձանների նման նստոտած էին մի անկիւնում և նայում էին Պետրոսին, որի առաջը մի գիրք կար: Մայրն ու աղջկերը կար էին անում նոյնպէս անձայն, անշշուկ:

«Եւ առեալ մանուկ մի կացոյց ի մէջ նոցա... ~~բնկալեալ զնա ի գիրկս իւր, ասէ ցնոտա: Որ մի անգամ յայսպիսի մանկտոյն ընկալցի, յանուն իմ, զիս ընդունի և որ զիս ընդունեցի, ոչ զիս ընդունի՝ այլ զայն՝ որ առաքեացն զիս»:~~

(Մարկոս, թ. 36)

Որտեղ էր լսել Սկուռը այս խօսքերը: Երազում հօ չէր: Արդեօք, այն տղան հօ չէր կարդացել այդ խօսքերը, երբ ինքն ու Ոգին ներս էին մտնում շէմքից: Եւ ինչո՞ւ չի շարունակում այլևս:

Մայրը իր կարը գցեց սեղանի վրայ և ձեռքը դրեց երեսին:

— «Այս գոյնն էլ մթնացրեց աչքերս» ասաց նա: «Այդ Գոյնը... Ա՛յ խեղճ Տայնը-Տիս...»

— «Կրկին պարզուեցան աչքերս», ասաց Կոէկիտի կինը:

«Ճրագի լուսիցն է թուլանում իմ տեսողութիւնս, իսկ ես չեմ կամենում, որ ձեր հայրը, տուն գալով, նկատի աչքերիս թուլութիւնը, չեմ ուզում. նրա գալու ժամանակն էլ պէտք է որ մօտ լինի»:

— «Անցել էլ է», պատասխանեց Պետրոսը զիրքը ծաւելով: «Վերջին օրերս կարծեմ նա սովորականից աւելի դանդաղ է ման գալիս, մայրիկ»:

Կրկին լուծիւն: Վերջապէս մայրը հաստատ ու ուրախ ձայնով, որ միայն մի անգամ թուլացաւ, ասաց.

— «Այո, որդուն շալակած—ուրիշ էր նրա ման գալը, Տայնը Տիմին շալակած—շատ արագ էր ման գալիս իսկապէս»:

— «Ես էլ եմ յիշում. այո, յաճախ էր հայրիկը շալակում նրան», գոչեց Պետրոսը:

— «Ես էլ», բացազանչեց միւսը, և ապա ամենքն էլ:

— «Եւ նա շատ թեթեւ էր» ասաց մայրը, իր կարը շարունակելով, «հայրն էլ այնպէս էր սիրում նրան, որ շալակած ման ածելուց երբէք չէր նեղանում: Ահա հայրներդ էլ դռանն է»:

Կինը շտապեց դիմաւորել և ներս մտաւ փոքրիկ Բոբը, շալը վզովը տուած, որ անհրաժեշտ էր խեղճ մարդուն: Թէյը նրա համար պատրաստ էր վառարանի առաջին, ամենքն էլ աշխատում էին որքան կարելի է աւելի ծառայութիւն անել նրան: Ապա երկու փոքրիկները բարձրացան նրա ծնկների վրայ և ամեն մէկը իր փոքրիկ թուշը հօր երեսին դնելով, կարծես, ուզում լինէր ասել. «ոչինչ, հայրիկ, դարդ մի անիլ»:

Բոբի սիրտը բացուեց դրանց հետ և նա ուրախ-ուրախ խօսակցում էր ամենքի հետ: Նա նայեց սեղանի վրայի կարին և գովեց կնոջ ու աղջիկների շնորհքն ու աշխատասիրութիւնը: «Կիրակի օրուանից շատ վաղ կը վերջացնէք», ասաց նա:

— «Կիրակի... Ուրեմն, Ռոբերտ, դու այսօր գնացել ես», ասաց կինը:

— «Այո, սիրելիս», պատասխանեց Բոբը: «Ափսոս, որ դու էլ չկայիր: Այնպիսի մի կանաչ տեղ է, որ քէֆդ կը գար: Բայց դեռ շատ անգամ ես տեսնելու: Ես նրան խոստացել եմ ամեն կիրակի դնալ այնտեղ: Իմ խեղճ, խեղճ երեխայ», գոչեց Բոբը: «Սեղճ իմ բալիկ»:

Յանկարծ նրա սիրտը լցուեց և նա չկարողացաւ զսպել իր հեկեկանքը: Իր զաւակի այդքան մօտ լինելն էր, երեխ, պատճառը, որ նա չկարողացաւ զսպել իրան:

Նա դուրս եկաւ սենեակից և սանդուխներով բարձրացաւ վերին յարկի ուրախ ու լուսաւոր սենեակը, որ զարդա-

րուած էր կանաչ ձիւղերով: Այդտեղ մի աթոռ կար երեխայի մօտ դրած. նկատուած էր, որ մի քիչ առաջ էլ այդտեղ նստող է եղել: Սեղճ Բոբն էլ նստեց ու միքիչ ուշքի գալուց ու զինքը հաւաքելուց յետոյ, համբուրեց փոքրիկ երեսը: Ապա ցած իջաւ արդէն հաշտուած իր ճակատագրի հետ:

Հաւաքուեցան կրակի շուրջը և սկսեցին զրոյց անել, մինչդեռ մայրն ու աղջիկերքը շարունակում էին իրանց կարը: Բոբը պատմեց նրանց Սկոուլի քրոջ-որդու անչափ բարութեան մասին, որին հազիւ մի անգամ էր միայն տեսել, բայց որը, այսօր փողոցում պատահելով և նկատելով որ միքիչ... շատ քիչ-տխուր է, ինչպէս որ մի ժամ առաջ էր, օրինակ— հարցրեց, թէ ի՞նչ դժբախտութիւն է եկել զլխին: Եւ, որովհետեւ դժուար թէ նրա նման դուրեկան մարդ մէկն էլ դռնուի, Բոբը պատմեց նրան զլխին եկածը: Իսրտէ ցաւում եմ, «պ. Կոնչիտ», ասաց նա, իսրտէ ցաւակցում եմ ձեզ ու ձեր բարի կնոջը: Բայց դէ որտեղից էր նա իմացել այդ»:

— «Ի՞նչն էր որտեղից իմացել, սիրելիս»:

— «Բն, որ դու բարի կին ես», պատասխանեց Բոբը:

— «Ամենքն էլ գիտեն այդ», ասաց Պետրոսը:

— «Չէնց այդ է որ գտար, որդիս», գոչեց Բոբը: «Անպայման ամենքն էլ գիտեն: Իսրտէ ցաւակցում եմ», ասաց նա, «ձեր բարի կնոջը: «Եթէ մի որևէ բանով կարող եմ ծառայութիւն արած լինել ձեզ», ասաց նա, իր այցետուսը տալով, «եկէք ինձ մօտ, խնդրեմ, ահա ձեզ հասցէն»: Արդ, ոչ թէ այն օգնութիւնն է գնահատելի որ նա կարող է անել մեզ, գոչեց Բոբը, ոչ այնքան այդ օգնութիւնը, որքան նրա բաղքը խօսքն է հիացնում ինձ:

Այնպէս էր թւում ինձ, թէ այդ մարդը ճանաչում էր Տայնը-Տիմին և իսկապէս ցաւակցում էր մեզ:

— «Հաւատացած եմ որ դա մի բարեհոգի մարդ է», ասաց տիկ. Կոնչիտը:

— «Աւելի ևս կը համոզուէիր, սիրելիս, եթէ տեսած ու խօսած լինէիր հետը: Զգարմանաս, եթէ նա Պետրոսին մի լաւ պաշտօնի դնի»:

— «Մէկ լսիր է, Պետրոս», ասաց տիկ. Կոնչիտը:

— «Այն ժամանակը», գոչեց աղջիկներից մէկը, «Պետրոսը իրա համար մի լաւ «ընկեր» կը գտնի և կը շոկուի մեզսից»:

— «Զահլա մի տանիլ դէ», պատասխանեց Պետրոսը դէմքը ծոմնելով:

— «Մի օր հէնց այդ էլ, իհարկէ, կարող է պատահիլ», ասաց Բոբը, «թէպէտ մինչև այդ դեռ շատ ժամանակ կայ, Պեկաների, 1904.

սիրելիս: Բայց ի՞նչպէս, կամ ե՞րբ և բաժանուելու լինենք իրարից, ես հաւատացած եմ որ մեզնից ո՛չ ոք չպիտի մոռանայ խեղճ Տայնը-Տիմին, որովհետև նա եղաւ առաջինը որ անշատուեց մեզնից. ուրեմն չմոռանանք նրան երբէք»:

—«Երբէք, հայրիկ», գոչեցին ամենքը:

—«Ես շատ բախտաւոր եմ», ասաց փոքրիկ-Բորը, «շատ բախտաւոր»:

Տիկին Կռէշիտը համբուրեց նրան, համբուրեցին և աղջիկերքը, իսկ Պետրոսը սեղմեց նրա ձեռքը: Ո՛ր, դու, Տայնը-Տիմի մանկական հոգի, Աստուածանից էիր դու:

—«Ոգի», ասաց Սկոուշը, «ես զգում եմ, որ մօտեցել է մեր անշատման ժամը: Զգում եմ, թէպէտ չգիտեմ ինչից կամ ի՞նչպէս: Ասն ինձ, ո՞վ է այն մեռած մարդը, որ մենք տեսանք»:

Ապագայ Ծննդեան Ոգին առաջուան պէս առաջնորդեց նրան,— թէպէտ, կարծես, այժմ արդէն մի ուրիշ ժամանակ էր (իսկապէս վերջին տեսիլքների մէջ, կարծես, ո՛չ մի հետևողականութիւն չլինէր, բացի մի հանգամանքից, այն է, որ այդ բոլոր տեսիլքներն էլ ապագային էին վերաբերում)— առաջնորդեց նրան գործի մարդկանց մի ժողովավայր, ուր, սակայն, բացակայ էր ինքը, Սկոուշը: Ոգին, գլուխը վերցրած գնում էր անդադար կարծես դէպի մի ցանկալի վախճան. բայց Սկոուշը խնդրեց նրան մի բոպէ կանգ առնել:

—«Այս բակը», ասաց Սկոուշը, «որի միջով մենք թռչում ենք այժմ, վաղուց է որ իմ մշտական պարապմունքիս տեղն է: Ես տեսնում եմ այն տունը: Թող մի նայեմ, թէ ի՞նչ եմ լինելու ես ապագայում»:

Ոգին կանգ առաւ. նրա ձեռքը միւս կողմն էր ուղղուած:

—«Տունդ հակառակ կողմն է, գոչեց Ոգին, ինչո՞ւ ես այդ կողմը ցոյց տալիս»:

Անխնայ մատը չփոխեց իր ուղղութիւնը:

Սկոուշը վազեց իր գրասենեակի պատուհանի մօտ և ներս նայեց: Դա այժմ էլ գրասենեակ էր, բայց իր գրասենեակը չէր: Կահաւորութիւնը իրանը չէր. ինքը չէր և աթոռի վրայ նստողը: Ուրուականի մատը այժմ էլ չէր փոխում իր նախկին ուղղութիւնը:

Նա կրկին հասաւ Ուրուականին և զարմացած, թէ ինչո՞ւ և ո՞ւր են գնում, հետևեց նրան մինչև որ հասան մի երկաթէ դռան: Մտնելուց առաջ նա մի կանգ առաւ ու աչք ածեց շուրջը:

Գերեզմանատուն էր: Ուրեմն այն ողորմելին, որի անու-

նը այժմ պիտի լսի, այստեղ է թաղուած... հողի տակ: Նրան վայել տեղ էր այդ: Երջափակուած տներով, ծածկուած որոմու-խոտով, որ մահուան և ո՛չ թէ կեանքի արտադրութիւն են, ամեն կողմը գերեզմաններ և զգուելի պարարտութիւն: Իսկապէս նրան վայել մի տեղ...

Ոգին կանգ առաւ գերեզմանների մէջ ու մատնացոյց արաւ նրանցից մէկը: Նա զողալով մօտեցաւ: Ուրուականը նոյնն էր, անփոփոխ, բայց սարսափում էր, մի նոր, խորհրդաւոր նշանակութիւն գտնելով նրա տեսքում:

—«Առաջ քան մօտենամ այդ քարին, որ դու մատնացոյց ես անում», ասաց Սկոուշը, «պատասխանիր հետևեալ հարցիս. այս բոլորը անպատճառ պիտի տեղի ունենայ ապագայում, թէ միայն կարող է տեղի ունենալ»:

Ոգին շարունակում էր մատնացոյց անել նոյն գերեզմանը, որի մօտ կանգնած էր:

—«Մարդուս այս կամ այն ընթացքն է, որ մի որոշ վախճանի է հասցնում նրան, եթէ մարդ յամառում է իր մի անգամ ընտրած ճանապարհում», ասաց Սկոուշը: «Իսկ եթէ մարդ փոխի իր ընթացքը—վախճանն էլ, յետևապէս, պիտի փոխուի: Ասն ինձ, որ այսպէս կը լինի և քո ցոյց տուածներդ»:

Ոգին անշարժ էր, ինչպէս միշտ:

Սկոուշը, զոգողալով, մօտեցաւ նրա ցոյց տուած գերեզմանին և անուշադրութեան մատնուած գերեզմանաքարի վրայ կարդաց իր սեփական անունը. էրենազար Սկոուշ:

—«Այն մահճակալի վրայի մարդը ես էի ուրեմն», գոչեց ծնկաչոք Սկոուշը:

Մատը գերեզմանի վրայից դէպի նրան դարձաւ և կրկին — յետ:

—«Ո՛չ, Ոգի, ո՛, ո՛չ, ո՛չ...»

Մատը անշարժ էր:

—«Ոգի», գոչեց նա, ամուր բռնելով նրա շորը, «լսի՛ր ինձ: Ես՝ էլ առաջուայ մարդը չեմ: Ես չեմ կամենում այսուհետև այն մարդը լինել, որ էի քեզ տեսնելուց առաջ: Իսկ եթէ այլևս ո՛չ մի յոյս չկայ ճակատագիրս փոխելու—էլ ինչո՞ւ ես ցոյց տալիս ինձ այս ամենը»:

Այստեղ առաջին անգամ ձեռքը, կարծես, շարժուեց:

—«Բարի Ոգի», շարունակեց նա մնալով ծնկաչոք, «դու որ միջամտում ու խզում ես ինձ, ասա ինձ որ դեռ յոյս կայ փոխելու ճակատագիրս, կենցաղիս եղանակը փոխելով:

Ազնիւ ձեռքը—զոզաց:

—«Այսուհետև ես կը յարգեմ Ծննդեան տօնը իմ սրտուս»:

և կ'աշխատեմ ամեն տարի տօնել: Ես իմ կեանքիս առաջնորդ կ'ընտրեմ Անցեալ, Ներկայ ու Ապագայ Ծննդեան Ոգիներէիդ և երբէք չեմ մոռանայ ձեր տուած դասը: Ո՛հ, ասան, ինձ, որ հընարաւոր է ջնջել այս քարի վրայ գրածը»:

Այ՛ն հոգևարքի ժամին նա բռնեց Ուրուականի ձեռքը, որ աշխատում էր ազատուել նրանից. բայց նա հեշտ բաց թողնողը չէր: Ոգին յետ մղեց նրան վճռողաբար:

Յուսաբեկուած, վերջին անգամ պաղատագին ձեռները բարձրացնելով, նա մի փոփոխութիւն նկատեց Ուրուականի հանդերձի ու ձևի մէջ: Նա կուչ եկաւ, թուլացաւ, փոքրացաւ ու մահճակալի սիւնը դարձաւ:

Գլուխ Ե.

Վ Ե Ր Ձ Ա Բ Ա Ն

Այն, և այդ սիւնը իր սեփական մահճակալինն էր: Մահճակալն էլ էր իրանը, սենեակն էլ: Ամենից լաւն ու մխիթարականը այն էր, որ ապաշխարելու ժամանակ էլ ունէր ինչքան ասես:

—«Պիտի ապրեմ Անցեալում, Ներկայում, և Ապագայում», կրկնեց Սկոուշը, վերկենալով տեղից: «Թող այդ երեք Ոգիներն էլ գործեն իմ մէջս: Ո՛հ, Յակոբ Մառլէյ: Փառք Աստրծուն ու Ծննդեան տօնին: Ծնկաչոր եմ փառաբանում, Յակոբ, ծնկաչոր»:

Նա այն աստիճան թեւաւորուած ու ոգևորուած էր իր բարի արամադրութիւնովը, որ նրա խզուած ձայնը հազիւ հազ էր հասցնում նրա հարցերի պատասխանները: Ոգու հետ ունեցած իր վերջին ընդհարման միջոցին այնքան էր լացել ու կոծել, որ նրա երեսի արտասուքը դեռ չէր չորացել:

—«Սրանք հանուած չեն», գոչեց Սկոուշը, ձեռքը գցելով անկողնի վառագոյրներից մէկին, «սրանք հանուած չեն իրանց օղակների հետ միասին: Սրանք իրանց տեղումն են, ես էլ եմ այստեղ և այն բաների ստուերները, որ պատահելու էին, կարող են դեռ ցրուել: Կը ցրուեն, պիտի ցրուեն, գիտեմ»:

Նրա ձեռները այս միջոցին հագուստովն էին զբաղուած. շուռումուռ անելով, աստանն ի վեր հագնելով, այս կամ այն կողմ բաշելով, ամեն կերպ ծալծլելով ու օտարոտի ձև տալով:

—«Չգիտեմ, թէ ի՞նչ անեմ», գոչեց Սկոուշը ծիծաղախա-

տըն և միաժամանակ լալագին ձայնով. և այդ ժամանակ մի կատարեալ Լաօհօօն ներկայացնելով, երկար գուլպաները մարմընովը տուած: «Փետուրի նման թեթև եմ, հրեշտակի նման բախտաւոր, աշակերտի նման ուրախ: Գլուխս պտոյտ է գալիս, կարծես հարբած լինեմ: Ուրախ Ծնունդ ամենքին ու բախտաւոր Նոր տարի: Հուռոսն, հա՛...»

Նա թռչկոտել էր, գնացել դահլիճը և այժմ կանգնած էր այնտեղ անհանգիստ:

—«Ահա այն թասը, որի մէջն էր ճաշը», գոչեց Սկոուշը, կրկին ցնցուելով ու պատուելով վառարանի շուրջը: «Ահա այն գուռը, որի միջով ներս մտաւ Յակոբ Մառլէյի Ուրուականը: Ահա այն անկիւնը, որ Ներկայ Ծննդեան Ոգին նստած էր: Ահա այն պատուհանը, որից ես տեսայ թափառող Ոգիներին: Ամեն ինչ իր տեղն է, ամենն էլ իսկ որ տեղի է ունեցել: Հա-հա-հա...»

Իսկապէս դա մի փառաւոր ծիծաղ էր, ևս առաւել նշանաւոր այն պատճառով, որ բղխում էր մի մարդու հոգուց, որ արդէն քանի-քանի տարի չգիտեր, թէ ինչ բան է ծիծաղ ասածը: Եւ դա ճանապարհ էր բաց անում մի շարք փայլուն ծիծաղների համար:

—«Չգիտեմ թէ ամսի ո՞ր օրն է», ասաց Սկոուշը: «Չգիտեմ, թէ ո՞րքան ժամանակ եմ անցկացրել Ոգիների հետ: Ոչինչ չգիտեմ: Կատարեալ երեխայ եմ դարձել: Բայց վնաս չունի: Դարդ չեմ անում: Թող երեխայ դառնամ: Հուռոսն, հա՛...»

Եկեղեցու զանգերի ուրախ ներդաշնակութիւնը, որի նըմանը նա երբէք չէր լսած,—ընդհատեց նրա հիացմունքը: Չանգի-զանգ եկէք ժամ, զանգի զանգ, եկէք ժամ... Օ՛հ, ինչ փառաւոր է, ի՞նչ փառաւոր:

Նա վաղեց դէպի պատուհանը, բաց արաւ ու դուրս հանեց գլուխը: Ո՛չ ամպ, ո՛չ մառախուղ. պարզ, լուսաւոր, ուրախ թարմ ու ցուրտ օր է: Երկնակամարը, երկնային օդը—թարմ ու քաղցր, զանգահարութիւնը—ուրախ: Օ՛հ, փառաւոր, փառաւոր...

—«Ի՞նչ օր է այսօր», գոչեց Սկոուշը, դիմելով տօնական շորը հագին մի տղայի, որ այդտեղ անցուդարձ էր անում գուցէ հէնց նրան դիտելու նպատակով:

—«Հ՞ը», հարցրեց տղան, ինչքան որ ասես զարմացած:

—«Ի՞նչ օր է այսօր, լաւ տղայ», ասաց Սկոուշը:

—«Այսօր», պատասխանեց տղան, «դէ Ծննդեան տօնն է, էլի՛»:

—«Ծննդեան տօնն է», ասաց ինքն իրան Սկոուշը: «Ու-

րեմն ես քնով չեմ անցրել: Ուրեմն Ոգիները այն բոլորը մի գիշերումն են արել: Դէ նրանք ինչ որ ուզեան կարող են անել: Իհարկէ, կարող են: Իհարկէ, կարող են: Էյ-հէյ, լաւ տըղայ»:

—«Հը», պատասխանեց տղան:

—«Ճանաչո՞ւմ ես այն հաւաքածառի խանութը, երկրորդ փողոցի անկիւնում», հարցրեց Սկոուշը:

—«Պէտք է որ ճանաչեմ», պատասխանեց տղան:

—«Ի՞նչ խելօք տղայ ես եղել», ասաց Սկոուշը: «Երեւելի տղայ, չգիտե՞ս, ծախուել է, արդեօք, այն մրցանակի հնդուհաւը, որ կախ էր այնտեղ: Ոչ թէ այն փոքր—մրցանակ ստացածը, այլ այն մեծը»:

—«Ո՞րը, այն որ ինձ չափ ձկնայ», հարցրեց տղան:

—«Ի՞նչ շնորհալի երեխայ է», ասաց Սկոուշը: «Զուարճութիւն է սրա հետ խօսալը:—Այո, դո՛ւր»:

—«Այժմ էլ այնտեղ կախ է», պատասխանեց տղան:

—«Իսկապէ՞ս, ասաց Սկոուշը, դէ, ուրեմն գնայ, առ»:

—«Ձեռ ես գցել դու ինձ»... գոչեց տղան:

—«Ձէ, չէ», ասաց Սկոուշը, «ես լուրջ եմ խօսում: Գնա՛ւ, առ ու ասա բերեն այստեղ, որ ասեմ իրանց, թէ ո՞ւր պիտի տանեն: Մշակի հետ յետ արի, ես քեզ մի շիլինգ փող կը տամ: Իսկ եթէ հինգ ըսպէն չլրացած յետ գաս—կէս կոտն կը տամ»:

Տղան գնդակի նման թռաւ: Ամենահմուտ ձեռքով զգած գնդակն էլ նրանից արագ չէր լինի:

—«Ուղարկելու եմ Բոբ Կոէչիտին», շնջաց Սկոուշը, ձեռները տրորելով ու ծիծաղից թուրանալով: «Նա չի իմանայ, թէ ո՞վ է զրկել: Երկու Տայնը-Տիմի չափ կը լինի: Մի այսպիսի հանաք Մոլլա-Նասրէդինն էլ չի արել...»

Հասցէն գրելիս նրա ձեռքը դողում էր, բայց և այնպէս նա գրեց մի կերպ և սանդուխներով իջաւ մուտքի դուռը բանալու և այնտեղ ներքևում սպասելու հաւաքածառի մշակին: Այդտեղ կանգնած, սպասելիս, նրա աչքովն ընկաւ դռան մուրճը:

—«Մինչև մահս պիտի սիրեմ այս մուրճը», գոչեց Սկոուշը, ձեռքը վրէն դնելով: «Առաջ հազիւ թէ նայելիս լինէի նոյնիսկ սրա վրայ: Ի՞նչ ազնիւ է դէմքի արտայայտութիւնը: Մի զարմանալի մուրճ է սա:—Ահա և հնդուհաւը: Եալլան, ո՞ւր մնացիք դուք: Ուրախ ծնունդ ձեզ»:

Բայց հնդուհաւ եմ ասում, հա: Այդ մեծութեան թոչունը

երբէք չի կարող ոտների վրայ կանգնել: Իսկոյն և եթ ոտները նրա տակին կը փշոտուեն կնքամոծի նման:

—«Բան, անհնար է մինչև Կեօմդէն-Տաուն շալակած տանել», ասաց Սկոուշը: «Մի կառք վերցրէք»:

Այս խօսքերը նա հազիւհազ կարողացաւ արտասանել, ծիծաղից խեղդուելով, հոհալով վճարեց հնդուհաւի փողը, ծիծաղից թուրանալով տուեց կառքի փողը, ծիծաղից պայթելով տուեց երեխային խոստացածը, և երբ վերադարձաւ, ընկաւ բազկաթոռի վրայ, այնքան ծիծաղեց, որ շունչը կտրուեց ու սկսեց հեծկտալ:

Երեսն ամիլելը հեշտ չէր նրա համար, որովհետև ձեռները դեռ դողում էին սաստիկ, իսկ այդ գործը ուշադրութեամբ անելու բան է, ինչպէս յայտնի է: Բայց եթէ քթի ծայրն էլ կտրէր նոյնիսկ, մի կտոր կաշուն սպեղանի կը կպցնէր ու իսկի էլ դարձ չէր անիլ:

Նա հագաւ իր ամենալաւ շորերն ու վերջապէս փողոց դուրս եկաւ: Ժողովուրդը դուրս էր թափուում տներից, ինչպէս որ նրան ցոյց էր տուել ներկայ Ծննդեան Ոգին: Ձեռքերը մէջքին դրած, ժպտերես, Սկոուշը, անցնելիս տնտղում էր ամեն մէկին հիացած: Նրա հայեացքը այն աստիճան անդիմադրելի դուրեկան էր, որ երեք-չորս քէֆները-քեօք տղայ ասացին բարի լոյս, պարոն, շնորհաւոր ծնունդ»: Եւ յետոյ Սկոուշը յաճախ կրկնում էր, որ նա երբէք այդպիսի ուրախ ձայն չէր լսած:

Միքանի քայլից յետոյ նա պատահեց դէմուզէմն եկող մի վայելչակազմ պարոնի, որ նախորդ օրը եկել էր իր գրասենյակ և ասել. «Կարծեմ, Սկոուշ ու Մաուէյին է»: Նրա սիրտը ճնշուեց, մտածելով, թէ հանդիպելիս ի՞նչ աչքով է նայելու իրան այդ պարոնը, բայց այժմ նա գիտէր իր անելիքը:

—«Ազնիւ պարոն», ասաց Սկոուշը, աւելացնելով իր քայլըն ու բռնելով պարոնի զոյգ ձեռքը: «Ինչպէ՞ս էք դուք: Յոյս ունեմ, որ յաջողութիւն ունեցաք երէկ. շատ լաւ բան էք անում. Շնորհաւորում եմ, Ուրախ ծնունդ, պարոն»:

—«Պարոն Սկոուշ»:

—«Այո, ասաց Սկոուշը: «Այդ է անունս, վախենում եմ որ հաճելի չլինի ձեզ: Թոյլ տուէք ներողութիւն խնդրել ձեզնից: Եւ չէք բարեհաճիլ, արդեօք...» այստեղ Սկոուշը փսփսաց նրա ականջին:

—«Տէր-Աստուած», գոչեց պարոնը շնչասպառ: «Հանաք հօ չէք անում, յարգելի պ. Սկոուշ»:

—«Սնդրեմ», ասաց Սկոուշը: «Եւ ոչմի բողո-կոպէկ պա-

կաս: Հաւատացնում եմ ձեզ, որ դրանով ես միայն իմ առաջ-
ուայ պարտքերս եմ վճարում: Արէք ինձ, խնդրեմ, այդ շնոր-
հը»:

— «Ազնիւ պարոն», ասաց միւսը, նրա ձեռքը սեղմելով.
«չգիտեմ ինչով բացատրել այդպիսի առատու...»:

— «Ո՛չ մի խօսք այլևս, խնդրեմ», պատասխանեց Սկոուշը:
«Համեցէք ինձ մօտ, խնդրեմ. կը գտնեմ»:

— «Կը գամ», գոչեց պարոնը և պարզ է որ կատարելու
էր իր խոստումը:

— «Շնորհակալ եմ», ասաց Սկոուշը: «Անչափ պարտաւո-
րեցրիք ինձ: Յիսուն անգամ շնորհակալ եմ ձեզնից: Օրհնեալ
լինիք»:

Նա գնաց ժամ, զբօսեց փողոցներում, նայեց այս կողմ
այն կողմ գնացող եկող ժողովրդին, գգուեց երեխայոց զուխ-
ները, հարց ու փորձ արաւ մուրացկաններին, ցած նայեց խո-
հանոցները *), վերը նայեց պատուհաններին. այդ ամենը նը-
րան զուարճութիւն էր պատճառում: Երբէք նա չէր երգել,
որ մի որեւէ զբօսանք, կամ մի որեւէ ուրիշ բան, կարող լինի
այդ աստիճան բախտաւորեցնել իրան: Ճաշից յետոյ նա իր
քայլերն ուղղեց քրոջ-որդու տունը:

Տասը-տասնուհինգ անգամ նա անցաւ դռան մօտով, սիրտ
չանելով բաղխել դուռը: Վերջը մօտեցաւ ու բաղխեց:

— «Տանն է պարոնը, սիրելիս», ասաց Սկոուշը աղախ-
նին. «Ի՛նչ սիրուն աղջիկ ես. շատ»...

— «Այո՛, պարոն»:

— «Որտե՞ղ է, սիրելիս»:

— «Սեղանատանն է, պարոն, տիկնոջ հետ միասին: Հա-
մեցէք վերեւ, հիւրասենեակը, խնդրեմ»:

— «Շնորհակալ եմ: Նա ինձ ճանաչում է», ասաց Սկոուշը,
ձեռքը մեկնելով դէպի սեղանատան դուռը: «Ես կը մտնեմ
այնտեղ սիրելիս»:

Զգուշութեամբ դուռը բանալով, նա ներսնայեց սենեակը:
Նրանք սեղանն էին տնտղում, թէ կարգի՞ն է, արդեօք, ամեն
ինչ. թէպէտ սեղանը պակաս տեղ չունէր, բայց դէ՛, նոր տուն
դրածները միշտ նախանձախնդիր են լինում այդ հարցում, աշ-
խատելով որ պակասութիւն չլինի:

— «Փռէ՛ղ», ասաց Սկոուշը:

Խեղճ հարսը վեր թռաւ վախից:

*) Անգլիական տներում խոհանոցները ներքեի յարկումն են լինում:
Ն. Թ.

— «Այս ո՛ւմն եմ տեսնում, Տէր Աստուած», գոչեց Փռէ՛ղը:

— «Ես եմ քո բռնի-Սկոուշը: Եկել եմ ճաշի: Թո՛յլ ես տա-
լիս ներս մտնել, Փռէ՛ղ»:

Թոյլ տալ. դեռ լաւ է, որ բռնու ձեռքը դուրս չընկաւ
ուժգին թափահարութիւնից: Հինգ ընկաւ նա այնքան ընտե-
լացաւ, կարծես տանը լինէր: Դժուար է երևակայել աւելի
սրտագին ընդունելութիւն: Նոյն ընդունելութիւնը ցոյց տուեց
հարսն էլ: Նոյնն արաւ Տոպէնն էլ, երբ որ եկաւ. նոյնը—
հաստիկ բեհին, երբ որ եկաւ. նոյնը՝ և ամեն մի նոր ներս
մտնող: Սքանչելի հասարակութիւն, հրաշալի խաղեր, փոխա-
դարձ սէր ու յարգանք... Կատարեալ բախտաւորութիւն:

Յաջորդ առաւօտը վաղ նա եկաւ իր գրասենեակը: Օ՛հ,
շատ վաղ: Մտքումը դրել էր այնքան վաղ գնալ գրասենեակ,
որ Բոբ Կոնկլիտին՝ ուշացած ներս մտնելիս բռնի: Ահա թէ ի՛նչ
էր դրել մտքումը:

Այդպէս էլ արաւ, այն: Խփեց ժամի իննը—Բոբը չկար:
Քառորդ անցաւ—Բոբը չկար: Տասնութ ու կէս ընդէ նա ուշ
եկաւ իր ժամանակից: Սկոուշը դուռը բաց էր թողել, որ
տեսնի նրան իր տակառանման որջը մտնելիս:

Դեռ ներս չմտած նա վերցրել էր գդակը, յետ տուել իր
շալը: Մի ակնթարթում նա թռաւ իր աթոռի վրայ ու սկսեց
գրիչը ճոճապնել, աշխատելով հանել բաց թողած ընկերների
փոխարէնը:

— «Ա՛յ տղայ», մըթմըթաց Սկոուշը, աշխատելով իր սո-
վորական ձայնը բանացնել, որքան որ հնարաւոր է. «Ի՛նչ ես
ասում, որ օրուայ այս ժամանակն ես գրասենեակ գալիս»:

— «Ես ինքս գիտեմ մեղքս, պարոն», ասաց Բոբը. «այո՛,
իսկապէս ուշացել եմ»:

— «Ուշացել», կրկնեց Սկոուշը: «Այո՛, իհարկէ, ուշացել
ես: Մէկ շնորհ բեր այստեղ, պարոն»:

— «Տարին մէկ անգամ է միայն պատահում այսպէս», ա-
ռարկեց Բոբը, դուրս գալով տակառից: «Այլևս չի կրկնուի այդ՝
Երէկ մի քիչ ուրախութիւն ենք արել, տէր իմ»...

— «Ահա թէ այժմ ինչ եմ ասելու քեզ, բարեկամս», ասաց
Սկոուշը: «Ես այդպիսի բաների երկար համբերողը չեմ: Եւ այդ
պատճառով», շարունակեց նա, վերկենալով աթոռից և այնպիսի
ոյժով հրելով Բոբին, որ նա կրկին, ետ-ետ գնալով, իր տակա-
ռն ընկաւ, «և այդ պատճառով անհաւանական եմ ոռճիկդ»:

Բոբը դողաց և՛ մօտենալով քանոնին՝ մի ընդէ մտադրը-
ուեց վերցնել ու Սկոուշի ճակատին ածել, ապա բռնել նրան

ու հաւար կանչել, որ հարեանները հաւաքուեն ու օգնեն իրան կապել այդ գփին:

— «Ծնորհաւոր Ծնունդ, Բոր», ասաց Սկոուշը խփելով նրա մէջքին. նրա լրջութիւնը այլևս կասկածի տեղ չէր թողնում: «Տայ Աստուած, որ այս անգամ Ծնունդը ուրախութիւնով տօնեն, ազնիւ բարեկամս, մինչև այժմ ես քեզ ուրախ օր չեմ տուել այսքան տարի: Ռոճիկդ աւելացնում եմ և այսուհետև կ'աշխատեմ չզլանալ քո բազմատանջ ընտանիքիդ համար ձեռքովս եկած օգնութիւնը, և հէնց այսօր մենք ձեր գործերը կը կարգադրենք երեկոյեան թէյի ժամանակ, Բոր: Չան արա կրակները և իսկոյն ևեթ գնայ քեզ համար մի առանձին ածուխի—արկղ գնիր, Բոր, կուէ կրտ»:

Բանից դուրս եկաւ որ Սկոուշը միայն խօսքով չէր լաւ մարդ դարձել: Նա իր խոստացածից շատ-ու-շատ աւելին կատարեց: Իսկ Տայնը-Տիմի համար (որ չէր մեռել) նա դարձաւ երկրորդ հայր: Նա դարձաւ բարի բարեկամ, բարի տէր, բարի մարդ, որի նմանը միայն հինաւուրց կոնդոնն էր արտադրում, կամ ազնիւ հին աշխարհի մի ուրիշ լաւ, հին քաղաք, կամ գիւղաքաղաք: Ոմանք ծիծաղում էին նկատելով նրա փոփոխութիւնը, իսկ նա ուշադրութիւն չէր դարձնում, որովհետև նա բաւականին խելօք էր, որպէսզի հասկանար, որ այդ տեսակի մարդկանց համար բարի գործից ծիծաղելի բան չկայ աշխարհիս երեսին: Գիտենալով, որ այդպիսիները յամենայն դէպս կոյր պիտի լինեն, նա աւելի լաւ էր համարում, որ նրանց աչքերը ծիծաղից փակուեն, քան թէ հիւանդութիւնից, որ իհարկէ, աւել վատ էր: Իր սիրտն ուրախ էր և նա բաւական էր գրանով:

Նա այլևս ոչ մի յարաբերութիւն չունեցաւ Ոգիների հետ, բայց մինչև մահը չմոռացաւ նրանց տուած դասը: Միշտ նրա մասին ասում էին, թէ ոչոք Ծննդեան տօնը այնպէս չի տօնում, ինչպէս Սկոուշը: Երանի մեր ամենքիս մասին էլ կարեւոր լինի նոյնը կրկնել, — մեր ամենքիս մասին: Եւ ուրեմն, ինչպէս որ Տայնը-Տիմն ասաց, Աստուած օրհնի մեզ, ամենքիս»:



«Ազգային գրադարան»



